

樂府本事

蜺斗薊樂府本事

山陰 平步青 景孫 纂

光緒丙子秋。薄游吳門。辭后苻采江。別五年矣。涉江憲收書。亦好鈔書。詢其別後所得。出傳奇鈔本數十冊。署曰蜺斗薊樂府。問何人纂。曰同邑某太史外集也。官中外數年。意有所感。不曾強仕。已歸田。謝客杜門。取短書小說。演作傳奇。易舊事以新詞。多者十六折。少或四出。謹守元人架轡。不屑如湖上笠翁之等。冗長也。讀之數晝夜。憲其筆舌互用。層見疊出。奇警處不下藏園。若忘其爲稗販也者。惜卷如束筍。不暇傳錄。僅取本事二卷錄之。涉江云。尙有紅樓拾夢平話百卷。迺取後續重復補五書。及夢補增補圓幻夢影五種。芟薙增易。化朽腐爲神奇。皆點鐵成金手段。行匱未攜。不能與君共欣賞也。予曰。近人好刻舊書。然大半可以無有。安得好事者出千金。取樂府拾夢一一繡梓之。以餉遺海內。

不知誰何之。不遇才子。錯嫁佳人。焚香且讀。且哭。豈非快事。涉江曰。先生休矣。謝韵卿女史詩云。詞章攷據兩分馳。刻苦論文已太癡。等是積薪天地內。可憐總有一燒時。攷據詞章。尙不足恃。下而至於傳奇平話。不益癡乎。予謂亦視其書而何。乾坤終古不毀。則文字之必傳者。人亦不得而燒。祖龍毒饑。豈無壁藏復出之本。儻豫爲江陵斫柱計。如林汲山人。不著一書。不留隻字。自是別一種性情學問。不當望之人人。臨川李穆堂侍郎言。畢竟世間血性男子語也。涉江笑而起曰。然哉然哉。姑嫉異日。

目錄

楊華媾

粵屑卷三海門
婦明齋小識

退紅衫

姑妄聽
之卷二

雨雪媒

耳食錄卷二雪媒及
粵屑卷四風雨易妻

掃花游

卷十芙蓉
館掃花女

花蹇修

卷十一
碧桃

酪奴夢

卷十二
段生

偵到緣

耳食錄二編
卷二明綃

比翼

卷三姚子英參夜雨秋
鐙續錄卷三秦二官

躑躅花

卷四
范依

雙飛劍

卷五
何生

補東牀

鬻樓逸志卷
四誤認婚

香烏瓢

卷五吹
簾乞食

峽山會

卷五婚
姻前定

瞭腳會

卷一
春草堂筆記

九連環

卷二李
賽兒

商燈記 卷二 詩謎

水紅衫 卷三 虞聯生

續會真 卷四 崔小鶯

青衣俠之一 耳諧卷二 觀晉肯喫苦

鳳鳥緣 翼駟稗編卷三 張子修

紫雲迴 卷三 妙覓參聊齋志異卷三 陳雲棲

來生福 卷六 借屍還魂參咫聞錄卷六 兩世人蟲鳴漫錄卷二

琴隱園 卷八 趙孟放

樂府本事

意外緣

昶聞錄卷五 韓生

珠玉緣

墨餘錄卷十 田叟傳

折桂緣

卷十二 雪兒

盛霞龕

卷十二 石晦

雙珠屨

里乘卷三 仙露

又

卷三 袁祖

演祕圖

卷五 歐公子

姊妹花

卷七 某公子

珠彈圖 卷七雄黃彈

青樓俠 見聞隨筆卷十八薄命妓

玉蟬緣 程曉驚喜集卷二奇婚

仙舟夢 香飲樓賓談卷一郭小瓊茶餘談薈卷上宋望

豪釭錯 卷二顧某

不動尊 鏡花水月卷八見色破財

燔間造 宣鼎夜雨秋鐙錄卷二儼然齊人

綉仙綺 卷二捆仙索

樂府本事

連柯里卷二 盈盈

雪裏蕤卷三 雪裏紅

雙仙庵卷四 谷慧兒

迴心院卷五 卓二孃

香雪緣夜雨秋燈續錄卷二 海棠詞卷五 泗者

玉蕩珮卷四 樊惜惜

浣花箋又賽嫦娥一 名金釧緣

七寶鞭卷四 司徒如意郎君

眞珠烏

卷五天
魔禪院

蓮塘隱

卷六蓮
塘春社

黑牡丹

又枝
孃

雙珠佩

卷七
狐俠

羅浮夢

鄒弢澆愁集
卷四梅癡

香國夢

卷六仙
蜨酬恩

碧玉蟾

卷七補
恨天

同心蘭

卷八
羅生

樂府本事

油壁車卷八 鄭女

鏡中緣卷八 鏡裏因緣

麗人潭杜晉燿茶餘談 薈卷上 王秋石

補園隱卷上 姍姍

畫中緣耳郵 卷上

棗糕緣

楊華媾本事

粵東女少男多。故耦媾不以爲怪也。香山有楊華兩生。年相若。家豐於財。才貌亦相埒。而性癖。期娶美婦。故冠尙未室也。秋試省會。同詣日者。推算久之。曰。二君剗度。同際遇。亦無不合。第一端可怪。妻才而媿。特齒太長。所不解也。二生曰。將占易之大過乎。日者曰。然。二生大笑去。楊偶之山。雨暴注。天暮無可棲止。經一巖。有洞窈然。匿其中。石牀在焉。榻便睡去。醒而外轉。微聞薈澤。撫之。纖足弓鞞。艷之異香噴溢。捫搔而上。膩理如脂。不暇研訊。抱而合睡。婦醒。亦不復拒。敏所居。堅不言。褪金條脫贈之。曰。異日相見。以此爲徵。問楊里貫。具告之。天曙而別。婦海門陳氏。容華絕代。得素女內視法。媾時年四十矣。望之窈窕如十七八女郎。詣親串歸。中道避雨。入巖匿。故與楊遇。歸數月。腹隆然。媿疑之。延醫診。曰。兩尺。媿旺而滑。媿也。斥爲妄言。越月益彭亨。媿怪而再詰。始述所遇。彌月。呱呱然。

男也。族人臬出之。婦抱子詣楊自投。出條脫合。楊遂室之。未幾而華亦携婦歸。則較陳年尤長。初華有族母居新會。是秋殍。往弔。子婦陳中表姊也。嫠有年矣。貌冶多才。或勸再適。初未允。見華。心絲愛溜。華亦艷其貌而忘其年。一語脾合。楊聞之。携婦往賀。尹邢玉毀。憶日者言。彼此絕倒。外史曰。大過九二曰枯。楊生華。老婦得其士夫。異哉。二生同占此爻。豈氤氳大使故偵到邪。不然。何珞璩子之先見也。海門婦見粵屑。卷二。乃嘉慶癸酉事。男子無姓名。次則見明齋小識。卷九。爲乾隆庚寅松江南邨人。童十六。媪將八旬。好事者并爲一談。跗會不足信。或謂徐孺皆老。二生何尙多情。則明史云。萬貴妃長茂陵二十歲。寵之專房。何邪。

退紅衫本事

巫壽廷官編修時。以五百金納一姬。貌妍麗。善繡工吟。兼精膳事。退直讀書。添

香睹若僉。謂詞臣艷福無雙矣。會游西山旬日。歸至西直門。瞥見姬衣退紅衫。與其母同乘馳。愕甚。將詰何往。而姬若弗見焉者。慮或誤。未遽言。既而思衫迺昨所新製。狐疑至家。則姬故在室。褰簾笑迓。追問而先遯歸邪。而母又將而鬻何氏。姬不知所對。巫怒命。奴子諱其母來。母偕一女郎亟奔至。入門。則所見車中人也。尙衣退紅衫。說反諸姬。貌肖其姊。雙珣纖細如之。巫知爲媼。嗒然無一言。已述塗遇之繇。自引咎。姬與女咸靦然笑。巫益溫辭慰藉之。母云前鬻女金。以償債盡。今茲逋更索。不得已。將鬻其妹。應之。假姊衣之海澱。灼他往。惘然歸。方欲還衣。不虞公之見疑也。巫急問賈幾何。曰。鬻子兩女。長者幸事公。必欲少年貴官。何可再。但償負足矣。不敢索多金也。姬方欲言。巫已入室。啓篋取五百金。出實几上。曰。與其姊直同。可乎。母笑鎖署券去。姬與女皆大喜。出自望外。從與卽夕侍寢。巫賦定情詩八章。姊妹和之。姬燕氏。名蘭翹。妹名蕙翹。年十六。蓋

學生云。

外史曰。姑妄聽之。(卷二)載朱青雷言。季華麓事。與巫同。華麓不知何名何官。豈一事而傳之者異邪。抑作者弄筆。假文達語。喬命姓名邪。院本佳話。十九寓言。不能一一覈其出處。然不至過於誣妄。則雖知爲虛幻。聊飲談柄。縱綺語。讀者妄聽之可也。或曰。巫蒔珥者。亡是公也。則眞贋又足詰邪。姚野橋褪紅衫傳。奇已登木。予未之見。

雨雪媒本事

古來昏姻之奇。以金梁參政肅元郝文忠公所詠吳門女子爲最新。城王氏初夫人亦然。徐岳天婚記。乃山西羊氏。談屑(卷四)逐之王味隸中丞(亶望)母。大誤。王父莪園中丞師撫江蘇有聲。

國史列傳及紫竹山房集中所撰傳可按。烏有山居陶穴事哉。若粵屑(卷四)

風雨易妻。與耳食錄（卷二）雪媒。可謂無獨有偶。然未知果有其人。抑薊谷蓮
裳寓言。合而演之。曰雨雪媒。亦鉅觀也。陽春陳氏子。穉齒聘徐氏女。家皆素封。
陳子旋以痘。滿面妝花。右目暉。背癭。徐女及笄。纖麗淖約。畫中人也。鄰邨韋氏
子。亦幼聘鄭氏女。皆業儒而貧。韋子長而秀出班行。鄭女則嫺醜。居在數十里
內。咸謂世上女兒多誤嫁矣。乾隆庚辰二月之望。兩家以是日昏。鄉人親迎采
輿。貧富無甚異。觀者不辨爲某邨某氏也。天陰霾。中塗相遇同行。大雷電以風
西。雨及之。暝不得前。昇入敗廟避之。雨霽而冥如故。薄莫。閣中昇輿分道去。陳
室鼓吹誼闐。而風雨益驟。滿堂燭皆滅。草次成禮。入青廬。陳子自慚形穢。慮爲
女見。急登牀。被蒙首臥。鄭女亦憚郎窺。潛就枕焉。晨曦入牖。債面大驚。呼伴爇
詞之。與新人不相識。詰爲鄭女。然後知避雨後誤昇也。韋徐卻扇飲盃。女闌堵
韶秀而文。壻覩新婦姣冶無匹。異乎所聞。駭甚。白母詢之。徐女也。韋曰。此錯安

可鑿。請母伴女。而襍被就外舍宿。急馳杵告兩家。聞而疾至。徐母知韋宿於外。甚感之。問女安歸。女曰天也。蓋陰懷西袒意。鄭至陳家。見女歸巨室。喜溢眉宇。而陳子以研易蚩。不勝憤。所之使反。鄭母曰。郎與小女。可謂相值相當。莫非前緣。何嫌之有。陳以其誦已。愈憤。訟之縣。時仁和葉涵齋（世度）以戊辰庶吉士。出宰是邑。良吏也。訊知陳鄭已驩合。韋子避嫌俟著。於是義韋而譙陳。判略曰。韋生能守禮經。坐以待旦。陳子已成伉儷。訟則終凶。樊雲英應嫁裴航。鳩盤茶合昏鬼伯。以故雨師灑道。風伯易輿。人何與焉。天作合矣。貧富自安於命。妍媸各適其宜。妝奩兩易之回。兩氏自饒其女。無違。判出。陳子恚欲死。徐資遣甚豐。琴瑟和譜。韋次年補諸生。家小康焉。前此五十年。康熙己丑冬。崇仁富室賈。與士族謝同日娶婦。賈婦爲王粹方。謝爲吳。吳貧而王富。魚軒交錯道上。同雲滿天。雪花如手。不辨塗徑。輿外流蘇繡纈。油幕覆之。兩乘如一。共謁邱亭。併御昇

夫凍僵蜩縮。久之雪益甚。恐日莫塗遠。各擁輿分道而去。夕。翠方圍視房中。奩具敞。無一已物。疑壻家易之。慍不能忍。問紫檀鏡臺安在。婢將來卸妝。謝笑曰。卿家未以此來。又無婢。今烏從覓。曰。賈郎胡出此言。謝又笑曰。我真郎非假也。翠曰。謂郎姓賈耳。壻曰。我姓謝。翠大驚。呼賊媒賣我。謝亦驚。家人畢集。謝母叱曰。家雖儒素。媒安敢賊。汝憎壻貧。作此態邪。翠曰。儂媿賈氏。今云謝何也。母曰。癡婢。安有臨昏易姓者。然則汝亦非吳氏耶。翠悟曰。誤矣。誤矣。汝婦吳氏。儂自氏王。中途避雪於亭。微聞並愒。一輿爲吳女。壻家則忘之矣。殆汝家也。倉卒互易之矣。速使人如賈覘之。咸以爲然。而距賈三十里。質明方達。則延陵季女。與賈大夫射雉如皋矣。吳視粉黛脂盞。勝已遠甚。亦頗知誤。而艷其富。闕不言。至是陽怨怒大嘯。而賈氏子以其貌頗麗。不復爲故劍之求。使者反報。翠欲自盡。或勸之曰。王謝匹也。殆由天定。或月下老弄人。偵到。今賈願壻於吳。卿自

宜婦謝翠不可。謝氏子已馳詣王，告之誤。王曰：天爲之也。六出公作冰人，願爲秦晉，共如謝氏。翠以父母之命，始拜尊章，非非子曰：六禮以納采爲定。今親迎，曰易之，可謂奇幻。然君子於此，覘世變焉。

歸花游本事

臨川谷生若虛，讀書郊外精舍之側。谿水瀏清，落花如劇，耽玩之日，莫裴回。一麗人挈瓶來汲，谷異之。每至，麗人輒來汲，反從之西行。至一山，重巒疊嶺，時將盱，予不前。女諱曰：山君且至，奈何。林中虓虎突出，谷驚仆。女手摩之曰：去。毋驚郎也。歛尾退。女扶谷起，又一鱸至，復摩之去。谷欲反，女指曰：過嶺，卽儂家矣。谷以嶮不可上，女取所繫帶，縮谷腰，捫蘿攀葛，拾級以登。下嶺，則驚瀧濁浪，橫截其垠。谷曰：欲度無梁，奈何。女說織屨浮水上，須臾，大如舟，携谷登之。粉香四壁，未及岸而覆。女立波上，曳谷中。笑曰：儂戲陽侯，反爲陽侯所涉。舟復爲屨。

著之略無霑溼。前行又一嶺。峻倍於前。谷決意反。女笑曰。何其怯也。人不歷險。阻難而成好事者寡矣。郎畏之。當別覓塗。抽簪劃壁。石隨簪開。入之。別有天。地樓閣疊。小榻琳房。悄語相對。出酒饗。歎谷自思學道有年。何遽墜行。正襟莊坐。女笑曰。風流藪澤。安容老學究問津。何忽作抱兔園冊子態也。引與就榻。方緩結束。忽聞女子疊門。叩呼七孃子。女失色。低語曰。家四孃至矣。藏谷復壁。而後啟關。曰。夜深矣。姊來何爲。四孃徑入。見殺核狼藉。雙棧橫陳。指而笑曰。姊來分犯。央栢餘瀝耳。女知不能掩。曰。人家夫壻。干姊底事。四孃怒曰。若夫壻邪。出而覓刃。女亦拔劍逐之。呼侍婢助戰。錦裳窄袖。手短兵。嬌鳥唬花。輕如飛燕。數十人格鬪庭中。踰時出門。聲漸遠。谷壁隙潛窺。忽聞羣婢笑而反。呼曰。七孃子北矣。谷方懍懼。四孃入。云。賊當在室。命讓索。婢扶谷出。忽報五孃來。見谷搜之。而雜以嘲諢。且曰。我見猶憐。何況妮子。谷視之。與七孃伯仲也。念七孃登山。

涉水險苦備嘗。何可負之。悽然淚下。四孃狎抱之。五孃亦捫捺不置。一婢入。曰。七孃捲土來矣。四孃駭而奔。五從之。聞戶外馬蹶聲。戈戟聲。鼎諍聲。七孃戎裝入。曰。郎安在。執手而泣。問四孃曰。遯矣。七孃曰。縱虎不可。妾了之。再圖權聚。率衆去。頃刻嗷然。樹鳥啁啾。東方白矣。視所倚者枯樹。四圍叢棘也。轉側始出。入邨落。見者大驚。一僂問訊。知超海而北。其地羅刹國也。回望鄉關。傷心殞涕。僂詢得其狀。曰。危哉。此飛天夜叉也。不劇齒牙幸矣。留半月。聞於國王。召見甚敬。禮以翁主妻之。貌尙麗而嫉冶。贅媵。居三月。谷不堪命。因念爲異域瘵鬼。不如果夜叉腹。隱至故處。青山如昔。枯木依然。而人面不可復睹矣。憶嫉思鄉。潛焉欲絕。忽窺宇樓閣。仍在目前。悉如其夜。七孃靚妝倚樓。見谷若不相識。谷仰呼自陳。七孃曰。郎已知蹤迹。那得不畏而復來邪。谷曰。雖知之。感卿情重。願終憐而收之。七孃笑曰。眞書獸無賴也。納之。問四五孃及諸婢。笑而不荅。固請之。迺

曰。實告郎。妾芙蓉城埽花女也。以醉悟花神。謫汲水人間澆花。與郎解后谿畔。郎忘綺語戒。賦涉感甄。本當擯瞻北溟。永淪異類。以好學可嘉。得从末減。聊相戲耳。一切所見皆幻。此地本非羅刹。亦無國主。主亦無女。女亦不尙郎。况四孃諸婢。空中之變相哉。境由心造。回首都非。谷駭然。七孃引與登樓。凭欄指曰。郎精舍在是。復同下婁。頓失所在。木立谿上。反視柴几。硯墨未乾。自是閉戶讀書。谿瀕絕跡矣。

筆筆轉。筆筆變。入後尤爲華嚴法界。何減文仙。然不觀原本。不知是作之佳。

花蹇修本事

南豐趙侶霞。字雲友。好汗漫游。二十餘。客杭州。愛西湖之勝。留連半載。爲山水所醉矣。而靚妝絃服。畫船如織。趙視之殊不覺也。一日。獨步斷橋花神廟。注視良久。曰。小姑獨處無郎。得毋宋墓乎。吟一絕云。采雲堆埽眩雙精。欲向羅浮癯。

裏行。今夜月明橫翠羽。玉梅花下待卿卿。反而就枕。縹少女捲簾而入。微步嫻
嫻。丰神曠世。共談風月。謔浪波生。挑以微詞。不答而起。曰坐久更深。恐風露侵
衣袂。妾去矣。挽之已出。遺輓於地。取視。有詩曰。瓊樓深處片旛遮。久別孤山處
士家。自有碧桃開洞口。不須惆悵向梅花。讀數驚寤。佩響餘香。恍忽不遠。信花
神來矣。次日至廟。神若相視而笑。宛然褰裳夜語時也。徜徉湖畔。水光山色。并
入愁腸。花嶼鳥聲。若與浩歎相答。有老翁見而問曰。少年何歎。非歎所也。趙曰。
人各有心。翁烏知之。翁曰。若是。何不過我。老夫水仙王裔。敝廬武林門內。頗閒
適。朝夕情話。可破嗷廖。趙辭不獲。從之。既至。館於園亭。出邇內室。一日方共賦
詩。微聞簾間薜澤。玉鉤蕩處。半露烟鬟。國姝也。趙頻目之。已爲翁見。笑指簾內
曰。弱息也。君以爲姝。請侍箕帚。趙皇恐辭曰。一介萍浮。辱長者置門下。已云幸
矣。何至重之館甥。翁固言之。卜吉成禮焉。女名隸鄂。小字碧桃。趙始悟花神詩

語爲女言之。女嗟歎曰。異哉。花神蹇修也。妾一見郎而弗釋也。夕。瘳女郎來曰。郎在卿家。不可失。因是忍俊不禁。父母玲妾。絲蘿之託。有自來矣。趙問所瘳女郎。容顏服飾。一一與已瘳符。信花神之來也。夫婦詣廟。焚香謝撮合焉。以沈檀肖像祀於閨中。趙後聯捷入詞林。敷歷中外。以侍郎歸田。猶未強仕。愛西湖。女戀父母。遂家武林。

酪奴瘳本事

洛陽段鈿字蓋摩。年十八。姿寓秀偉。有璧人之目。少失怙恃。貧不自存。戚友勉周之。生自負英特。銳志進取。念非毛錐。穎說終不免鄉里。歛。貢入北雍。應順天試。落解留京師。以圖再試。城東小宅一區。素不靖。以直廉儼之。自夏徂秋。略無所異。紙窗土坑。宋墓無聊。一夕寢方寤。乃在綃幃繡被中。溫磨撲鼻。驚起四顧。則髮几銀釭。人影在壁。一女郎背燈坐。釵光鬢影。隱躍撩人。玉佩明璫。珊珊

作響。亟問此何地。卿何人。女迴牽斜盼。粉鬢桃嫣。少焉發聲。如流鶯語燕。曰。郎自臥此。郎顧不知。我不詰郎。反我詰耶。言罷。復迴首背鏡。微聞歎息。生故恇怯。不敢復問。彙踏被池。惛然復睡。醒而殘月照窗。曉鐘到枕。依然獨眠絮被。以爲寤也。次夕既寐。忽有撼之醒者。則昨背鏡女也。籊裊無言諦視之。蛾眉巧笑。頰頰多姿。疑思都忘。攤之而坐。展問邦族。女低語曰。兒杜氏。小字絢烁。本貫洛南。與郎鄉里。從父母遷家輦下。生請謁其父母。女曰。以事出都。兒與婢小荳居此耳。復問有何親串。女曰。無之。惟中表高七姊。別宅而居。言罷。頰頭撚裙帶。削玉纖纖。生遽握拳求歡。女縱體入懷。成燕好焉。已而一婢款關入。捧具理置几上。曰。酪奴來矣。紺衣窄褻。姚冶殊常。見生。作色曰。秀才不守臥碑。當使受水戾。生罔知所對。女手麾曰。去。狡獪小婢。慣以險語泳襟。不顧書貳破膽邪。婢徐匿笑出。女謂此小荳侍兒久矣。生曰。卿好茗飲乎。女曰。雅有此癖。自謂巾幗盧仝。

不識耶能爲左執素僚敵乎。生故嗜茶。詹曰：七椀之量，豈足道哉？女攬衣下榻，生戲持其踵，橫波迴顧，臉霞媚生，旋取盃對啜。生啜且歎。女問之，曰：主文冬烘，使我耗聒，與卿茗戰，枵觸蘇詩耳。女曰：有才如耶，何患不遇？生曰：昨卿背鎧太息，豈似重有憂者？稚齒韶顏，有何不適？豈爲耶傾頰邪？女愀然曰：冷閨怨苦，甚於下第書生。命薄於雲，人孤似月。言未數，玉筋雙垂，嬌嗔哽咽。生亦悽然，攢諸鬢，以裏拈拭之，始止。淚痕餘頰，慘黛長眉，尙壓盈涿水也。於是傾茗復啜，絮語喁喁，已盡數瓊。女雙臉薄暈，若被酒然，益覺嫵媚撩人。生起曰：長卿奇激，非莽設所能解也。復就寢。生戲曰：溫柔鄉，何修得此？豈趾離幻我乎？女曰：天下恐無此癖。癡中恐無此人，人中恐無此景。耶以爲癡，則與耶同癖可耳。生爲解頰，然終疑之。偵女睡，私說繡履一鈎，藏之枕底，勸而沈睡。至曉，失女而履存，纖不盈握，鏤繡嵌珠，異香噴溢，把玩不能去手。悟蕉鹿之非夢矣，而亦知其非人越。

夕偃息。復瞑繡榻。女捧幃微搯其頰。曰。映桂手。願爲步蓮蕊。譬諸小人。郎居何等。生驚喜。曰。卿以儂爲竊屨來歟。小荏亦陽怒曰。郎舌強尙爾。令長跪小懲之。曳生下榻。按令誚鄰。女曰。郎亦可憐矣。昨高七姊約爲秉燭游。想又責詩債。姑貸郎使俱。爲汝捉刀自贖何如。小荏笑而止。生曰。七姊問阮肇何來。將奚以對。女曰。桃源女伴。花裏送郎。無慮唐突也。生許之。共蹋月往。約三四矢遠。燈光出林表。至則夏屋一區。繚以茅茨。敏鏗數下。女使延入。女呼曰。不速之客來。俄有美人自內出。年可十八九。修態姱容。與女埒。笑迎曰。我有嘉賓。乃紅拂攜耦來邪。肅生上坐。生懇謝。女曰。我郎卽若郎。何讓邪。七姑低鬟。略無慍色。四顧素壁。文窗。紫几。華榻。博山香麝。雙煙紫霞。筆硯圖書。位置精雅。燭光中見階前盞花。駢列。葦葉紛披。視之秋海棠也。嬌楚可憐。回視七姊與女。異嫿同研。仍設茗飲。眼波眉影。屬意於生。生亦惑之。七姊捧盃而起曰。玉郎在座。剗燭鬪茗。各賦新

章如詩不成。罰依玉川茶數。生曰良夜雅集。焉用他題。秌海棠盛開。殊可賦詠。此花雖名斷腸。聞少女懷人。洒淚於地而生。真有情癡也。拙句已就。二女皆曰。善。授箋使書。生書授七姊。曰豈讓香霏閣。芳名況復同。夜深花不睡。合爲護秌風。以七姊小字碧棠也。七姊覩女而笑曰。姊夫舍坊州而問昌州何邪。女曰。一來二縫。古多有之。安足詫哉。女與七姊詩皆成。女謂生曰。七姊有心。郎盍止此。儂去矣。芙蓉鏡下。當再相見。七姊無語。女已呼小葢出戶矣。七姊背燈癡坐。生前揖乞寢。忽女使報曰。夫人歸矣。七姊變色。欲伏生牀下。而老婦已入室。見生大恚。命逐諸門外。門隨闔。聞操挺撻女使。生倚檐聽之。又聞老婦曰。不看渠進士知府。肯令出邠。遙聞鷄唱。聲遂嗽然。生勸甚。就檐下榻。醒迺臥叢冢間。踉蹌歸。距所居里所。不知夜來何自而出。亟以所遇詰主人。主人不能諱。曰此實洛中杜氏故址。聞有女未嫁卒。客所遇殆是乎。至高七姊。則官冢多。不知伊誰也。

生入室取履。玩弄竟宵。冀復見。久之杳然。憶芙蓉鏡下及老婦語。知必捷南宮。下帷攻苦。次年果領解。連捷成進士。乞假將歸夕。見絢秋姍姍來前。賀曰。郎貴矣。冥司以妾及小荳與郎旣緣。判令再生。爲郎室簞。臥榻下卽幽宮也。向承垂注。非不相念。恐分誦讀功。故不敢見。明日卓午。妾再生時也。驚寤。早起告主人。移坑扣之。果得二棺碎之。貌如生。氣息纔屬。扶而出之。數日皆如常人。燭吉合。香詣向所臥冢發之。得高七姊柩。後歸厚葬之。槨曰洛中才女高碧棠之墓。生後官至二千石。絢烱小荳各生二子。偕老。

蓮裳原本哀感頑艷。然未免冗蔓。不如此遒勁。

偵到緣本事

浙西桑者閑。家富鉅萬。性豪侈。苛於擇配。世室高門。匙所當意。年二十猶繆也。或繩之曰。姑蘇佳麗椒也。必有施且其人。桑乃拔厚贖往。過笠澤。湖風度耳。遙

聞歌吹聲。少焉一官舫蒞波至。歌喉尙嚶。曼韵如絲。桑心醉。鼓櫂隨之。晝泛夜泊。兩舟僮僕稍問訊。曰嚴陵顧刺史。逐家吳門。夫人舟也。桑問歌者爲誰。曰夫人侍兒。咸工絲竹。女公子尤善。問字人乎。曰尙未。桑乃賂舟師。使緩槳迂行。終日徙倚舵樓。冀一見。次夕泊蓬窗半啟。泮騰數葦。倚舷絮語。青山指畫。婉孌無儔。中一翠衣茜襲者尤麗。回首見桑。遽掩窗入。桑問舟師。翠衣者女公子也。桑惑之。啖之金而求策。舟師曰。郎君癡矣。某何能爲。桑固請。舟師曰。夫人弟趙。刺史所任也。亦在舟中。試以鄉里投刺。結其歡。申禮而求娉焉。其可。桑從之。趙來。畚留飲。酒酣。桑微露其意。趙曰。君尙未昏邪。某女甥待字。如君者佳婿也。桑卽下拜。傅謝。趙曰。容反舟與姊言之。少選。趙來。曰。饋矣。然亟須納采。璽蘇慮刺史。或他字。是日舟近金閩。遂止不行。桑以千金爲娉。復壽趙百金。過舟謁夫人。慰賚良厚。翼日登岸。夫人及女諸侍兒乘輿去。趙留宿桑舟。次日有輿從來迎。留

二僕守舟。隨趙往一大宅。主人出迓。桑執子壻禮甚恭。館之外舍。張飲大醉。趙辭去。沈睡。至次午始醒。悄無人聲。異而蹟之。宅空。問諸鄰。言此朱氏別業。昨一人來假宴客耳。始知被迂。倉皇反舟。見二僕。則行李僂積。亦爲趙賺去矣。譖詐反浙。憤顧趙之賣己也。而戀翠衣不置。時物色之。忽有李乙者來。言予我金。當言顧所在。桑喜。曰。第言之。李曰。顧反嚴陵。試往輓跡。桑偕之行。至一邨。長楊高閣。畫檻周遭。閣上女子翠襲倚闌。李曰。此顧居也。可隱柳下伺之。桑睹女子類舟中所見。俄一人茗芽來。諦之。顧也。李曰。君欲得女邪。反金邪。桑曰。不望還金。願得女而甘心焉。李曰。某往說之。明早報命。次日李果引顧來。皇恐謝罪。曰。趙誤我爲此。悔矣。願修前好。顧去。李曰。假我百金。則佳人爲君有矣。桑與之金。偕往。李先入。待諸門外。久不出疑之。入其門。無人焉。登其樓。無人焉。鏡奩粉盞。顧到凝塵。益訝其無人。甫欲下梳。則聞大呼曰。賊賊。俄數人共執桑。數之曰。入人

閨闈欲何爲。桑申李說曰。此方室非顧氏。何誣也。一人紡諸柱。將挾之。一人曰。以千金來。當貸汝。桑遺書家人。致金贖之歸。由是翠衣之念寢。閨里中張丞女。媵。委禽焉。將醮。女忽逸去。張僮適購一倂絕姣麗。僞爲己女。厚嫁之。當夕。非處子也。詰之曰。妾今安忍復祕哉。妾非張女。亦非顧氏。蘇臺柳所謂姚碧綃者是也。顧亦非顧。倪耳。趙則其戚妾張也。諸姦買僱以誘君。得金而鬻妾。落花墜溷。而卒歸君。天也。桑大駭。因話嚴陵事。曰。此則不知。亦黎邱故智耳。桑問張女安往。綃備以告。桑嬖綃。遂安之。偶自友家歸。過林垆。有少女投繯。救之。鯨。問何故輕生。女不勝羞泣。自言爲抱布氓所誘。今復見棄。無所歸。故引決耳。桑覩女溫婉。女感桑拚。願從之歸。徵其氏。卽丞女也。桑欲返之。綃力勸桑。且以嫡讓。桑不可。妾之。桑雖受匪人給。擲數千金。而卒攤兩美人。俛守不復出游。完其家。

聊齋志異(卷二)大男條。此末段略同。然申氏何昭容先固嫡庶。後始易位。

耳。至顧趙之設計賺桑。屢攫其金。然桑固戀戀翠衣。有以自取。不得全咎羣。若近日滬上之紮火國。放鴉鴿。不肯士太美亦復爲之。并不得爲顧趙重儷矣。

比翼鴉本事

閩人姚子英。少有儁人之目。待父商淮陰。嘗渡黃河而北。病止邨廟中。得藥而瘳。偶出游邨落。見之者目相環也。一夜有麗女子入室。姚曰。卿人邪。曰。否。鬼邪。曰。否。然則狐邪。女笑不答。遂同懽寢。旦則倏然去。信狐矣。無何。父聞其疾。至。見瘳也。促之就道。姚行數十里外。待女子不至。度父歸淮。復還廟中。夜女又至。喜曰。妾知郎多情者也。必反故至。姚戲曰。卿狐矣。乃不能隨我行。曷故。女曰。勿相責。明隨郎去矣。漏三下。聞檐端有聲。女急推姚起。曰。亟竄。老父躋至矣。卽以衾裹姚。挾之破扉出。登垣而奔。如鴉鴿之鳥。比翼飛空。姚冥然聽之。不知身落何

所也。旋聞女呼曰醒醒。姚啓衾張目。曙色蒼涼。乃臥野亭。女在旁喘汗。覩之而笑。自顧羸體。不禁粲然。女指衾下。曰忍辱鐵固在。姚索得衣袴著之。從容問何適。女曰無須問。今當圖其急者。裝資盡棄。無以具餼糧。奈何。姚怖無策。女笑曰。不嫌蒙頭巾。貧不足憂也。姚亦笑曰。此在卿不在我。女小搗其頰。曰幸不至此。妾幼習角觝戲。請之市。鄺少展薄技。釀金戒塗可乎。姚曰甚善。乃之市。女擇隙地畫中矩。於裏中出碧紗步障四隅。中垂繡幔。隔爲內外。一切供具悉取之裏中。坐姚幔外。曰郎弟觀之。諸無與郎事。姚唯唯。女坐於左。揚袂一麾。則障闢如門者五。觀者蟻集。一小鬟攙幔出。年可十三四。衫袂繡繡。向女拜曰姊姊好。又拜姚曰姊夫好。姚欲起答之。女曰止。小鬟復對衆斂衽。展摺疊扇。索錢。頃刻得數貫。獻於姚。徐舉扇麾空。則萬紫千紅。飄泊滿地。桃杏花也。衆訝九秋氣候。不宜有此。俄牲丹一朶。大如盎。飛墜羣花中。小鬟跼坐其上。凌風而起。諸花皆隨

之飛去。觀者莫不詫爲奇妙也。女曰：「丫頭無禮。舍我去乎。誰爲我執以來。」一老人應聲出。長尺許。荷一梃。控小衛。偃僕欬臺。惴惴伏鞍。若將墜下。女晒曰：「汝欲追妮子。不顧閃折骨頭邪。」老人怔忡而退。觀者咸大笑。女曰：「丫頭既去。姑聽之。請爲激楚舞。以娛觀者。」遂呼曰：「良子來。」則有僮子出於東。短衣雙髻。執戟而舞。良久。又呼曰：「阿吉來。」復有僮子出於西。裝如弄。手雙劍。女曰：「鬪。」二僮子乃鬪。劍戟鬪。終不相觸。女曰：「搏。」二僮子迺棄械而搏。忽一人鬪二僮仆。厲聲曰：「癡婢。滯此何爲。」女色變。挾姚而奔。諸物皆化爲紙矣。女偕姚至淮。以情白父。喜子得媿娘。女婉順。與姚厮守。老父亦不復至。

借陽羨書生鵝籠事。幻爲小文。猶是唐人雜文小品。用雜記上疏布疇四面有章（障同）置於四隅。及說文解字鬪鬪不作續紛。則前人未有。殆所謂熟處難忘邪。

躑躅花本事

臨川范僮子依入塾受書。清明散學。游郭外。見少女一媪同輿而馳。依說而尾之。車甚疾。苦勿能及。數里。御者渴。息轍山阿。就道旁飲。時微雨初晴。女見杜鵑盛開。映山紅滿。使媪下折之。依踵至。聞其語。適持一束。遂以贈女。女笑受之。流眄不語。頃之。媪還。見女手中花。訝所從來。女慙擲之。地。而依立輪右。裴回不去。媪叱曰。何物小郎。輒貽阿姑花。依長揖媪。媪憐其韶幼。徐問里居姓名及執業。依具以對。女志之。媪復下取花授女。而以己所折者贈依。御者至。推輪去。依歸塾。以語同學子。謾給之曰。前邨張氏瑩也。聞尙待字。盍求之。依以爲信。欲白母而未敢言。乃取尺箋書瑩名。置枕函。歛食必祝。夜則焚香禮之。比端午。師徒散歸。依卽如前邨。廉得張氏。果有女名瑩者。潛敏謬門。適媪出。識之。曰。若非范生那。依曰。是也。媪小語曰。吾家瑩姑。爲郎病久矣。速以媒來。依求見女。媪入白。女

不可。使媪貽之。悅。促之去。亦屬曰。速以媒來。媪復道之出。是日。張氏舉家上河。觀競渡。惟媪侍疾不去。故依出入無知者。依歸白母。母訶之曰。汝好讀書。將爲。汝納婦矣。終不聽。汝自柩婦。依羞儻無策。亦病。母止依一子。憐且悔。媒如張氏。張弗許。女聞之。疾轉篤。依亦劇。同日死。俄而先後。依母喜曰。兒生矣。依張目。曰。我瑩也。非依也。瑩。蘇亦曰。我依也。非瑩也。聲皆不類。蓋已離魂互易其軀矣。兩家駭極。交驗始信。遂爲夫婦。男其體者女其心。女其形者男其情。非非子曰。玉茗叙牡丹亭。謂生而不可死。死而不可復生者。非情之至也。烏虜亦知天下。男而不可以女。女而不可以男者。亦非情之至者乎。情如范張。與柳杜。一而二。二而一者也。世以爲異事何哉。

雙飛劍本事

汝南韓生與同性。流直。好行其德。嘗客金陵。徧謁同舍。一少年居西室。首風帽。

而衣甚襤褸。玉醕朱顧。如好女子。扃戶不見一客。韓投刺。瞰亡來答。他日闚其室。繩牀敗絮而已。問主人客何姓何所人。則未之知也。居數月矣。直弗償。不能復館之。韓意必英雄寒餓者。代納直。屬勿謝去。問饋之錢。不辭亦不謝。無何。款其關。無應者。蓋已去矣。牀下敝布囊。啟之所饋錢在焉。深歎其介。然心竊怪之。未幾反里。室文氏孀而賢。疏財杖義。有女孟嘗之目。久不粥。是年方孕。有媼之者。以金啖鑿而重賄看產者。戕之。覬爲之繼。媼而母子斃。韓痛不欲生。誓不再娶。有勸之者。哭不應。文翁百方諭之。母時歛泣。韓悲憤竄膺。潛焉對曰。壻不肖。不能剗及讎。負夫人矣。有雪此者。儷之。翁曰。今世安得有劍俠。子休矣。遂不復讐之。韓萬念俱灰。棄家爲山澤游。將爲清涼山行者。打鐘掃地以終。念家世儒學。已又素疾二氏。故不爲。偶游洞庭。林薄突出巨獸。毛猓鋸齒。似師子。狻。勢將搏噬。莫可逃匿。倏女子飛騎來。錦衣弓鞬。腰劍箠弓矢。褪右鐙。纖足鞞。攬

鐵鉤獸鼻。猱吼而奔。女追之。絕塵以去。韓幸得脫。塗已昏冥。止菴廟中。夜深月上。獨步門外。微颺吹面。隱聞篴聲。且聽且行。篴聲止而笑聲作。則金鋪壯麗。門外籠燭兩行。美少年華服揖韓而進之。韓疑不欲前。少年笑曰。君忘金陵逆旅西室人邪。卽我也。審視果是。問曩何去之速。今何遇之巧。少年曰。僕以事他適。不及別君。感君舊誼。特相娛。訝其苒知。語次聞腕釧聲。璆夏冠際微露。鬢心愈疑而不敢詰。少年笑曰。君疑我耶。頃馬上驅異獸者亦我也。去其冠而鬢雲見。國姝也。大驚拜謝。呼爲仙女。曰。唉。世上安有仙人哉。儂變服詭行人間。以貧晦迹。不爲人識。君獨相飲。儂故拊君。奚足齒。旋呼速妹來。乃十四五女子。窄袷短裋。秀曼無儔。女聶語隱躍。速曰。諾。拂檐而去。頃之劍聲呖然。速已瞥下。反命曰。敦矣。女命傳餐。咄嗟行炙。極海陸之陳。夜鄉晨起。告行。女亦不强留。而眷戀之情。溢於顏面。至家。家人白鑿與看產者。一夕死。而亡其首。詢其日。卽女山中。

飲韓夕也。悟迷所爲。愈感之。偶發行篋。一小櫝。緘甚固。啓之。匕首白如雪。試削庭中樹。未至。柯折。劑石。石開。意所向。擲劒輒往。已復還手中。蓋飛劒也。寶之。歲餘。室中夜青光如長虹。曳影穿牖而出。拾中劒亡矣。惘惘者索月。天寒大雪。聞門外馬嘶。出視。有紫叱撥止焉。鞍鞮悉具。疑營中逸者。而鬢間繫繡囊。解視得梅花衍波箋。書曰。騎至卽發。筆仿簪花。不署名氏。方疑怪。而馬數數驤首。若勸駕者然。試跨之。騁而馳。彈指駐一邨。下視高菱形戶。戶內人語曰。至矣。戶闕。有小鬟招手曰。來。徐步從之。至內。則綺闥蘭釭。牙牀繡幄。中有呻而歎者。小鬟前白曰。韓郎至矣。玉鉤璆然。帳徐啟。麗人攬衾而坐。神韻成削。毒視女也。女見韓。啞然喜。已而趨起。問郎那得來。具告之。女顧小鬟曰。必速妹爲之。速已自外入。翠笠絳襦。鞵織印雪。女曰。妹子召客。胡再不謀。速笑曰。爲姊病甚。不暇關白。女嚶然低首。已而謂韓曰。妾博觀天下士。無當意者。鞭笞鸞鳳。頗亦自豪。不圖爲

郎湛縣至此。遂齧仇儷。生告劒亡。女曰。前贈雄劒。期君能用之。爲國家殺賊。并世間忘恩負義漢。胡祕藏之。神物豈長處枱中者。宜其亡耳。非迷妹不能收也。韓請與俱。女初不聽。再三云。女笑曰。郎非爲劒也。生笑不言。女曰。儷固欲效媼娥。慮妹瞋。未遽語耳。乃謂迷曰。郎劒亡。須妹往收。使郎佐妹。迷曰。妹自能收之。何佐爲。女曰。雖然。亦使郎一觀其狀。試勇怯耳。迷乃許諾。女謂韓曰。郎往。見如青龍者。劒也。母怖母卻。然且僞爲怖者。而昵就妹。妹爲郎畏。將不忍拒也。遂同行。至莫釐峰下。空谷聞風聲。獵獵。迷顧韓曰。劒在是矣。果有物。俗俗如龍吟。蚺。繆。嶮。巖。之。顛。迷擲雌劒。招之。卽投下。入手縮小。依然匕首也。韓乘其招手。陽驚呼。走抱迷。窘。作掉栗狀。迷大笑曰。姊真憤憤。如此薄膽郎。何必使來。因以劒授韓。韓故瓊縮。不敢受。而抱持益力。迷兩頰頰。遂抱之還。女曰。妹子爲吾塞修。今鍾建負季芊矣。於是迷亦歸韓。曰。儷姊妹不嫁。惜娉婷。相世士無可匹也。郎義。

氣干雲。肝膽磊落。得侍終身足矣。韓遂居洞庭。不復歸豫。女何氏名攸。妹攸。俱善琴。遂工擊篋。詩書畫兼擅之。不獨劒術也。茫茫天壤。何由遇之。求之。爲之奉輓。所不辭焉。

補東牀本事

東莞巫氏婦。夫亡遺一女。無多貲。婦勤儉踰於夫在時。十數年頗有所蓄。女在。纏抱。曾字遠。邨宋氏子。但口語。未有妯娌也。道遂非遙。而音問斷梗。氏日夕繫念。會邨人賽社。游者絡繹門外。有三四儂子過之。戲推一人入門。閔然曰。汝家婿來矣。言數羣竄去。婦見少年。驀入。以爲眞婿也。喜曰。婿今來。姻事可了矣。少年朴誠。訥然不出。以故爲羣小所侮。聞婦言。靦自明其誤。婦疑爲羞怯。詢姓氏。里居。少年曰。僕姓景。名玉鄰。字又瑳。邑北鄉人。非某邨宋氏子也。而婦仍不之信。以橐金三百纏少年腰。使歸家營辦迎娶。少年被偈。氣結不能出辭。惘然。

挾之歸。思訪其壻。問之其邨。則云數年前父母皆歿。隻身往海南矣。少年以金市貨。渡海至瓊。訪之。又有云偕商賈貿易安南。因又出關。覘之。則旅殞踰年矣。少年爲之悲恸。出金葬柩。以貨互市。獲息倍蓰。乃囊金謁婦。詳告之故。婦聞言。神茹形蕊。半嚮。雪涕謝曰。君仁人。亦信士也。無端誣誘。遠涉疆濶。旣不乾沒。吾金。又復厚倍其息。求之古人亦罕。況今世乎。前雖誤認。今願成真。不棄曙星。請供箕帚。少年固辭。婦固請。少年迺曰。感承厚意。敢不敬從。但須歸白高堂。方敢成禮。婦更嘉歎。遣人偕之歸。母許諾。婦卽以金爲奩贈。女有母風。亦善居積。不數年成巨室焉。

香烏瓢本事

吳江棣侍御者。金陵人。少秀慧。十餘歲。詩文有聲。無何。父母相繼歿。爲無賴子。引之篋篋。未兩載。室廬蕩然。寄食荒廟。十五六。乞食松陵。橫吹短篴。主柳尙書。

第一門樓高敞。閣適他往。蒸入坐階墀。取篋弄之。旁室垂簾。隱約有女郎。稚麗無雙。凭几刺繡。侍婢三四列左右。聞篋聲清越。軸簾遙聽。時天暑。婢以刀剖西瓜進。女停所業繡履。偶拈餘瓢。納隻履中。楝渴甚。徑前乞賜少許。一婢取而與之。復口吟云。簾內切瓜。簾外香。繡鞵擊出。贈君嘗。楝應聲云。他年若得乘龍占。錦枕蓮鈎。蒂並雙。女聞之。叱婢使退。適女兄入。見而詢得其故。怒拘之堂。榜掠之。時尙書家居。聞箠楚聲。出視之。公子前白其旬。尙書曰。丐亦解吟七字。旬乎。楝曰。不識字。讀書不至丐也。尙書以其用雪中人故事。大異之。解縛。延之坐。展問邦族。楝曰。家世秣陵。頗饒衣食。早失怙恃。比匪自占。流落江湖。轉蓬至此。吹簾乞食。伍相猶然。小子何人。敢嫌形穢。旬先尊婢。信口續成。吟本無心。開罪實大。尙書曰。偶然淪落。異日難量。第不識浪跡萍浮。未荒青箱舊業否。對曰。能。尙書於是熏沐而衣冠之。試之以文。大稱賞。留伴公子讀。數日。文益進。秋以吳江籍。

登賢書。尙書竟妻以女。豔婢媵之。卽前贈瓜者也。二十三南宮高捷。令浙中行取御史。

峽山會本事

東莞梁定山。濠邑名士也。手裁雅脫。善草書。春日與數友人游峽山巖。憇於龍王廟。見一幼婦入殿。秀曼嫋嫋。容光照人。少選。媼持神籤。旣諸人解剖。且曰。孀子新孀。去留未定。卜之神。請一決之。一友曰。觀籤語。神似謂行勝於守。因指定山曰。此邑中名士梁秀才。正求鳳未就。如此人才。堪僮孀子否。媼熟視笑曰。何敢望此。諸君戲耳。時幼婦已出廟門。微聞之。秋波流盼。似愜雅懷。自陳姓氏。意似使之問名。定山亦具告之。已而訪友鄰邑。經月始反。至家則母已爲媒定城中張氏女矣。定山不敢以前事告母。選日于歸。張貌婉麗。與幼婦伯仲也。自恨食言。拌微之薄倖矣。幼婦候梁月餘。竟無音耗。使媼來。遇母白之。詢定山信。母

曰兒盟在前。張歸於後。肯效雙燕。不汝瑕也。媼歸語婦。願以嫡讓張。張亦婉變。白母。願姊之。乃迎之歸。張後生一女。幼婦生學上。舉孝廉。

晾腳會本事

沈竹巖言永平宣化二府。有晾腳會。蓋由北宋與遼議和罷兵。戎行休息。爲晾申之會。滄桑後譌甲爲腳。習俗相沿。於清明前後十日。無論紳民貧富。婦女皆華服靚妝。坐門晾其雙腳。任人評泊。甚有撫弄之者。父兄夫壻。不以爲忤。風俗之惡。守土官莫之禁也。印雪軒隨筆（卷一）則云宣化有小腳會。於五月十三日。舉於城隍廟。廟前街袤數里。民居稠密。先數日。親弗之衮服至者。不絕於道。其貌遜者。趾壯者。咸不與。如溫州之坐筵也。是日廟中演劇。百戲麇至。游人襍沓。與婦女進香者。武相錯。其不往廟及玩游而反者。列坐門前。多十數人。少五六人。鬪白騰綠。彌望皆是。羣下纖小者多。稠花詩所謂最憐一路香塵細。行過

蓮鈎盡有痕也。曾詢之一老者曰：烏有是哉？是日乃俗所謂漢前將軍關侯生日也。會本在武帝祠，祠故有甲，出而晾之，故名晾甲。某年修廟，未落成而遇生日，借城隍廟行之。廟祝涎其利，次年復行。久之滋誤耳。閩中鄒生，客游宣化，從幕中人往游，見纖瘦不盈握者，綵綵一高薨巨室，門坐少女，玉貌蓮趺，尤爲獨絕。踰而視之，女不之曠，移時歸，念之不能忘。久遂病，移寓土地祠側，挑鐙枯坐，忽聞彈指聲，啟之，則女也。言自見郎君，頓相傾慕，昨始得輓迹，背親而來，祕之爲幸。鄒亦道病由，女曰：郎勿爾，將惹邪魅。鄒曰：爲卿死亦良得，何魅之懼？招之同榻，女曰：不如乘月歸去，儂有夾室，晝藏於內，夜同枕簟，勝此荒宇多矣。生從之，入後門，曲折達內，女推夾室，闔門，携鄒入屏帷榻帳，精麗絕倫。次早攜餅餌棗栗之屬來，言酒殺不敢以入，月餘，忽以二百金至，曰：郎今夜攜之去，置室及家具，儂明夕來。鄒歸如女言，女果至。鄒自此日對芙蓉，夜則蟾鈎鳳窩，摩挲不

置。謂此閨樂勝鐵厓引滿香尖矣。偶至府署。同人見其病起。臚服異而詰之。鄒諱以假貸告。同鄉某亦跡弛潦倒士也。潛訪之。叩門入。見鄒與女分灌鞠哇。驚其豔。大呼鄒兄何從得此佳麗。女回首見之。避入室。鄒強延接。形神不屬。某大怒去。欲偵其異。一日又入之。至窗下。謁紙窺之。見鄒擁一怪調謔。舌似豬肝。與鄒吮唾。大驚仆地。鄒聞聲出視。灌而醒。問何以至此。某以狀告。鄒斥其妄。女亦隔窗叱之去。某無以自明。歸告同人。亦嗤其妄。焉有白晝而鬼怪現形者。至次年清明。女語鄒。瞭腳日郎不可往。儂家失儂一年。而不追者。慮揚其醜也。郎往必遭凶禍。鄒諾之。而訝其言。於是日徑至女門。女仍坐門。瞭其腳。鄒踐於舊地。低語曰。卿禁不我出。迺先自過。回市俏耶。女聞之。殊不之顧。諦視左頰。有朱小志。而室中人無之。竊以爲疑。而某挾幕中人及郡諸生六七人亦至。見鄒。苾苾然歸。拉飲野店。詢之。鄒以疑告。某曰。嗟乎。我言豈妄哉。忽一人拍案曰。豈有此

理。君所見吾中表妹也。瞭腳有之。重門邃室。安得從君私奔。鄒亟謝失言。其人曰。吾輩同往君室。卽破疑團。鄒先歸。叩門。衆隨入。女見某生至。現形一如某所見。衆共擊之。一躍遞去。於是諠傳其異。女家聞而怒。訟鄒於郡。太守謂之曰。女年及笄。忽遭媵幻。字人亦無以自明。鄒八閩才士。非久困者。不如嫁之。女父強諾。贅鄒於家。次年捷北雍。媵不復至。

小說家言。多因舊文。而匠心結構。亦有獨得語。所謂銷耗壯心。以淚洗面。借他人酒杯。澆自己磊塊。古之傷心人。別有裏抱也。

九連環本事

磁州李甲。善拳棒。妻故邯鄲道上倡也。工般擲。翻卓諸技。甲妹名賽波。年及笄。有殊色。亦擅走馬木熙之戲。尤精者曰九連環。環以熟銅爲之。大如釧。重數錢。其數九。擲一環於空際。高可三四丈。復擲一環迎而并之。聲鏗然。兩相沓如連。

環。再擲再沓。須臾九環連絡爲一。旋舞而墜。入囊中。誠絕技也。會河北大祿。甲攜妻妹。招同夥數人。銜技江湖。至鄴州。值社會於廣場。鳴鉦伐鼓。作連環之戲。觀者無不贊歎。湖賈州某貽綾錦數端。波服爲之一新。武生某復以駿馬繡鞍。作纏頭之贈。於是波艷服趨馬。纖足立鞍上。鞭馬馳之。蹶躑胡舞。且舞且歌。萬人圍視。爲之駭息。波歛聲約轡。馳迴。略無喘息。數日所得不賞。更製袷服麗飾。連鑣南下。水陸輻輳之區。攫財無算。至建寧。一邨有富家子韓生。年亦二十。喜拳勇。不近女色。故猶未昏。凡江湖游藝。望門投止。犒贈有差。無不頌生賢者。甲至投謁。生招之後。圍演技。甲先與其夥舞槃。使棒及蹴鞠。緣檣諸劇。妻登場。絳襦繒袴。持小磁缸。繞身旋轉不置。又疊卓七層。高齊木末。躍身仰臥其顛。以兩小足承大瓮。重數十鈞。舞弄久之。擲瓮下。甲以小木梯高丈餘。直樹鞞底。波桃花殼袍。窄褻短襟。披五色雲肩。腰綵繚。紅繡袴。緊束袴腳。青幘抹領。罩綠比

甲。梳蘇州新樣短髻。髮光鑑人。髻前插瑣大紅絨一毬。迎風搖曳。足躡利履。襪如出水蓮。鞵底繫小金鈴。步有聲。躡登梯。翻穿梯空。如蛺蝶穿花。飛翔至顛。忽疾叫一聲。失足从空下。甲以手承之。扶起立。歛衽向生。萬福。生不覺亦離坐。還揖。波復拍掌數下。擲九環向空。齎之。口歌艷曲。甲夫婦聯臂和之。桃頰微波。修眸迴顧。生惑焉。罷戲。謂生曰。聞公子精少林拳。請賜教。生大喜。與角。未數合。波謝曰。同出少林。敢角高下。奴敗矣。公子真高手也。明日。生使人導意於甲。以千金。娉波爲室。昏後。厚贈甲夫婦北歸。

商鑑記本事

泗州謚士信。豐於財而無子。長女絳綃。妾張出也。妻胡所生女曰碧綃。延師教之。碧美而慧。絳麤識字而已。碧十五時。詩詞兼工。尤工暎語。鄉里知其才。求婚者踵門。謚不敢自專。商之胡。胡亦不能自主。探之女。審女色似皆不以爲可。胡

恚曰。汝甯終身不嫁人邪。碧忸怩言曰。必才貌如兒若。乃可。他日復有議者。女曰。試其才可耳。且曰。兒所喜者謎耳。卽以謎試。亦無不可。初選高者十人。再試。選一人。再試之中。則如雀屏之目矣。於是榜於門曰。某日商鑿候教。集者百餘人。有寓公許翁者。三試第一。謔方歎賞。忽內室誼呼小姊。暈絕矣。驚入內。胡抱碧呼。久之始甦。淚潸潸下。泣不已。蓋碧以其人三試第一。於屏後闖之。乃鬢鬢支離。窈也。哭入室而仆。次日許綵輿至。胡曰。事急矣。不如以絳綃代之。張筵家政。絕不知碧試謎事。任胡爲之。粗備奩具。嫁許。許本無意繫援。得之遽好。頗敦偶。詢穎語。絳無以荅。許疑謔倩人贗作。笑置之。踰年而翁卒。絳無所依。歸母。胡惡之。謔弗忍。小分田宅。與張別居焉。時碧猶未字人。州牧少子失偶。聞碧名。強使人委禽。胡允之。奠雁時。觀者塞途。張知。將與絳歸。賀。絳曰。父母如以我爲女。必告我。今不以告。無我久矣。張恚曰。世有妹出閣而姊如路人者乎。絳不得。

已隨母往。胡白眼之。張攜絳逡巡反。與謚曰疏。鄰容葉。有甥蔡元裕。台州宦裔也。避讎依葉。葉才之。見絳端靚。媒而贅蔡於張。胡聞之以爲大辱。嗾謚訟之。牧牧斥張。於是與謚絕矣。張宅後隙地。絳植瓜。鋤之。得窖錕無算。蔡以大輿籍。中式七十九名舉人。援例以知州發安徽。會泗州牧虧帑。貸謚萬金完官帑。而私逋糞。蔡不以爲意。闔復以威嚇。諸逋憤上控。罷牧職。以蔡代之。牧子以父罷官下獄。諸債偪集。無所出。仰藥死。碧絹亦無所依。歸母。謚家中落。蔡下車。迎舅及張。絳入署。或謂謚曰。新牧亦汝聲。曷不往來耶。謚無以答。無何絳歸甯。鹵簿傳呼。觀者塞道。較碧絹嫁時。尤闐溢焉。以千金壽謚。胡曰。父母不以兒爲女。兒則父母也。謚慚憤。未幾歿。胡母女熒熒。絳絹迎之至署。厚養之。碧絹日與蔡談。謚蔡悅其艷慧。倚醉調之。戲問卿肯爲儂簪乎。碧曰。姊如能容。固所願也。蔡以語絳。絳曰。儂妹也。那得不願。碧以告胡。胡喜出望外。遂簪之。蔡澹於榮利。瓜代後

乞病。攜二綃歸。白不復仕。云有謎。極十卷行世。

水紅衫本事

寶應虞聯生。世家北湖。同王某。買金陵。重五舟泊龍潭。值水嬉。龍舟百十。鉦鼓喧曉。生觀畢。反步江濱。失足墜。游人雜沓。無知者。生迷罔隨波。不知遠近。忽抵岸。拔援始上。見疏池。中朱扉半啟。入之。榴花滿庭。旁小角門。問門內似婦人聲。呼婢曰。虞生至矣。生遂入。見白髮老姥。侍婢數十人。生俯乞哀。命一婢著水紅衫者扶之起。曰。汝水厄已過。少留將息。爲媿一佳耦。好送汝歸。生不解所謂。漫應而已。水紅者引至一室。門限甚高。生方駐足。婢從後力推之。跌臥於榻。如夢初醒。晚餐後。使仰臥。爲之按摩。次日視室中。琴棋弓弩槍棒靡不備。婢來必易其袴。采繡爛然。而上體水紅衫如故。教生琴奕或射。生皆不諳。婢強之。一日攜祕戲圖來與生觀。且調之。生思母念家。不知歡狎。婢抱與師舌。使嚙其唾。次夕

復褪衫。出雙乳如之。次夕復褪袴亦如之。數日生神彩頓異。引謁老姥。曰汝已溺死。以汝母苦節。汝事母又孝。不忍使絕。取汝皮囊。命大蛤仙以房中丹液飲汝。得以起死復生。近有孝女李飛霞。拯父溺。自投於江。齒雖長可妻也。命引李入。絕世女子也。交拜歎。諸婢擁入洞房。合卺飲罷。歡呼散去。方欲就枕。覺露重侵衣。天已向明。視已與李竝坐石上。卽重午墜江處也。岸有古剎。額書水仙祠。入謁殿。搯女神。卽老姥也。四壁畫侍女數十人。衣水紅衫者。蚌也。惘然久之。叩謝神佑。携李歸。讀書養母。生三子皆成名。生年七十。飛霞已九十。見者猶如二十許人云。

續會真本事

溧水崔生蕩子也。娶同里張氏女。亦放誕風流。瑟琴甚篤。張有弟存。年十九。狀如好女子。而性癖。不意見人。張歸甯見母。問弟近狀。母曰汝在室。尙能代其庀

家事。近日坐書室。見客無一言。吾甚憂之。張至書室。曰弟長成如許。何墨墨類女郎耶。他日與崔閒話及弟。崔曰曩見卿弟弱不勝衣。何絕無丈夫氣耶。張戲給曰妹也。以父老邁。託言男耳。崔曰可迎來一親。薌澤否。張曰耶欲盜小姨耶。明日張迎存來。與崔家嬌屬相見。忸怩瑟縮。坐未定。卽入姊房。崔妹名小鸞。與存同年同月生。亦巾幗中不羈者也。偶過嫖房。聞嬉笑聲。竊視之。嫖爲弟佩雙瑣於耳。服以已服。宛然絕世女子。與已雙璧也。入房笑曰。嫖何以妹爲弟給人耶。張笑不語。鸞去旋反。則嫖已外出。存見鸞來。起萬福曰。張珙拜見鸞。鸞小姊。鸞笑不止。而以手拂裙下。曰儂與若等耳。討誰便宜耶。不料觸手有物如杵。鸞大驚。遽去。是夕崔母問張。若弟本妹也。可與小鸞同房臥。張初特以戲。崔聞姑言。急告其夫。崔信以爲眞。至是轉疑其給。曰母命何可違。姑與妹臥。卿徐爲儂媒可也。張無以悟之。念存本書癡。或不至洩。枕上翻覆不寐。崔與之狎。張又以

實告。崔不暇他語。曰。明日視妹神色若何。崔張作夫妻甯不可張。崔耶。且視鸞神采異常。呼媵不置。私以詢存。面赧不語。因以白母。母初聞甚怒。念鸞未字人。存美如冠玉。得壻如此。足釋莫年憂。促姊弟同歸。使媒求婚。成燕好焉。張與鸞各生子。女十數人。復互爲壻。皆成立云。

青衣俠本事之二

郁嚳霞池西華太史家青衣也。年十六。慧麗絕倫。太史母女稽之。幸兄弟三。伯適出。叔母庶也。生亦側出。與叔異母。未冠。補博士弟子員。父殁。伯叔母已先亡。二兄請慮居。生諫曰。父遺薄田。劣足衣食。同爨猶可以支。若各立門戶。難矣。伯叔不可。乃析爲四。伯取其半。而以二予叔。季叔不可。曰。母有適庶。子何異焉。訴諸三鄰。咸袒伯而不直叔。將訟之邑。生又諫曰。男兒患不自立耳。區區者奚爭爲。叔曰。迂哉。是何世界而談孝友。若肯以一予我邪。生笑曰。是何難。假令父無

田之遺。又誰爭耶。兄弟母訟。弟當割田奉兄。叔曰。勿孩氣。而母聞之。唾罵矣。母
撐幃應聲曰。二郎訟。爲田耳。兒能讓田以息訟。固吾願也。叔慮其食言。姑卻之。
曙霞時依母側。請諸母。急持田券授叔。叔受而罷訟。伯惡其市德也。詈生。并及
其母。生曰。弟奉田。爲兄解訟耳。辱吾母何也。伯窮於辭。而怒其言之不讓。批其
頰。生受之。伯怒未已。毀倚擊几。聲聞四鄰。鄰婦跨垣而闚。伯以椹抵几。銅盃孟
墜。鏗然大鳴。婦驚而損。奄然斃矣。伯駭跳去。生趨告其夫。夫挺然起。欲鳴諸官。
生曰。若婦據危自損。誰償若命者。訟何爲。予爲厚斂。并飲若再娶何如。鄰人素
重生。且服母賢。咸勸其夫如生言。伯歸曰。人死我家。我方惡之。且鄰婦何與若
事。而爲之斂。且飲邪。生亦不與之辨。第資無所出。曙霞脫簪珥。并出奩中裳衣。
質之得四十金。母亦盡出衣飾。并質百金。啖其夫而事解。然自是生貧如洗矣。
母織生讀。曙霞紡於旁。夜共一燈。母太息曰。吾母子飢寒。自取之也。累若如此。

奈何。曙霞曰。郎大孝。孀老福無量。婢子有幸。得侍孀終身。孀其許我。母笑顧生。生讀自若。母以他語亂之。明年父服闋。生試食氣。館同邑葛太僕家。葛幼女曰施。字浣纈。艷而才。擇壻甚嚴。故十六猶待字。葛聞生讓田。藎鄰婦事。義之一日。纈婢過書室。生讀琅然。隙而闕。溫文美少年也。夜與纈言。纈無語。婢曰。莘生才貌。隻世無儔。不知誰家女郎。有福嫁彼也。纈訶止之。中秋家讌。纈侍父母。飲母忽顧纈而歎。以無壻爲憂。葛曰。邑子無可偶者。莘生綺歲未聘。不日飛去。字之何如。母曰。貧。葛曰。世間貧而貴且富者多矣。焉有才貌美好如莘生而長貧賤者乎。纈於是始知生未婚。意不能無動。翼日。葛遣嫗走達生母。母驚喜而未敢應。曙霞停紡起曰。世迺有巨眼相士於未遇如葛公者。孀無疑。母語嫗曰。寒門貧窶。夫人知之。致意葛公。不嫌食貧。當如命。嫗反。葛誒曰。訂永好焉。纈有二姊。皆嬾巨室。聞妹字人。歸賀父母。旣而知爲生也。相顧而笑。且陰慰父老諍。父語

之曰。吾爲汝妹相。彼有年。今得莘生。汝妹福也。二人咸乾笑。戲呼續曰。福人。續亦知其歔歛也。笑而不言。俄而生領解。葛大悅。謂家人曰。今竟何如。次女聞之。曰。舉人如畫餅。不可啖也。下元甲子。弋獲者半無行文人。公車北上。糾會攫錢刀。近數科。無慮索吾家千金矣。長女亦曰。儂壓線簿。夾鞵樣者。皆新貴硃卷與張歛帖子也。蓋時邑中登賢書者。頗如二女言。莘雖恂恂。人亦未之奇也。葛曰。莘生聰明。藏於渾厚。大器也。踰歲聯捷。入翰林。乞假歸娶。僚壻咸願割宅以居。莘婉辭之。婚有日矣。二姊前數日歸。代母爲續平章。下至寫硃。皆手自結束。長女曰。妹真福人。阿耶真老眼無花。次者笑曰。姊得妹夫。新硃卷。可益夾鞵樣矣。續歸。生後。知曙霞前事。請於母。卽日爲上頭。相得甚。衣履互著。不翅姊妹。霞告續曰。恐無他長。惟喫苦不悔耳。

鳳鳥緣本事

樂府本事

梁谿計。生修家貧好學。三十未娶。性疏儻。游恆數千里。雉朝飛操。未嘗繫懷。客洛陽令署。一夕思作韻語。忽窗外曰。計秀才耽吟忘寢矣。音類女子。計詹曰。長夜漫漫。偶吟排遣。將寢矣。則又曰。儂非幕中人。華氏鄂藁。以郎孤吟。來破岑宗。計曰。卿意良厚。鰥生迂癖。文君琴趣。所不敢知。則又曰。郎誠莊士。儂非賣玉者。與郎宿因。雖半年聚。而無一面緣。闇相疇唱。不敢以色身相溷也。計知爲狐。未啟關已入。自言秦產。勝國末止。署後圃。郎四世前亦令客。儂貪良醞。醉忘潛形。爲令繫。郎勸釀之。訪百年今始遇合。由是人定輒至。談詩多昔人未道者。倏忽已六月。曰。郎年過立。宜爲嗣續計。盜歸乎。澄江當有奇遇。計曰。僕四海無家。未離席帽。阮囊羞澀。邊柰婦邪。曰。郎果歸。昏費尙不難。後圃梅華下有草荻如意形者。土中物。儂飲也。計如言往。拍梅檀合中條脫二雙。朱提一笏。夜向鄂謝。曰。報郎恩不在是。異日比肩如玉。和鳴集成。才效縣力耳。以袖裏納生。覲。啟視。鳳

烏一絢。纖如解結。鸞梅華數點。滌繡絕工。曰爲新人助妝。郎宜速發。遲將道阻。計曰。感卿渥惠。未識仙姿。介介獨慊是耳。辭不可。絮哀之。許一握爲笑。擲織玉。削溫輒於繇。繇之不見。闇中吃吃曰。謹厚者亦復爲之邪。今無暇掉罄。料理覆舟人去矣。再敏之。嗷然。卽辭令歸。令亦賚之百金。已而川楚教匪起。豫中戒嚴。計以女言。如江陰。逆旅遇江翁。展敍邦族。驚曰。榜名生修邪。計曰。然。翁何由知。翁大喜曰。訪君久矣。三月中。挈家人往維揚。渡江風作。舟覆中流。忽一女。郎權艇至。拚救得生。舉家申謝。問僕女公子年幾何矣。曰。十七。曰。儂爲蹇修而何。梁谿計秀才生修。不日將至。其人品詣優。洗盡書生氣味。年差長可聳也。言訖。人艇俱杳。今果得君。願以弱息佩葑侍巾櫛。計悉謝。翁曰。仙命之矣。嚮吉合登。女貌婉孌。出寫著之。不差毫黍。蓋卽葑物也。佩葑名蘿。工詩善繡。感鄂菴撮合德。設位閨中祀焉。外史曰。翼嗣稗編(卷二)張子修一則。與計事絕相類。狐爲霍

翠玉女爲梁小異耳。又云梁左頰微殷。恨無獺髓膏滅之。此則無絕代媵人。可使玉容少胡哉。

紫雲迴本事

婁東畢羊埭年少工詩。風致嫺雅。毘陵方氏自出也。偶謁外氏。歸游惠山。見四女郎盪舟采蓮。年皆十六七。色過芙蓉。穉者尤豔。生驟睹神姿。目與舟遠。次日再往。信步遇竹柀。緋榴實繁。紫雲外。循柀取徑。迤而西。清磬一聲。卽見銀榜。則紫雲觀也。敏扉出迓者。卽昨所見四女之一。延入呼其儕出。粲者携手來。問訊姓氏。曰韻秋。薩氏。曰韻扶。龐氏。次曰葆真。鹿氏。曰抱貞。席氏。其穉者。茗飲後隨喜。至貞房。櫃几精良。鑪熏迷迭。筆簫插一卷。展視墨蘭一叢。貞亟奪去。曰初學塗鴉。見之有不笑之至矧。生題其上曰。抱此絕世姿。空谷難爲伍。深含一寸心。幽香向誰吐。須臾辭出。乘閒輒往。諸女冠漸稔。一日秋設伊蒲。酌以醽醁。生引

數艱。不覺荇芋。秋菽共掖。赴後樓。沓就之。竟晝。縣宵扃。不使出月餘。二韵偶他往。眞貞拔關逸之。踰年不敢復往。而心戀眞貞。且感德。再訪。則袖榴方華。觀已易優。嬰塞。諸女冠不知何往。廢然反。薄游洞庭。道暑銷夏灣。遭數女郎。中一人與眞絕肖。女亦頻目生。生方欲言。游輪輦至。遂散。歸敏居。停知爲席氏。姑浼執柯。繩生清才望族。席允贅諸家。卻扇果抱貞也。初諸女寮居。眞返毘陵。貞歸林屋。席其族母也。爲之易妝。至是皆大喜過望。彌月攜歸。而生母已於陽湖媵中表女在室矣。生駭慄。伏地請罪。母曰。耦俱無猜。匹適何害。比相見。則鹿女非他葆眞也。乍反初服。母歸甯。愛其媿。爲生娶之。踰暮皆生子。而苦無乳。雇二婦乳之。入門則秋莢也。詢出觀。後何適。俱曰爲蕩子所誘。鬻女。未幾蕩子以瘵死。女又殤。故應募耳。不圖萍合雲泥矣。眞貞感觀中同枕情。白母留筵生。俾乳二子。聞者謂勝聊齋志所載黃州四雲翼。嗣稗編妙覓云。

來生福本事

長山陳翁績學種文。然數奇。七十不遇。晚境益難。一夕臥。忽丹田氣上。而腹而背而頂。凶門頓開。善然移牀下。嚮起復臥。撫額下須亡矣。觸手頤。黼光澤。衾蓐溫軟。同枕有人。膩理偃傍。非復老妻。大駭起坐。同枕者亦寤。撲幃燭炳。呼艷婢來。則所與臥者二十許麗人也。披衣起。問郎何忽不適。曰此何地。我胡絲來。婦婢駭其竊。須臾。一老婦携婢明鏡款闥入。則其姑也。闥室問訊。咸操吳音。始悟借體生矣。慮惑衆。卽亦不言。囁嚅良久。曰。釐謬心悸耳。無他也。天曙。淺飲燕湯。駱驛狎進。出榻書室。四壁圖史。插架庭植。修篁閒以英石。花陰晝靜。惟聞鳥聲。數日後。語言漸稔。知爲吳趨鄂氏。巨富。已其子也。名棣。字韓柎。周旋妻妾間。倚翠偎紅。意殊靦腆。迴憶前生。背人涕竇。棣本諸生。是秋卽舉於鄉。計偕北上。繞道長山。訪陳居。則故妻雪刺盈頭。顛然一媪。呼子來。蓬葆可憐。問翁柢亦未

歸土爲之潛焉。佞言舊交。厚恤之。營葬而去。外史曰。措大一生康了。欲求宮室之美。妻妾之奉。非向轉輪王。覘妍皮。裹媼骨者。不能償其癡願。然則勤心力於文字。顛首而一無所成。閻浮世界中。如恆河沙數。翼駟稗編(卷六)借屍還魂一則。卽此事。咫聞錄(卷六)兩世人。蟲鳴漫錄(卷二)略同。唐時。劉朝霞獻賦。云。臆裏幾回富貴。覺來依舊悽惶。喚醒瞌睡漢不少。來生艷福。庸可覩乎。公扈反齊嬰之室。非遇扁鵲。不可得也。

琴隱圖本事

虞山趙孟啟。游京口。入一道院。住持王赤椒善琴。試授挑撥。柱指鉤弦。留月餘。盡傳其執。後如杭。登孤山。一僧跏趺石畔。囊琴於背。趙觸所好。請觀。僧解授之。斷紋斑駁。古製也。僧問居士擅此乎。趙席石爲鼓。一曲。僧聽未闕。遽曰。王赤瑕子師邪。趙駭問何謂。曰。今天下善此者三人。赤椒外。韓香雪。與老衲耳。觀子指

法便知崑原。趙請受業。僧攜寓雲林。三月。瀕行并琴贈趙。遂成絕技。客錫山。有華翁者留諸家。時春蘭盛開。翁皮滿室。延趙鼓琴。簾中隱約有麗人窺。風動簾開。絕世妹也。知爲翁女。探之云名粵。字盛琴。夙者琴字中表某矣。趙聞腰姿。別翁。遂榻寄暢園。夕聞琴聲自作。雖未成調。頗殊凡響。諦聽之似出纖指。心知狐女來學琴者。自是每夕輒焚水沈爲撫數行。而盛琴自聞琴後。數月於邑。遽萎絕。趙聞駭悼。哭諸蔽所。惹乎一女掩入。曰意中人生矣。樞已啟。曰此佳偶也。接之以脂。明牟盼兮。令負歸臥之榻。出丹一丸。掣灌之。須臾起。立而女已香。方共疑怪。空中陵寸赫蹙。云儂狐女也。感郎琴誨。恐樓攙操。符同調無人。小術俾再生。聊以報德。生往掩匱。携盛琴歸。設位祀狐。每食進琴。後生愛玩不仕。築園曰琴隱。并以自號焉。

前半似聊齋志異(卷九)宦孃。後半似(卷八)封三孃。柳泉筆妙。作者薄而

合之。所謂拾著玉合子底也。

意外緣本事

湖上笠翁曲部誓辭敘。謂所著傳奇。皆屬寓言。其事絕無所指。然以楊雲友歸董文敏。林天素歸陳麋公。紕繆已甚。似非調笑無心。汪小韞女史詩。所謂輕薄姻緣。說意中也。意外緣傳奇。迺吳中近事。非虛構云。乾隆丙午。淮北大傀異裁。野菱相望。傳染巨室。有一門登鬼籙者。淮陰韓系。吾夔未授室。應試秣陵。反而憮舟不得策。蹇代步。莫景沈。嶷冥行邨落。無棲止處。見道周一宅。扉半啟。試敏之。無人門焉者。躊躇升堂。無人堂焉者。歷數重室。無人室焉者。達後窠。微聞樓上呻吟聲。呼假榻可乎。又微聞曰。可。攝梯上。羅幃承牀。擗之。有鎧熒然。少女臥其中。雖瘠瘦。蕉萃而曼。睜蛾眉。殊色也。見生亦不怒。但低語曰。闔家疫斃。不內酌飲旬日矣。盍有儲粟。能爲炊鬻乎。生正苦饑。如其言。孰而進之。盡一盂。生齧

其餘女勇起倚枕坐。曰君何人斯。夜薰來此。生告之故。女自言南氏穠華。小字雪蕤。父業蕪。攤巨貲。前歲歿。近日母死於厲。臧獲數百指。踵之。此身分日暮從地下。頃啜鬻汗出。更生。君賜也。生聞言大怖。勸攤女而臥。遲明偕下。視室內外。屍相枕藉。女辟趨大號。比鄰翁媪聞聲至。具告之。曰此意外緣。天也。爲牌合可乎。女以生韶秀。且諸生。諾之。草次成禮。姻里奔集。女出金大市。檉榭。歛母及諸屍。葬瘞數。而韓報羅至。曲文賓白皆實事。勝芥子園坵會多矣。外史曰。戊午游袁江。道韓王城。無知孝廉者。豈寓言邪。然癸卯慵訥居士開瑯咫聞錄（卷五）載韓生事。正與所譜同。而文末是故別書之。非郭象竊向秀也。

珠玉緣本事

國初海內巨富。儂南季北亢。泰輿有季家市。居民三百餘家。半爲季氏。相傳市乃其先一家所居。環爲複道。每夕千楸者六十人。畜伶甚衆。有女樂二部。稚齒

韶顏。服飾直鉅萬。亢則山西平陽府城外人也。相傳得李自成所遺輜重無算。富遂甲天下。而季氏與之埒。亢子玉懷字鞠齋。生有璧人之目。十二補諸生第。一人。席先世資。讀書不求進取。論輸邊助饟功。敘郎中。晉道員。季氏自天啟壬戌。

入逆案交結近侍

三年納贖爲民。順治丁亥次子滄葦侍御（振宜）

己丑長子冠月給諫（開生）先後登第。滄葦收藏圖史最富。與絳雲樓埒。給諫以建言成尙陽堡卒。庚子追復原官。尤侗幹蠱名臣。羣從有女曰珠瑩。字娛琴。傅國色。亢翁聞之。以黃金千鎰爲玉聘焉。婚有期。季使人采辦四方珍異者數十輩。紀綱千。傅婢侍女數百。皆衣文衣。五人爲隊。隊異其色。奩贈萬億。箱匿多沈檀香柑。雕鏤皆鬼工。一妝臺蓋碧玉也。闌以珊瑚。雜嵌百寶。槃盂多金玉。及玉南來親迎。旣奠雁。出九華雲蜺游仙錦步障施之。如大穹廬。障綴火齊木難。

瓊林碧樹。明珠瑟瑟。障頂如繁星。夜不施燈燭。光同朗月。飾沈香爲花輿。流蘇百道。車服照路。笙歌沸天。輿過。香數月不散。珠工詩。書法簪花。尤妙。旣歸玉。閨中倡和。月一集。珠有林下風。不屑齒富貴。有見其嫁時奩目者。載古琴百餘張。古博山鼎千餘。端硯三千餘方。鍾王褚虞眞跡。吳道子小李將軍畫冊二千餘軸。定武蘭亭七十餘種。宋槧經史子集五百餘種。他物備是。亢有內外園二。外曰大穰。周十里。中設

寶座。康熙癸未

西巡。曾臨幸焉。木石亭臺。幽深如畫。以延賓客。尤西堂嘗客此。撰李白登科雜劇。洪稗畦長生殿新出。令家伶演之。砌末排當。費四十餘萬。其內曰香雪。鵲。植梅數十萬本。花時如雪。不下洞庭鄧尉閒。玉夫婦居之。中爲吹萬樓。樓五層。高千尺。登上層。可眺數百里外。黃河如帶。四周有池。池中綠芙蕖。花開如盎。香聞

數里。池之南爲百萬玲瓏石屋。西爲二十四芙蓉鷗湖。湖北爲餐和廈。又其北爲抱雲巘。巘之東爲卻寒適。其南爲籜粉宦。宦之南爲明月可中庭。與吹萬樓毗連。女伶演劇處也。玉長於倚聲度曲。取傳奇舊本芟易之。國忌外無日不演。久而厭觀。俾其自演。侍俾並無一來者。池左右環以別院。院一姬。最寵者曰四媚。曰五可。吹氣勝蘭。光豔如朝霞和雪。珠亦絕愛之。園有水精浴斛。徑八尺。瑩澈無纖瑕。又有溫泉。二冬日。玉與諸姬浴其中。珠與姬生子。女子十數人。論昏世族。珠得秘書內視法。望之嘗如十七八嬌女子。後數年。玉以捐賑加三品頂戴。

賜三代一品封典。安富尊榮者五十年。旣富貴。又壽考。以期頤終。外史曰。兩家皆堙替久矣。雍正末。亢所居火。凡十七晝夜始熄。所積一空。乾隆中後起者。僦南查北安。然今亦苓藪。世幾無知者。玉庸猥。不足道。獨異其得珠爲賢內助也。

侯樂百年。瑟琴偕老。神仙且羨之矣。富貴又何足慕哉。

揚州畫舫錄（卷九）亢園在小秦淮。初亢氏業鹽。與安氏齊名。謂之北安西亢。亢氏構園城隍。長里許。自頭敵臺起。至四敵臺止。臨河造屋一百間。土人呼爲百間房。至今地陞尙存。而亭舍堂室已無攷矣。按艾塘所言。殆季氏敗後。亢氏猶盛。故南季北亢。易爲北安西亢。迨亢氏敗而查氏起。與安相埒。故又易爲北安南查。是四家中亢爲最久也。

曠禮因詞訟。索臨汾富戶亢時鼎銀兩。在辛卯前撫晉時。則時鼎未知鞠餽族人否。

折桂緣本事

維揚諸生童韞華。家貧授徒。妻蘇以箴箝佐之。無子。墜一女。姿性明慧。體致閒逸。生時天大雪。因名雪嫺。從母刺繡。侍父讀書。七歲背諷毛詩如流。常於鏡下。

爲人書佛經百番。字跡秀嫵。無一誤筆。父以韻語授之。輒解。嘗詠春草云。萌芽初出帶朝煙。恩受東皇轉自憐。記得枯荻風雪裏。不圖新綠有今年。父見之歎曰。是兒必備歷艱苦而後得所者。道光初江南大饑。童夫婦相繼歿。雪嫺號慟不食。鄰憐其孝。釀金爲之斂。雪嫺欲鬻身償之。開封王伯凱孝廉客邗上。見而愍之。贈二十金。旣葬。願從爲婢。伯凱攜之歸。雪嫺侍伯凱夫人如母。王夫人亦愛如己出。不以侍婢稽也。王妹仲珈壻姜南甫來。坐伯凱書室。讀近作樂府。反復吟哦。忽牕外桂枝搖動。有人扳折。窺之。臂瑩如玉。一十五六女郎。衣畫梅白羅衫。下著月藍冰文百褶裙。眉目如畫。思伯凱家無閨秀。此爲誰。久之曰。是矣。伯凱客揚。得童氏女才色兩絕。此其人矣。歸述所見於仲珈。微笑曰。是兒可人。我見猶憐。無怪郎之不釋也。若得渠侍研席。亦大佳事。郎欲之乎。南甫躍然離席起揖曰。不敢請耳。第無投符之術若何。仲珈曰。兄嘗謂是兒慧由天授。過目

能誦。詩學雖淺。而能自在流出。及門中頗無其匹。他日當以詩爲媒。覘一快婿。今當以詩爲介。偷憐小杜佳章。或不惜紫雲之惠耳。乃代南甫作詩貽兄。云。牕前草滿綠無垠。案有圖書點綴新。修到蛾眉偁弟子。不妨風味是清貧。名花雖豔不輕紅。宛轉吹噓仗化工。釀出人間好顏色。纔知護惜有春風。嫵枝猶在曉煙中。莫任飄零作斷蓬。恰喜海棠未聘。何當移向好簾櫳。名場猶待十年爭。紅裊添香願未成。詩婢鄭家如可贈。也持尊酒拜門生。王得詩。卽以雪嫺贈妹。後生二子。皆英雋。一已登賢書矣。淮山棣華園主人閨秀詩評。亦輯其詩。而以春草爲香山童氏女作。殆偶誤其籍云。外史曰。伯凱夫婦皆儉楚也。千絲網得西施。而以別贈人。何物公穀。坐享艷福。殆天所以醜雪嫺之孝也。不然仲珣爲燕支虎。雖得壻憐。庸有濟乎。

盛霞盒本事

蜀中石生璠。字伯瑜。弱冠游庠。美而才。父母早世。自幼依世父履吉。侍商漢口。苦無子。故愛璠若己出。清明散步晴郊。至一谿。西有小龕。桃華出短牆。爛若雲錦。遂度略約。繞谿數十武。龕門半啟。額曰盛霞。後有小圃。徧植緋桃。繚以槿柶。地外清谿一曲。垂楊蔽流。生近谿小立。見隔岸茅屋板扉。忽啟。一女郎款步出。手撚桃花一枝。人面華光。互相掩映。生癡望久之。日落。雙扉閉矣。生歸。憶戀殊切。思就龕下榻。冀近嬌容。請於履吉。假龕讀書。日望隔谿。旬餘無所遇。問龕僧。隔谿茅屋雙扉。常扁者誰氏。僧曰甘氏。問家有何人。曰力耕自給。聞近有質居者。不知誰何。一日。生見隔谿有人背坐檐下。浣衣。霧鬢風鬟。彷彿前所見麗姝也。喜極。疾行至門。女聞履聲。迴顧瞻視。睨之。則似新嫁孃。初上頭者。非前女也。即欲反步。婦曰。來此何事。生局脊對曰。宅上甘姓耶。婦曰。我家巫姓。生曰。誤矣。起而出。題龕壁曰。草色遙憐綠正肥。桃華門巷是邪非。等閒已識東風面。萬斛

春愁付釣磯。遂辭僧歸。會履吉五十初度。戚鄰咸集。秦氏者生從母也。亦來祝。從一婢絕美。又似昔所見女。更闌客散。秦呼生絮語。生見婢而視之尤。秦笑曰。甥好之乎。大有眼。婢本蜀產。以父死鬻身來我家三年矣。性情態度。青衣罕儔。惜乎土重耳。掀其裙下。六寸膚圓。生悵然出。未幾。川楚白蓮教反。生與世父母相失。竄山谷中。一日潛行林薄。遙見炊煙。趨之一媪倚門。生進揖。以避兵腹餒。告媪熟視曰。郎石家小秀才耶。生訝何由相識。媪曰。老婦本蜀人。郎入學釋菜。媪道旁縱觀。故相識耳。今避難來楚。郎何以至此。生語之故。媪留之入門。見一女子從複室出。荆布而容光照人。見生反身入。略一斜睇。又儼然隔谿人也。問媪何姓。宅上尙有何人。媪曰。老婦巫姓。亡夫謝世已五載。無子。惟息女相依。饗殮仗十指耳。生於無聊中得遇意中人。反復凝思。不能成寐。天曉辭出。中途得遇世母。奉之仍儼漢臬。以訓蒙度日。有邵孝廉者。蜀同學友也。語生曰。君寡兄

弟。踰冠未昏。非所以奉宗祀。今爲籌之熟矣。近有母女避兵來此。亦蜀產。女美而賢。君其有意乎。生曰。度日尙難。違言授室。邵曰。是女紅絕倫。日得數百錢。非妝成熏香坐者也。生猶未應。邵曰。實告君。已代爲納娉矣。月朔辰良。可洒掃室中。我當送新婦至。生告世母。疑信參半。如期。邵僮酒來。曰。新人至矣。出襟中衣。爲生更之。鼓吹綵輿旋至。邵爲內外理董。日入辭去。生卻扇。見女大驚。女曰。耶識妾否。妾家卽山中假宿者也。生曰。然則盛霞龕外。隔谿茅屋中。撚桃華者。卿耶。女曰。曾有之。耶何由見。生因述前事。并言所遇之屢誤。女曰。是矣。耶見妾後。所遇者妾姊妹也。妾名野娛。字豔侔。同懷三人。體態皆相肖。昔從父適楚。僑寓甘家。不幸父死。無以爲歛。遂鬻妹秦氏。姊已長。遂留爲甘氏子婦。獨妾自幼讀書。解翰墨。最得母憐。久圖歸里。猝遭兵火。攜避山中。嗣聞賊將接山。又暫回舊寓。前邵孝廉來議昏。母詢家世。悉爲耶。故諾耳。生聞。始歎作合之前定也。生與

女舌耕指織。頗溫飽。半歲履吉亦歸來。生入北雍。領解。秦氏姨以巫妹媵之。得瘿金蓮方。雙趺瘿削如姊。生奉世父母歸。後巫姊妹各生二子。

雙珠屨本事之一

北平庾豐字玉年。生而好游。挾萬金至吳門。友某令罷官。不得歸。脫半調之妓。仙簪者。年甫破瓜。佳冶窈窕。生一見目成。纏綰踰年。牀頭金盡。鵠白眼之。仙簪謂生盍早爲計。儂委身於郎。私穡可相飲也。生語鵠。以其纏頭久乏。謾曰。他人非千金不可。念公子鷹隼。半之唯命。生告仙簪。啟匳如數。與生。鵠出不意。無以靳之。納金署券。而盡褫仙簪。釵鑲桂裳。劣存相袴。驅令偕生去。時春寒瑟縮。仙簪取一布敝絮襦。乞蔽體。鵠擲與之。同詣逆旅。作北歸計。贊輿無所出。步行十里所。纖趾于履。絢穿矣。生喜曰。飄泊窮塗。僕所自取。綵卿蕉萃。其何以堪。仙簪曰。早知有此苦。士患無志。此何患焉。第儂罷矣。呼舟何如。生以乏資。墨墨無

一言。謔笑坐道旁石。說左屨。出一珠如戎菽。入市貨之。得三十金。共舟至王家營。僦車歸。則舊業爲族鄙臧獲瓜分散矣。僅存華屋。生有憂色。簞入室笑說右屨。又一珠大踰於左。售百金。生於是杜門下帷。晝則誦讀。夜繼麗人。秋試高捷。方慮計偕無策。謔笑取行時所著敝襦破之。絮中綴明珠百琲。大者如蓮實。次第鬻之。得二萬金。趣生入都。通籍後仕至江南大參。謔曰。士貴知足。郎素封。溺儂幾拓落煙花。今若此足矣。生從謔言。遂病歸。

雙珠屨本事之二

浙西江山船。有頭亭菱白之名。船畜美姬二三。稚曰同年妹。笄者謂之同年嫂。著籍桐廬嚴州爲多。同年蓋桐嚴之謔云。自杭至衢。仕宦商賈多僦之。姬有腹出者。有市諸人者。幼卽娉樂師。誨之度曲。弦索檀槽。靡不精曉。登其舟。低唱淺斟。日聽眉語。宛轉如人意。欲界仙都。樂忘反者。武相躡袂相屬也。以予所聞。袁

仙姝則殊不然。顧生耦霞。江山人。少年儁美。疏財仗義。以省試往來富春江。時乘袁舟。仙姝袁養女。年十五。色技冠諸舟。生情日密。姝則淡漠遇之。每止宿。輒拒不納。假母勸之。姝不之顧。生出千金爲落籍。袁諾之。姝誓不允。再三言。始鬻。而與假母約。不携奩具一物。亦無令舟中人逐之。越宿卽歸。生蹟之。挂驅不知所往。買舟溯江。至七里瀧外。歟楊下。袁舟檣焉。姝方倚舷與鄰舟姊妹閒話。見生反身入。若不相識。生過舟詰袁。胡再不謀。袁謂姝意。生譙苛之。姝左右顧而啼。若罔聞者。袁留生於舟。姝搖首不語。交謫之。則請方舟同泛。入夜自抱枕。衾就生宿。旦則復歸已舟。生不得已從之。如是者半月。一夕月艮波瀾。漏三下。姝察袁舟及鄰皆熟睡。悄呼生與榜人盡起。出白金二百犒之。戒勿聲。自取沃髮膏入鰓牙。令解維縱櫂。乘夜潮。徼杭州。天未曉抵草橋門外。大喜。同生入寓。笑曰。今而後爲郎婦矣。次早袁覺追覘。見姝責其遯匿。姝曰。嫁郎隨郎。何遯焉。

券故在。媼尙何言。袁失色去。姝私蓄數萬金。袁必不使之賄遷。比船半月。遂之始盡。抽一箱替。繡履數十兩。約綴明珠者大於瑟瑟。他物稱是。袁不之覺也。外史曰。史有之。始如處女。後如脫兔。又曰。將飛者翼伏。將奔者爪縮。姝有焉。句闌中有此智女。方知小宛玉京。未是俊物。宜與谿稱二仙哉。

演祕圖本事

南海花田之瀕。有極樂奩焉。女冠高紉纖足。桂節與閨閣同。閑陽公子。少年風姿削玉。踢青過之。倚門兩維。色皆嫵媚。少者尤媚好。喜卽之。長者摻袂入室。俠坐牀檯。問其名。自言妙禱。字冠香。奩中三十六妙。儂十九。問少者何遽不見。禱曰。渠名妙遷。字藕香。齒最穉。絮語間聞門外履聲。瑣屑珩佩。丁當笑語。如百轉新簧。呼曰十九妹。有客乎。禱曰。三姊率諸姊妹至矣。俄羣入室。相將問訊。妙簡妙齎(四)妙綬(七)妙梅(九)妙蔡(十二)妙藥(十七)妙荃(廿四)妙遷(

廿五) 妙遮(三十) 妙嵩(卅一) 妙葳(卅二) 妙蕸(卅三) 妙蕘(卅四) 卅二人簷一一爲道名第。異姿同妍。色授魂與。簡笑問簷以何款壻。容合尊促席否。簷令婢列兩几。環歛極懽。蘭興曰。姊妹姑暹。翼日迭饗。公子何如。遂去。公子促簷寢。歎曰。幼墜空門。誤破情戒。并郎纔二人耳。此閒口衆我寡。郎奈何。寤覺日高。推公子起。曰。貪懽眠爲羣婢笑矣。收束數。大姊妙尊已聯袂至。攔帷笑曰。昨偕諸妹游珠江。歸已丙夜。相見來遲。於是妙移(二) 妙櫿(五) 妙茗(六) 妙菡(十四) 妙菘(十五) 妙榕(十六) 妙蕙(十八) 妙蘿(二十) 妙萍(念三) 妙葭(念六) 妙薇(念七) 妙蕤(念九) 妙蘅(卅五) 妙櫟(八) 十五人迭揖。尊蹉公子曰。粉郎貌似蓮華。無怪阿蘅耽踟忘曉。又曰。堂設小醺。姊往排當。妹卽偕郎至。簷曰。諾。尊等旣去。携手從之。諸妙數集。妙懶(十) 妙蠶(十一) 妙櫻(十二) 妙藥(念一) 妙薌(念二) 妙楮(念八) 妙齒(卅二) 七人先在。公子揖而圍視。獨不見遮。堂

五筵。筵七人。肅公子上坐。環而觴之。公子飲固豪。栝至卽醕。絲竹檀槽。四筵競奏。良夜迺罷。尊趣就寢。自後日招三四妙同。不半月辨矣。而招妙輒婉辭。端陽張飲水榭。以解語栝行酒。酒酣弛袿服。著禪縠繡紅訶黎。公子戲仿鐵厓。引滿香纈。醕之。尊曰。本師祕傳內視法。臨勅授儂冊。謂他日與可意郎行之。一生受用不盡。今得公子。當與諸妹共之。命侍者將某。段襍來。出冊共視。宋錦裝池。泥金揭。蔡元宮演。媠兒圖。冊端隸書三十六宮。都是春七字。尊攤公子。劄上口。講指畫。命逐巨榻。苜席橫陳。與諸妙臨。樵粉木。竟書。蘇宵。猶嫌未。爨。如是者月餘。忽妙遽立牀前。低聲曰。別來無恙。公子笑問。卿匿何所。曰。晤公子次日。始招往朝。普陀。往返四月。昨始歸耳。公子與之謀。偵隙遂歸。告諸有司。率兵圍。捕尊等三十五人。簷以省母歸。侍不與。公子感。遽之德。請諸有司。諸妙亦在染道地。取次贖爲筵。環佩之聲滿室。合。夕。遽猶處子也。簷則已。舅姊妹咸歸。

公子白母。比後男也。遽聞之。以禮迎歸。居已次焉。外史曰。里乘（卷五）歐公子一則。與此同。所異者。妙尊諸人。責配不知落何所。公子僅得遽簷。名亦非是。許蓋實事。此則奇姐登場。不妨點竄。原本四千二百言。縮爲七百六十九字。史筆差簡也。或以圖爲虛構。然讀書敏求記（卷二）藝術。有端必瓦成就同生要一卷。因得囉菩提手印道要一卷。大手印無字要一卷。遵王云。此爲庚申帝演蝶兒法。張光禪（昱）輦下曲。守內番僧日念時。御廚酒肉按時供。鐸鈴扇鼓諸天樂。知在龍宮第幾重。描寫掖庭祕戲。與是書所云長緩提稱時字。以之爲大手印要。殆可互相證明。其紙是搗麻所成。光潤炫目。裝潢爲元朝內府名手匠。無能有之者。亦一奇物也。據錢後人記。則元宮祕本。流落世間。不得謂姑妄言之。

升庵僞撰祕辛。畢竟口業。京師且腳。以四喜部爲最多。然亦無三十六人。昔

人謂文人院本。可讀不可演。此也。

姊妹華本事

蘇州元妙觀太歲祠。有六甲神牌。士女按生年祈祀輒應。春時禱者尤夥。長安秦雪扶雲未冠領解。求鷓頗奇。父監司蘇松。省侍南來。春日游觀。見一女郎。黥沟灑妝。獨拜太歲。數所甲子。年才十七。踞後裾。夔拜。頰視雙跗。瘦不盈握。蒲伏而盥其纁。女回首微覷。拜畢起。嫣然登藍筍去。秦尾之里所入一門。矚識而歸。不敢白父。潛俛幕客覘之。歸謂室居老儒。子出游。並無女郎。秦恚。自往訊之。鄰如客言。訝之。灼藥形茹。瞑食都廢。客潛語觀察。亟命妯物色佳麗。秦聞。太息曰。前農目睹。豈無其人。舍西家施而求吳宮花草。非儂願也。客曰。越客千絲網得。若何。秦點首曰。非夷光。甯別贈人也。觀察召老儒至。談次。笑問。丈宅有妖邪。對曰。老朽年今七十。宅茲五世。媿非高明。幸免鬼瞰。公何所聞。謂有妖也。觀察以

公子所遇告之。曰：豚子餽口於外。室惟由妻兒歸。並無嬌女。不然。公子才望。方求繫援。不得也。觀察曰：丈意中有淑媛。堪爲兒匹者乎。曰：此非倉卒可報命。無已。老朽兩甥。頗不惡。公如不論門第。或可塞責。問誰氏。曰：妹壻梅嘉卉。曾副賢書。無子。廬二女。長曰浣霞。次浣香。莫釐峰下人也。梅歸道山。妹欲擇佳壻。依以老。兩甥端麗。通文史。次甥近臥病。長者曾寄山妻爲女。容商之。觀察問年十九。少公子歲。一大喜。亟請執柯。卽於丈宅親迎。以醜癡兒之疑。老儒首肯去。母迺風公子曰：兒所見室主人。固有女。才貌雙絕。不欲字異地人。前詭辭耳。今允矣。惜兒病未瘳也。公子推枕起。曰：兒迺無病。母語觀察。亟娉成婚。女晨興。藥糲。追裌。公子敲枕熟視。戲握之。曰：曩見卿雙翹。目所未睹。使人之意也。消。女訝曰：儂母教嚴。向未跨閭。郎烏從見公子笑曰：儂爲卿幾死。卿未知邪。女益驚窮詰。公子述前事。愀然曰：然則郎殺儂妹矣。公子亦驚。女曰：郎親迎。何於舅宅邪。舅來

議昏。母怪顛。不虞有如許波折也。公子亟問何爲殺卿妹。女歎曰。儂姊妹貌相似。幼相愛。衣履互著。私謂得一多情者。同侍巾櫛。免別離。妹生日。母命禱太歲。順塗歸省舅姑。夜私語儂。祠中見一蘊藉郎君。多情人也。得婿如葛勃。姊妹顛足矣。笑讓癡婢。辭后一面。烏知其多情。妹謂其人尾從至舅門。無情者如是乎。妹儻誑姊。數日冰。人來矣。儂笑其太怒。久之。敵竟無音。妹失望。遂病。結禱夕。溫語慰別。擬屬郎訪其人。不謂竟是老奴。非殺妹而何。公子聞言。雀蘭起。揖女曰。卿妹幾殺儂。賴卿生矣。儂今幾殺卿妹。非卿何以生之。脫卿妹不起。儂忍獨生。且不忍拋卿也。女笑曰。多情哉。妹言不虛矣。女請歸。妹益縣懍。私語曰。妹謂姊夫何如人邪。妹曰。不知也。曰。妹所謂多情人是也。因述公子言。妹聞。瞠不語。少選。歎曰。姊。妹言豈妄哉。賀姊得人矣。女慰之曰。姊爲妹歸來。姑遲之。已而與母縱言家事。母問婿昆弟。畢竟有無。歎曰。翁姑正以丁單。行將爲謀。篋室。冀

多抱孫。母驚曰。我固謂仕宦家不可與昏姻也。果爾。兒休矣。可若何。女頰蹙曰。兒亦慮此。頃得一策。母亟問云何。女曰。母生兒姊妹。未頃刻離。假使妹異時亦遠適。事未可知也。母欲倚壻以老。於彼乎。於此乎。兒愚以爲與其妹嫁他人。不如亦嫁兒壻。一則免壻置箠。慰堂上心。再則姊妹生子。可無適庶嫌。三則諺云。壻半子。姊妹同出。不啻一子矣。終身事母何如。母沈思迂久。曰。如汝言。亦復佳。特未知酒妹云何。女曰。比與妹語。妹重同懷。樂爲之。母曰。旣兒輩樂之。吾又奚求。女歸。公子亟迎問如何。女搖手曰。老母譙苛。事不諧矣。公子悽然色變。涕如綆縻。女以輔俛。拒拭。接莎之。曰。耶真多情人也。儂戲耳。耶何遽至是。笑述母言。公子亟白父母。娶妹歸。定省時。猶不辨孰姊妹也。越日迎母。事之如所生。後浣霞生二字。浣香生三子一女。公子官至少宰。上疏陳情。並封夫人。並馳贈梅明經及梅母云。外史曰。此事吳人多喜道之。過太歲祠者。輒嘖嘖姊妹花艷。

福不置。里乘原文。宄至三千三百餘言。蕙發存一千二百三十七字。差便讀耳。以史法繩之。尙可去十之三四也。

珠彈圖本事

雄黃生山之陽。三千年結實。赤如鷄冠。光澤圓轉。類鳥丸。俗名之雄黃彈。氣辛而香。蚶蝮觸之。輒斃。鄂渚舒生鴻。字容弼。故家子。聲華藉甚。容止麗都。事母最孝。父同年葉公守揚州。招爲記室。曲中楊蘧。纖者。色藝無雙。年十六。生聞名往訪。兩鬢棒。纖出。病暑新瘥。亂頭麤服。而明眸皓齒。光艷照人。略一醺答。兩情相浹。日跌輿。辭。纖止之。導入臥室。繡榻雕窗。囊琴在壁。生解視之。信手挑撥。清越異常。纖曰。此卜賽故物也。生視腹鑊。四善二隸書。下小楷二行。署乙酉春暮。玉京道人銘。生謂纖。卿高手。曷一揮。曰。小劔。不託於音數日矣。擗衷舒擊。爲譜一。生稱善。取薛濤箋疾書。曰。塵海茫茫。幾賞音。玉人爲譜白頭吟。多情惟有紅。

橋月。不照吹簫照鼓琴。熾讀之。曰白頭兩字。其儂與郎識邪。漏三下。低聲問居。停能爲牛相乎。生曰。小生才謝司勳。居停不下丑座。熾笑曰。果爾何妨止此。自是夙夜必偕。亡何。葉內擢京卿。生亦秋賦將歸。而戀熾未卽儼裝。熾顧趣之去。且曰。儂少郎二歲。請以三載爲期。補樊川水嬉之限。郎才何患不第。努力進取。勿怪催行念也。生遂歸。比至漢皋。距家百里。無儻從。襪被徒行。薄莫宿邱亭。平旦見異蛇僵於旁。色然駭。俄行人雜遝。詫謂此蛇毒人多矣。恨無術捕之。今就殲。君其有異寶邪。生言無之。羣展襪被。巾裹一丸。識者此雄黃彈也。蛇過之。宜其弊矣。先是熾暑月苦蟲。溧水商贈彈。寘枕畔。蟲颯滅蹟。生別時。無意裹熾所貽巾。至是始信其異。衆共剖蛇。得大珠無算。額一如湖目。以奉生。歸試而捷。母老。未上公車。越兩年。追憶陵懼。計將踰約。玉人必已有主。判割愛矣。會以事渡洞庭。卒遇獐颺。湘撫方之任。官舫承覆。見湖中舟漂殆盡。一小舟安泊沙壩。無

恙。亟令穰其旁。乃生舟也。命材官持刺謝。生過舟上謁。敘家世。固生父門下士也。詢生何異術。能拒暴風。生逡巡未對。湘撫見冠上珠。詫曰。此定風珠。無怪履險不驚也。生始悟。卽摘以獻。曰。此珠無意得之。不虞能定風波。公出入王事。敢備涉川之用。撫大喜受之。以通家傳語夫人。泉諸姬出。傳觀此珠。羅綺叢中。嬾在焉。相視眉語。不覺雙淚承睫。湘撫詢得顛末。曰。荷君拚阨。請效珠還。用報大德。過邗時。耳嬾名。以重金啗鴛。勇之行。嬾大嘍。覘死不得。月餘同舟。未薦寢也。張歛極懽。送生歸。則橈匿籛笥。充物舟中。夫人又贈千金助妝。歸而母曰。汝前侍養罷計偕。新婦來行矣。是科捷南宮。不數年以編修守揚州。織故工六法。繡餘吟罷。寫珠彈圖。生珠冠坐桐陰讀書。織簷棟懸彈撲虬。生題七古數千言。敘其事。織倚北曲一套。竹西歌吹。拓爲美談。外史曰。小杜青樓一覺。街卒邏護之力爲多。然十里珠廉。嫋婷空賦。與湖州綠葉成陰同恨。何物舒生。旣邁牛奇章。

書記平善。復遇裴晉國。黃娥子飛。才人作客。一知已難之。矧憐才兼兩邪。

青樓俠本事

揭陽蓋生美容姿。十五補諸生。秋赴省試。名妓熾篋者。獨視偉之。而生少年恂謹。不解冶游。無何。錄遺落題字。熾篋知之。力爲平章。學使大收。得入試。榜發高捷。熾篋大喜。陰使平頭奴數人施從生。入市鬻物。主者輒不索值。云有人與矣。生詰誰何。主者曰。君自知之。何問爲。生益不解。會試北上。熾篋易男子服。潛與俱。塗中一鬻一宿。行時。主者語如之。入都至贏馬市。平頭捉鞵請曰。寓在是矣。瀕試。貢院左右覘小寓。又如之。登第。同邑衛尙書樹爲壻。熾篋反初服。詭爲傳婢。意但得常侍生巾幘。他非所計也。婚有日矣。熾篋忽疴。又出金市侍兒名雪艷者代已。而僵臥逆旅待之。數月後病瘳。踵往。閨曰。雪艷本女公子婢。曩從登岱宗。禮碧霞元君。爲匪人掠賣。今意外萍逢。不頽若矣。熾篋迺求覓生曰。妾溷

風塵久。非無可委身者。愛郎跌麗。如蠶作繭。自縛。耗數千金。敝履千里。今郎貴有室矣。儂歸去休。尙書女靜姝國色也。呼之入謝。且憐之。置諸簞室。與雪艷同日上頭。靜姝婉孌。雪艷亦頗妍。織質貌亞二人。生感其情。寵之專房。外史曰。孟子云。不知子都之姣者。無目者也。睹貌相說。委身不舍。亦曲中恆事。如織質所爲。乃極難耳。然幸彼姝不妒。三艷同居。否則欲爲鳳求凰。雜劇之許仙儂。不可得矣。見聞隨筆（卷二十八）薄命妓一則頗同。惟所歸乃武生。官漕標千夫長。織雲又以遲莫色。爨爲房老小不同耳。作者殆以半老徐孀于。歸趕趕。豔。蘇般演。鮑老郎當易之。梨園生且。太平無中生有。匪所辨矣。

作者生而木強。絕不作北里游。而此卷各本事。於都知錄事。不惜縷陳。且無篇不佳。亦一反也。

玉蟬緣本事

樂府本事

中州唐福稱太史典試秦中。揭曉後訪同年喬大令。喬老矣。有子媼出。妾以社日生女。故名之曰燕來。甫數齡。媼抱出見。嫻嫻可人。拜呼年伯。太史無以爲贈。解佩玉蟬與之。別十餘年。復督陝甘學。未幾。抱騎省之戚。西安守亦同譜也。勸之膠續。不可以置。籍請然之。而難其人。守請爲物色。居數月。得之。送入院。驛貌甚婉變。舉止大方。不類小家碧玉。諦視之。似曾相識。而苦不憶其誰何。定情之夕。羅襦袷解。玉蟬繫焉。取而視之。已物也。詰之。對曰。妾幼時。有年伯與大人同姓者見贈。妾愛而佩之。朝夕不去身。父歿。嫡兄不肖。家中物無不斥賣。近益奇窘。鬻妾爲小星耳。太史憶前事。感歎不已。具告之。呼傳婢伴女寢。而已出居外驛。此日。呼其兄來。蓋詭易姓名以鬻妹。西安守不知其爲宦女也。太史厚卹之。俾迎妹還家。卽倩西安守爲媒。而以翰林誥命。學使鹵簿。迎女合巹焉。

願天下有情人。都成了眷屬。是前生注定事。莫錯過姻緣。前人集曲楹帖。可

贈斯篇。(耆妙蓮房主人)

仙舟膠本事

浙西縵艘。由運河出吳江。必道長安鎮。千舸蟬聯。邪許不絕。鎮有葉生者。弱冠入杭庠。儀容都雅。家臨河。倚蘭偶眺。見一艘楊檠白糧幫某號。連丁郭鳳高船。蟻窗洞開。一女子刺繡其中。桃鬟星靨。嬌艷撩人。生方注目。女回首見之。略一斜瞬。瓠犀微粲。頰繡如故。而舟已挂帆過矣。生意不能舍。卽買小艇尾之。女見之。知其爲已來者。時於窗中露半面。眉語遙傳。眷戀備至。抵吳門小泊。生舟橫其側。矚艘中無人。以羅巾裹柑擲之。墮女繡履旁。女繡不顧。無何其父歸。生慮其見巾研詰。畏之。而女已頰拾。納褰中。生愈惑之。登岸。假友資斧。將長行。隨郭艘北上。左之右之。相去咫尺。見女繡罷。拈帙長吟。知通翰墨。書片紙投之。自述傾慕之意。女答書。詞意纏綿。略云。舵樓止老父。垂髻婢一。有隙當邀郎相見。未

署郭氏小璫。生得之大喜。一夕。繆至巨第。入之闥。無人。西向一園。嘉樹葱蘢。濃陰欲滴。又入之。修行檀欒。落花滿徑。北舍三楹。珠簾半捲。一麗人繡其中。即小璫也。怪欲前詰。倏已驚寤。比抵丹徒。長年上岸。女語生曰。今夜老父飲鄰舟。可圖良覲。漏二下。啟窗招生。緣紫舷而上。喜近麗人。形神俱蕩。女知生家世。許爲伉儷。方共偎倚。而父已歸。生急反舟。次日。以舴艋不能渡江。諸艤齊發。帆檣若齊。頃刻已杳。遙望江天。恨無飛翼。惘惘歸。冬月。纒運回空。日往河干。偵數。而郭舟不可得。詢之他幫。云。渡黃遇風。父女僅以身免。郭以責倍米石繫獄。女售宦室矣。聞之。悲慟幾絕。明年。舉於鄉。計偕入都。謁座師某侍郎。門戶風景。與癡中無別。入則庭階院落。一一相符。闈導入園。樹石亭臺。皆與癡合。心異之。侍郎出見。談次。問授室否。生言尙未。侍郎曰。君年少登科。胡待闕駕。鴛社。生言前與禾中郭氏有約。舉家拊。糧餼如燕。音問闈絕。以故遲遲。侍郎曰。若是。則意中人在茲。

久矣。錯愕不敢復言。侍郎入內。少頃。十餘媼婢擁麗人出。果小璫也。不覺涕下。女亦泣不能聲。侍郎曰。去冬姬來。號泣自陳。爲武林葉秀才娉妻。欲反壁而無家。可歸。憐而女稽之。今可如願矣。館生於邸。厚奩合。榜發登第。郭亦緣侍郎力得釋歸。女自黃流舟覆。憚涉風濤。生亦愛玩賢妻。乞病歸。女生數子。咸擢科第。生優游林下者六十年。歌偕老焉。

稟碯錯本事

烏程顧景字淡荅。弱冠。美姿製。家貧未耦。游江右數年。習與士人處。操土音。惟肖。聞者不知爲浙產也。一日行邨落。突有兩少年。摻其袂。若甚忻喜者。曰。久覩不見。迺匿是邪。攤之去。顧初聞駭愕。旣而察其色。非惡。遂不言。里所至一宅。相將入內。蹠階數重。家人坩集。一媪撫其背而煥休之。曰。兒拗猶爾。少年房闔。勃讒亦恆事。何忍棄而他往。兒去數月。母涕欲死。婦亦悔。噓不食。今而後勿蕪芥。

前事也。偕婦入閨。顧方欲言。覩婦甚麗。意不能無動。時已薄暮。媪命然椽燭具食。嬌婢四集。殺核駢羅。共歛食。媪扃扉去。下闔焉。燈畔婦卸妝攤髻。迴半含聯。鬢雲欲飛。絮譎曠離。且告之悔。解襦入幃。婦覺其異。微話之。顧語其誤。婦惋嘆曰。妾尙何言。引臂替枕。知爲韓氏。媪其姑也。春日。以戲作劇反目。第氣出門。徧訪無蹤。昨兩少年。婦弟也。顧貌酷似。故誤認。婦又曰。妾葛氏香綵。年與郎同。結禱才數月。家幸小康。郎安之。母令姑知。顧大喜。諾之。婦又詳話家世。暨親串臧獲。且則佞言。慮郎潛逸。扃扉偃守。所以事之者。無所不至。久之。方出見家人。如婦言。莫有知其非者。婢察之。稱異。私於婦曰。郎舉止。何與異時不同。婦微語之。餌以餅。顧旣獲。妹麗。且繼厚資。數年。婦儻皆生子。遂爲章門人。幸故雄往而不反也。外史曰。此殆寓言。梨園般演。不知其非也。近出續異書。四種中。香歛樓寶談(卷二)顧某一則。卽此。陸與同邑。豈真有其人其事邪。湯玉茗叙離魂記。

謂理之所必無。情之所或有。恐亦非是之謂也。

此與演祕圖本事二篇。皆萬不可存。陸子元（采）冷城客論鸞鸞記。述施氏事。四庫小說家存目提要。謂誰見之而誰聞也。有乖名教也。

不動尊本事

古今閨秀。豐於才者。遇必齋。貌麗者。尤靳之。百年偕老。唱夫榮妻。貴酒乾者。代不數人。若小婦肩隨大婦吟。更所希覩。平江范履霜字鐵莖。生有璧人之目。娶池艷蕖。卽續香閨雜詠之小姑也。蘭閨倡和集。著和鳴。侍女冰蓮。年十四。秀羸多力。兼工詩。蕖絕愛之。侍范左右。有飛鳥依人之態。蕖嫁。踰年不嗣。欲爲之上頭。范笑謝曰。卿勿爾。卿長儂四月耳。世間嘉耦。如我儂兩個。不知費造物幾許苦心成就。方想無福消受。矧望蜀邪。逡巡久之。是秋舉於鄉。以家窶。不忍遠離。挈之同上公車。中途池忽病。羈逆旅者半月。至桃源衆興集。資斧竭矣。匣中僅

敝裘一領。過典肆。令冰遮下輿質之。肆爲大腹賈胡某所設。且寓家焉。胡爲富不仁。好狹邪游。典夥一曰郎惺。一曰苟帶。相與導引。靡所不爲。胡見冰遮艷之。雙翹之窄。更目所未睹。取裘反復審視。吹毛索癢。冀親薌澤。冰遮色變。大聲曰。裘雖敝。不願典卽見還也。范聞入視。胡驟睹偉人。不覺起揖。郎苟亦致殷勤。展問行止。曰。今日已晚。不得抵宿遷。不嫌簡褻。令山荆迓夫人入內。貴客下榻小齋。何如。范故儻。葛尤之。胡妻故倡也。出與冰遮扶池入內。延范別室。張歛極豐。初。胡密室三楹。夙傳嫉異。人不敢居。鑄久矣。至是汎婦。冀范宿其中。斃於怪。則兩美掌中物矣。酒酣始言之。曰。得新貴人鎮厭。庶老彪遠避。請以千金爲壽。范拍案起曰。恐非彪耳。有當爲君驅之。但勿食言。胡唯諾。與郎苟掩戶去。范醉坐寐。夢一白鬢翁叩謁。自云社公。君不日爲桃源令。異時由府道走陟總制。胡有罰款千金。應歸君。第其人慙而詭。犁日必悔其言。今已取實几上。如鐵鑄。人不

能逐。惟君與如夫人。舉手可得耳。言畢辭去。范熟寐忘曉。胡與郎荷排闥入。睹几上纍纍者大駭。審爲己物。益異之。欲前攫取。而竭三人力不能動。范起曰。怪已驅去。遺金爲我行資。此殆是邪。胡曰。咄安有是。我典中物也。范曰。卽君物。如約。亦當屬我矣。胡曰。君能取之乎。范曰。有何不能。應手轉如彈丸。郎荷前沮之。曰。公新貴。故能之。若貴侍女亦然。主人始甘心耳。范呼冰蘊出。至几側。不待言而攫金出門去。范與池辭謝出。胡目懾口噤。郎荷亦無如之何也。范入都登第。卽用江南池繩冰蘊置諸籩。蓋冰蘊亦鄉社公如范言。數年范果總制三江池。與冰蘊男女成羣。壽皆百齡。

潘閔蓮本事

懷寧汪茂才士沅。娉邑故紳楊氏女儂簡。有艷名。貧未娶。授郭氏僮子經。偶集同社某家。某一妻兩妾。正爭寵。獅吼達闔外。汪微笑曰。君比齊人更多其一宜。

有此也。某羞怒曰：君未室，宜作是言，恐他日鮑老登場，郎當未必不甚於郭郎。汪云：僕一妻尙未，違問桃葉桃根，座客李生曼年，亦爲之捧腹。會髮逆擾皖，省垣戒嚴，楊夫人居潛谿，僚閒在城，屏當家具，綑載未行，而城陷，急微服蓬葆，雜傭媼出南關，纖跣行，未數里，憊憊路旁，忽飛騎傳呼曰：賊大隊從南嶺入矣。眾譁散，女瑩無適從，瞰老槐大十圍，腹空可入，借以隱身。果聞人騎雜沓，嬰婦悲嘯，自午至昏，始寂。潛出覘路，一少年自榛莽中出，見女詢何往，女哀告之，問知潛谿道乎。少年睥睨良久，曰：知之，距此里餘地，然夕陽墜矣，深夜荒邨，何所不有，恐不死於賊，而飽狼虎口耳。前邨茅屋數椽，爲某祖塋，守塚人居，地僻無男子，僅一老嫗，曷往投之。翼日，倩嫗伴往潛谿，何如。女凝思無如何，涕泣尾之行。至則一畝宮大於艇，果有白髮嫗倚門，見而詫曰：相公避賊，何處得此佳人。便宜哉。少年曰：婆子莫饒舌，曰：楊宦女，宿一宵卽去，命具夕饌。殊草草，女念母。

不食。少年外舍宿。嫗伴女眠。絮問氏族。女云亡父官京師。身字南塘汪秀才。母徙滸谿。存亡未卜。因泣下。嫗云適導汝來之李秀才。吾主人也。與汪同膠庠。宜知蹤迹。渠娉潘家。泗觚好模樣。亦未娶。問答間。聞李窗外躑躅。旋喚嫗出。喁喁語莫辨。嫗入促女眠。漫應之。旋反側自語曰。廚門未掩。野狸飶膾菜。恐師破瓦盆。卽起披衣出。女知有變。整衣端坐。李果闌入。僂而挑之。女厲聲曰。日蒙引導德也。宵若此。德云乎哉。君自有婦。僕自有夫。讀書人不知瓜李嫌邪。李不應。狎且迫。女力拒痛詈。危急間。忽搗門聲甚厲。握石如擣鼓。嫗自門隙窺。兩少年皆急裝。然炬似紅巾夜邏者。云開門宥汝。遲且火汝屋。嫗拔關。兩少年衝入。而李已踰短垣遁矣。初。汪聞城陷。以曾習技擊。卽紅風帽爲賊裝。來偵楊氏母女。遇鄰人。知女迷路失。懊喪反。逢女子泣路隅。疑爲僮隲。訊知爲李娉妻潘。亦隨衆避賊散。欲投李氏。不識途。因乞汪挈之行。李曾招汪來。播聞看桃花。故貿然偕

來恐斂弁招人識。拾地下賊遺男子衣冠。令潘易之。至此如釋負焉。及聞女子
嘯且詈聲。又見嫗穀棘狀。大疑。出鞞中刃語嫗曰。汝藏何人。而嘯諠若此。曰是
墓主人所攜者。悲離故耳。問李何往。曰大王來遁矣。汪頓足。指改裝人曰。此卽
渠室。今相左奈何。潘脫帽露雲鬢。果絕代姝。汪復問李攜來果誰氏女。嫗不敢
對。汪納刀將去。潘挽之。汪笑曰。我汪士沅方失妻。敢攫人妻乎。嫗始驚曰。郎汪
秀才耶。曰然。前年來此看桃花賦詩者耶。曰然。夫人楊宦女名儵蘭耶。問婆子
何知之詳。曰郎來時疑大王。令我怖欲死。今言之。當令郎喜不支。急詢云何。嫗
指窗內曰。適鳴鴨者非楊家小姊耶。汪驚喜。乃留潘於嫗。鄉晨。覘下澤車御女
歸。潘谿。楊夫人固無恙。諷吉成昏。賊時出掠。得婦女。無老幼。研媼閉一宅。曰姊
妹館。日久。人眾乏食。出僞示令人贖。或購爲妾婢。儵蘭荏弱。不勝操作。楊夫人
憐之。倩鄰妾入城代購婢役。至則汪與儵蘭皆大驚。蓋卽泗觚也。雪涕而前曰。

自鄖挈姊往。次日李偵至。甫坐定而賊入。繫索黃白物。告以無有。賊鞭之。嫗代緩頰。賊怒并嫗殺之。掠妾入館。不圖重遣。乞爲姊媵。所不辭也。汪正色云。李不良死。卿當爲渠守。奈何爲是言。潘色赧沮。僚蘭投袂而起。仰天太息曰。嗟乎。妾無苛娵。鄭亦莫守頭巾戒。請如妹言。汪問云何。僚蘭緬述是夜偈姦拒詈狀。潘亦毗裂曰。夫也不良。宜爲賊刃。汪顧聳懼。謝曰。前車可鑑。卒不允其請。數日醉。汪以酒先臥。闇易潘同枕。汪酣不知。已而僚蘭牽帷入。汪曰。爲卿誤賺。可若何。僚蘭笑曰。天也。時賊未滅。而汪儼然齊人。同社某知其事。撫掌曰。汪生差強人意。

綰仙絢本事

淮安周木儕。寅善書。嗜飲。疏狂不羈。喜作狎邪游。淮上固多女閭。然無一許可。間有留盼者。歲鉤鬩酌。筵散而出。絕不作桑下宿。時諸名士各有所昵。思設局。

敗之而未得其術。一日集某校書家。燕鷲環集。諸名士曰。卿等色藝雙絕。見者罔不傾倒。周木儕猶是人耳。豈真鐵心石腸。何獨無術。俾入迷香洞。博我輩捧腹邪。諸姬咸以周才大。不能媚之使動。時末座一姬。名陳鰈仙。小字鶉雙。新自鹽城來者。獨以爲不難。眾睨其貌。雖艷冶。而冷淡中有一種清氣。絃索歛謳。未遽跨諸美上。輕之以爲妄言。陳微曠益自信。眾戲之曰。卿如能使木儕真箇銷魂。我輩當釀金爲卿脫籍。陳卽下拜。謝曰。諸君子諒不食言。容婢子獨居一室。十日不見客。當使木儕自投耳。眾笑曰。諾。而木儕未之知也。陳母故鹽城老校書。夙擅桐仙繩秘法。陳盡得其術。次日卸濃妝。齋沐。潔埽臥闥。四壁書畫盡徹之。終日焚香枯坐。潛繪木儕小影。略得形似。訪其生辰。干支書花箋。以繡鍼七刺黏於壁。夜深禹步誦咒。對之呼且拜。甫六日。木儕家居。神魂影蕩。每夕輒夢至一室。一美人與談詩詞論書法。輒有慧解。已反退舍。醒而異之。至十日。更坐

臥不安。偕友人訪翠。凡三四適。皆作惡不歡。未至陳室。諸美麤至。獨不見陳品。竹彈絲。若無所睹。友曰。君著眼太高。雖遇娉婷。未分明耳。木儕曰。吾亦不自解。但入花叢。叵不生憐。反多惹厭。因問諸艷。盡於此乎。曰。有新來陳鱗仙。終日跌坐。當拉之來。或有緣耳。須叟。鱗仙至。亂頭擁服。益覺傾城。略問姓氏。含睨宜笑。無他言。木儕見之大詫。蓋卽夢中人也。友解其意。盛誇木儕人品書法。並世無雙。鱗仙歛衽拜曰。婢子生長海曲。耳先生大名。不圖獲瞻儀范。木儕大笑。卽移其坐。鱗仙故遠之。問卿臥室。履卽欲入。鱗仙止之。曰。先生高人。何敢草草。容先入焚香。再容頂禮。木儕嘩入。則又大驚。蓋室又夢中熟游也。室無奩具。凡上法帖數種。茗甌睡鴨而已。問四壁何絕無書畫。曰。婢子平生。惟酷愛先生書。求之不獲。竊素壁耳。木儕立遣僮奴。市金箋。宣紙。紈扇。爲書楹帖。立幅十數事。每一濡筆。鱗仙輒曰。神似襄陽。木儕大呼僂快。月上興辭。鱗仙亦不款留。友慙慙。

曰。以君才調。得鶉雙捧研添書。不減司馬之與清娛。今夕天孫渡河。何可使衛玉清。咲人木儕。遂留繯。曰平生末宿青樓。今爲卿破戒也。明日。鱗仙設醮。招諸名士飲。曰幸不辱命。但婢子誤落句闌。不能一日居。不識諸君子真手援否。諸名士即日釀金脫其籍。歸木儕。友戲以糶仙繩告。木儕曰。鶉雙不糶諸名士而糶我。是以我爲仙也。非知已而何。外史曰。仙可糶乎。仙而糶。亦仙自糶。非石榴裙下真有徽纜也。祝芷塘詩云。摩登伽自無神呪。不是阿難定力多。妙哉鱗仙。駕摩登伽而上之矣。

連柯里本事

天津諸生劉千石。鍾美丰姿。居城外連柯里。家貧。父設酒肆。以給朝夕。故生二十猶未昏也。鄰張氏女麗盈。年相若。貌絕艷。偶與團頭田二母。鄔氏跨閭語。見生白袷衣。搖箏徐步過。睇之。秋波頻注。鄔窺其意。戲曰。劉郎尙未媾。若與姑

姑作配。眞一對玉人也。女面頰微晒。郎又曰。若醜老身。十匹絹當作冰人。無不諧。女羞避入。郎撫掌去。一日侍母返外家。經市集。諸少年爭擁瞞之。轉眴失母。道旁茶棚。亦鄰人賣油郎郭析子母殷氏所設也。急趨就之。殷驚問故。曰險哉。母怖。市散卽送若歸。女坐鑪後。毀妝卸簪珥。面嚮壁。不敢語。少頃一男子來。目眈眈與殷耳語去。殷顧女曰。煩代看小紅泥。我去卽來。女瞰其去。由棚後遞竄荆棘中。纖履敗。忍痛行。時日下春。忽一少年來。睨之。非他。劉生也。女急呼曰。劉郎止步。生驚詢之。泣請導歸。遂偕行。纖步蹇弱。行而屢仆。顧生曰。郎憎妾邪。不然。忍不一援手。生以瓜李辭。女曰。非遇郎已不知落誰手。郎卽憎妾。妾願以身報德。生曰。得婦如卿。又何求。第窶富懸甚。儻中變奈何。女曰。中變惟有死耳。泣下汎瀾。生以巾拭之。曰。明日卽央媒來。遂負之行。抵女門。始去。女敏門。母以失女。遣人四出。得女大喜。詢何以歸。具告之。明日劉果浼冰人來。允之。自此女歷

金綫作嫁衣。劉潔青廬。私幸好合不遠矣。鄔氏聞之。憾爲女賣。不得醮。殷氏聞之。憾入手明珠。落同墜露。且憾且妬。鄔往謁女母。曰。賀大孃得乘龍壻。婆子來索喜醪飲。第不知劉家下玉鏡臺未。曰未也。鄔欲言又止。母疑詰之。曰。日受大孃惠。實不敢不言。盈姑享用慣。劉家一盃粥。日尙不周。且日從蕩婦眠。得療疾。忍以嬌女擲火坑乎。母哂之。似不信。鄔又曰。大孃尙夢夢。前日母女相失。鄔渠嫉同學者爲之。冀遂所覲耳。母大怒。殷於其日。亦往謁生父。曰。近日翁何惜諍。驚詢之。曰。聞大郎娉張家麗盈。有之乎。曰有之。曰外人云翁扣窖金萬。有之乎。曰無。曰若是。何遽娉盈。渠貌如仙。衣非綾羅不著體。食非珍錯不下箸。偶小釵。淺芥費萬錢。若翁有萬金產。則可娶作畫中人。今無負郭田。日以囊頭春蠅蠅頭利。盈來使妝成熏香坐乎。抑使當壚作懸幟招人飲乎。翁躊躇不答。數日遣杓往。以生病辭。女母曰。其瘵疾乎。杓漫應之。母信鄔言。遂罷昏。女嘔不食。閉戶。

眠晨起。母隔窗呼不應。排闥入。已自經矣。痛哭大悔。盡以女釵珥諸寶納棺中。瘞之。析子聞之。謀拍墓。夜荷鍤往。啟棺盡取之。將脫女裳。忽呻吟轉側。大怖走伏樹側。見女亭亭出。立而旋仆。知非屍走。乃呼曰盈姑生乎。女曰然。若幸負我歸。當厚疇。郭曰。夜負女子行。悲爲人詰。曷權就我母宿。明早送歸。女勉應之。至門。柝聲漸近。急以拳搗門。不應。捧巨石撞。舉足蹴之。門倒。入室不見母。舉火燭之。死矣。殷醉倚扉眠。門倒中其顛。腦裂死。郭大號。女籌思曰。我歸亦駭人聽聞。不如嫁若。且樁在。以瘞汝母何如。郭喜。負母屍出。女瞰其行遠。亦覘路歸。甫入邨。見劉生白衣冠籠燭攜紙錢。蓋將赴女墓哭奠者。女大呼曰。劉郎劉郎。妾生矣。生聞聲。慙絕曰。此父母所爲。母怨小生。女曰。妾眞復生。非來報怨。生唾曰。世上豈有反魂者。女前攬生衣。生急奪狂奔。女隨之哀喚。不應。抵家闔雙扉。告父曰。盈屍爲厲。言已手指外。不復語。翁聞剝啄聲。遽於窗隙發火槍擊之。時田

二傲巡邨外。聞槍聲。疑爲盜。奔見女屍。叩生戶。翁詈之。田曰。若以火槍傷人。尚詈我耶。生出視。果有形質。益哭。不暇趨審。田遣夥報邑宰。以蘆簾覆屍。生父子皆遯。田入肆。取酒酣飲。恐走屍。以白梘置簾側。不覺沈醉。倚酒甕眠。鄔氏故收生媪也。從邨外歸。過門見子臥。搖之。田張目舉梘迎擊。應手斃。曳置簾下。反復飲。醉復眠。天明。邑宰呵殿來。伍伯揭簾。報曰。頂顛骨裂。木器傷。非火槍也。鄰人近覘之。曰。此田鄔氏也。喚田二。則猶在醉鄉。宰怒。笞之始醒。述劉翁火槍傷人狀。述屍走梘擊狀。命視之母也。大哭。殷氏鄰告母子不見。室空無人。門內有血蹟。請驗。宰駭詫。見析子鋪杪。荷殺酒花燭笑而來。執之。肩血面土。詰其母何往。戰栗不語。忽張窻。攜女來告女復生。斂物被盜。請驗。扣之。則殷氏屍在焉。訊女直陳所以。畏郭強暴。故以樗餌之。劉翁發槍。一震而仆。夜半甦。掀簾歸家。實未死也。張劉兩叟。乃憬然悟。共述鄔殷兩媪語。毀昏之由。於是觀者千餘人。莫不

吐舌。宰曰。孽報不爽。二子皆誤殺母。無可詳辨。杖斃之何如。眾曰。善。遂斃杖下。眾前請曰。里號連柯。美人復活。不圖真有其事。兩家已毀。欲乞宰官玉成之。宰命取郭花燭。親爲劉生簪花。鼓樂鹵簿到門。觀行合巹禮而後反。

雪裏藥本事

北里非相攸之地。句闌無完節之姝。然有未可以一概論者。京師來一女。嫖妙妖冶。攜一媪一婢。賃大宅居。自云十五歲矣。問其氏曰。薛。名曰儷。莊人以游詞。攘右臂露守宮砂。曰。幼時本師所點。不能爲夜度孃也。曰。若是。則擅場吟詠如卿家洪度乎。曰。非所長也。曰。妙。女工如鍼神乎。曰。妾病未能也。然則來此奚爲。女呼婢捧甕。出度六骸。供几中央。曰。妾非倚門。實則求耦。亦本師命也。來者以白金十兩作孤注。無論老少妍媸。但一擲六緋者嫁之。無食言。然十金僅一擲。欲復者再輸金。毋吝財也。衆曰。妙哉。是真搖錢之異樹矣。競出白糶。博竟日。

皆敗北去。遠近譁噪曰。狡哉是女。蕩子愚矣。然次其色者。日十百至。因其姓。戲以諧聲。字呼爲雪裏蕤云。一日。某公子囊巨金來。十擲輒鞭。最後已五緋。其一旋颶不定。公子大聲拍手曰。紅呼未畢。骰定仍盧也。女色艷而氣雄。客來略寒。隨卽呼博。博已卽下逐客令。不少逗留。公子恚。嗾無賴十數輩至。女已審其意。金入囊。卽揮手令去。無賴譁而前。曰。博場尙有酒。爲吾輩解饑渴。何物粉兒。如是冷淡耶。羣起欲毆。女纖指略拂。羣仆庭外數十步。呼婢出。榼楚撻之。踞謝始已。後至者知女勇。無敢侮者。踰年。不歌一闕。不一嘖笑。而囊中盈三萬矣。偶語客曰。曩得采。但娶吾身。今并得吾金。何樂不爲。於是門前車馬益道。西江李生維嶽（崇）世家子也。落魄春明。爲人傭書。得十金。將出都投戚某。同鄉某繩之曰。子知此間有雪裏蕤乎。曰不知也。乃告所以。曰曷拌與一擲。勝則得佳耦。作富家翁。負則投戚可也。生從之往。女見生貌清儁而衣襤。樓心憐之。曰此非

樗蒲戲也。觀于十金良不易。曷鄭重。生笑曰。卿何小覷人。窮措大豈以千金場首喪氣乎。氣壯辭雄。已令佳人心折。及揮手一擲。座客圍視失色。骰盤果成軍花。六子皆赤矣。女頤指左顧。媼婢噉應。門階庭廡。張燈懸采。豔靚帖地。水陸雜進。婢引生沐浴更衣。女華壯出交拜。同鄉某爲僮贊焉。客去歸洞房。女略詢家世。擗臂示生。以唾拭之不去。生曰。皮相者疑卿爲章臺柳。誤矣。明日視臂。紅褪如洗。生旋連捷春秋闈。出宰閩中。生不攜僮從。女與媼婢均易男子裝。短後曼胡。四騎南下。經山東。卒響馬賊嘯呼至。生慄幾墜韉。女命媼婢護生。已則縱轡而前。發連珠彈丸。如秋風吹籜。賊披靡無一生者。生驚服其神勇。女笑曰。郎尙藐視巾幗邪。抵閩不半載。髮逆豸突。圍生邑。女麾衆登城固守。乞援大府。牘屢上不至。蓋驛路已梗也。至夕。女以大觴勸生醕。生憂懷不納。女笑曰。事至此。不飲能不死乎。生沈酣伏臥。女復更男裝。裂布數十丈。縛生於背。左執劍。右握藤

牌。集鄉團告之曰。事急矣。吾負使君往乞援。三日可反。慎守城勿怠也。開關出賊環擊之。女且行且擊。斬數十賊。而出重圍。邑距省二百里。至甫卓午。入館舍。解背上良人。視之殘醉。猶未醒也。同謁中丞。允予兵數百。女立生後。曰。必千人始可。且必某營。某自擇之。不入選者無往。中丞驚。斥爲誰。生詭以僕對。且言其勇。如其言。得千人。往閩縣。某令假精騎二。某見女。戲生曰。明府當此大敵。尙挈鄭櫻桃邪。生正色曰。山荆也。令駭極。令夫人出。延入後堂飯之。卽率衆往。賊正環攻雉堞。縱擊之。戰一晝夜。斬馘無算。中丞上其功。超擢知府。女封夫人。佐生治獄。稱神明。惟不禁女閩。枇把門巷。城廂數十家。偶出則鸞鷺燕奉。漿匭。踞中衢。祝夫人壽者。以千百計。未考滿。勸生解組歸。外史曰。野菜譜。四明有菜名雪裏蕪。雪深諸菜凍損。此菜獨青。蓋卽芥類。辛品也。薛巧於相夫。勇於殺賊。桃李其容。薑桂其性。信不負此名哉。或謂李守庸奴。幾生修到。得此佳人。其實畢

生醉臥背上未醒耳。予謂能從薛言。急流勇退。逍搖林下。假守白頭。世何可多得哉。

雙仙庵本事

楊州董韶字梅伴。美男子也。以神童補博士弟子員。擇配甚苛。每云娶婦須無俗韻。若鳩鵲。紫宵。鰥耳。果得可人。不以門第限。一時議皆輒少許可。父晟鍾愛之。亦不忍拂。時草賊劉青海蠢動。郡邑團防。膠庠子弟佔畢暇亦習武。生尤冠其儕。一日有關中戈老夫婦攜一女來。善都盧木槿戲。女名谷香。貌姚冶。能織足繩上行。往來顛倒。變幻雜出。觀者如堵牆。谷香人叢中見生。凝睇不忍去。生亦愛其美。駐足焉。時漱思飲。女於百步外擲櫻桃入生口。屢擲屢中。如彈無虛發。戲畢人散。女操生衣。問姓氏居址。又以繡帕裹櫻桃百數。贈生。次日有詣晟曰。戈安愛耶。英俊。願以谷香奉箕帚。晟卻之。生不知也。越數日。戈於近邨

誅茅築臺。施錦步障。金碧陸離。揚言曰。吾爲女擇壻。歷數行省矣。不願與紈袴兒。今與諸君約。不計家世。但登臺與吾女一角拳勇。勝者嫁之。無食言。每晨鼓吹畢。女豔妝登場。邨中少年。旣次其美。又惡其夸。魚貫上。甫交手。如片瓦高處擲下。數日無勝者。生偕同硯來。憚其鷲猛。不敢角。衆憇憇之。乃結束躍登。鬥數十合。女翹蓮柎。作天女散花舞。生乘隙。捉足一擲。女仆百步外。翁媪拍掌曰。眞吾壻也。卽盛服詣晁家。晁猶不欲。邨父老豔其事。咸贊成之。須臾鼓樂雷動。綵輿到門。健兒十數人。運奩極夥。呼生出。交拜成禮。堂上設華筵。若宿構者。翁媪語晁曰。小女雖陋。資遣亦薄。尙不辱葭葦否。晁稱謝。酒三行。從者踞白雙衛來矣。卽起辭。晁挽留問何之。曰。愚夫婦僕僕風塵。逢場作戲。爲小妮子耳。今得所歸。從此浪跡天涯了。吾事耳。女與生泣送諸門。各跨一衛。瞬息僕從都杳。羣駭爲劍仙。以詰女。女亦不言。入視洞房。窮極壯麗。亦不知何以卒辨也。女事翁姑。

甚孝。伉儷甚竺。賊由西山來。邨人欲徙避裏下河。女不可。匿翁姑曲室。屬生率鄰人伏諸隘。云見燈光。卽起捉賊。女華妝立邨口。賊麤至。招之以手。賊奔入。則如萬壑千巖。縈迴百折。迷不得徑。瞥見女手紗燈。曰。隨吾來。當得出。賊崩角環叩。隨之十數步。入伏中。燈益明。伏者盡起。咸就禽。生後登第。翁媪卒不至。女建祠肖像祀之。榜曰雙仙龕。

香鳥緣本事

邨上蹇太史。少有璧人之目。才兼文武。尤工距躍。數仞之牆。聳身直上。著瓦無聲。古之堯廟。踢壁橫行七步。不足異也。家窶未媵。發解甫弱冠。饜賈爭鬻之。伊氏富甲羣商。長女曰若蘭。次曰若燕。一妹嬾冷氏。亦生二女。曰豔雪。曰絳雪。而釐歸於伊氏。伊傾慕蹇。欲以若蘭妻之。蹇亦耳其媠。顧以未見疑之。一日小步城闌。遙見紅樓一角。出於林杪。知爲園亭。門扉半掩。入之。白沙文石。草葦如茵。

至一樓下。中室陳設瓌麗。古鼎大於五石瓠。翠文斑駁。篆識模糊。內一嬰白如雪。抱緋桃作噉狀。蓋雕玉而成。桃則純翡翠也。水精瓶中插珊瑚樹。高七八尺。葉綴大珠如雞卵。光勝然燭。闔室通明。四壁書畫。皆唐宋名筆。無元明人。左室繡簾文疏。似是臥房。輕掀而入。室中珍異尤夥。鏡籙衣笥。充牣無數。倚牆繡帷高捲。珠綴金鈎。帷內紫楸繡榻一。雕鏤花卉禽魚。栩栩生動。幾類鬼工。海紅帳沈沈低垂。有嬌喘呼息聲。榻前朱几。皮繡履一雙。尖小瘦削。翹翹如解結。以指度之。不盈三寸。刺繡刻畫。花樣精工。戲取其一。懷之而出。池中駕紅板橋。過之。曲折數十武。花木參差。又一堂宇。四面雕闌。門內有數女子聲。伏牕格闕之。東西兩女郎相對倚几坐。一翫髻者面北。成蛾眉皓齒。秀曼若仙。相與作葉子戲。豔婢數人侍側。面西者忽曰。舅父忒下氣。蹇解元辭大姊昏。何必宛轉鬻之。面東者曰。昨夜聞始語。似以大姊與妹最友愛。不忍離卻。欲效英皇故事。不知蹇

解元幾生修到。垂髻者笑曰。二姊三姊。但知其半。阿母知儂姊妹耳鬢厮磨。欲
詠四美具。何物養解元。竟以齊大非耦見卻。世間有此癡郎。無怪堂上惱羞成
怒。聞今早瀟梅花院長執柯。解元其都講生。或不至固辭矣。一雛婢笑曰。奴揣
蹇解元必扇半據。否則無論小姊四人。世間少儂。卽如荅香姊。蓮香姊。蕙香姊
才貌。亦堪作夫人。看渠何福消受。言未已。衣褪紅衫者亦笑曰。芸香妹子是何
言。儂三人何足道。妹子嬌小婀娜。韻語談鋒。一時無兩。擲果郎亦當拜倒石榴
裙下。面記者顧而笑曰。諸妮子無心門口。屬垣有耳。傳之蹇解元。不爲孝柄耶。
四婢齊聲曰。小姊所言。獨不慮蹇解元聞耶。三美相與胡盧。俄聞簾響。咸云大
姊酒醒。海棠睡起矣。蹇躡足過西廂。階砌又有蓮鳥三雙。似暴秋陽未收者。頰
視之。皆瘦不盈握。與懷中埒。顛綴明珠如菽。底實香屑。若麝若蘭。又各拾其一。
循舊徑。覘門不得。一躍踰垣而出。詢之路人。卽伊氏園。知四女皆傾國姝也。次

日。院長招之往。一語首肯。諛吉贅諸伊。以別業爲青廬。卻扇之夕。履始反壁焉。四鬟亦充下陳。最寵者芸香。

玉蕩珮本事

宣化邢生。以貧慕游。嘗從居。停入都。宿腰站。瓦檠阮火。相對寡歡。居停曰。此間鶯蟻巢壩。不嫌鄙俚。當招侑尊。生笑曰。可。須與粗釵膩粉。環珮滿前。就中翹楚。曰。樊雪喬者。年十七。能吹玉簫。能歌吳歛。羣雌爭媚。居停而雪獨流盼。邢不置耳語曰。君貴人也。生笑謝不語。又潛摻生。與以纖指。擣漚。於生掌中。書宿字。生益傾倒。幾不自持。搗陳喧嘩。店雞唱曙。輿夫催上羸車。惛然睡去。醒而覺有物。繫腰。摸索視之。一紅巾。綰白玉珮。鏤作同心片。蕩始悟。昨夕假倚時。雪潛繫之也。越二年。兵事起。投某帥營。始充文案。倚馬千言。帥本不識漢文。詫爲奇才。旋充營務處。以功。索擢知府。需次漸江。中丞某風雅士。亦賞其才。令人覲行。

守大郡。生以阮囊羞澀對。中丞曰。京饌十萬。君領解可也。驅車北上。重宿腰站。置銀鞵中室。幾滿。生下榻東箱。已笑問主人曰。此間有樊雪喬。尙在否。主人未及答。而玉人已翩然入。著芙蓉葛衫。緋履翠裾。鬢簪末利。夜來香。薄施粉脂。含笑俠拜。睨果意中人。曰。雪纓較前年相見尤豔絕。雪曰。刑郎果貴人矣。攜手入座。出玉瀉示之。雪笑而佩之於襟。解襦入幃。爲歡未澀。聞中室鞵鹿盧作響。乃羸而起。雪亦粉紅紗襯。絳袂宵。秉燭共覘之。見鞵失位置。旋礙地上。雪跨之一。一殆徧響始寂。回東箱再眠。恣情蕩冶。早起。欲出金脫其籍。雪曰。不可。郎初隸仕版。轉饌入都。迺大事。奈何以妾故。索耶。此間南北通衢。多邪術盜財者。卽請遣進。邪不得已。登輿別。抵都。以牒投戶部。驗收。斧鞵。銀如故。地多黃紙硃書符。一通。駭問何來。邪直陳前事。大司農笑曰。雪喬功不可負也。脫失帑。不但削職。且須備償留緝。行路之難。良可怖也。引見遣行。重訪雪喬。則爲沙吒利劫。

去久矣。憫憫南行。過邗江。太守爲葭李戚。留官閣。一日聞庭訊大小婦訟。屏後窺之。小婦卽喬也。蕉萃容顏。大非昔態。急書片紙與太守。訊大婦數語。斥之下。問雪喬墜落之由。曰兒曾與邢太守有割臂盟。搗貪金賄。粥某營官。未半歲。從軍去。大婦悍大容。蜚語搆訟至此。太守復召大婦。旣不容。盍遣之。大婦稱善去。邢遂挈雪偕之浙。妻早逝。雪遂爲淑人。苦不脛。爲邢寘數餅。生子三。邢守郡待幕下客最優。有從北里游者不問。雪亦勸母禁旬闌。有惡鵠凌虐粉騰者。必痛懲之。脫其籍。任擇所歸。

浣花箋本事

吳門黎生明字哉生。不羈士也。才華冠世。風貌動人。年二十未昏。里中桂氏女名月觚。生而妍麗。戚里戲之曰賽婦娥。父母早逝。依姨氏居。年十七矣。偶立門前。生目逆而艷之。歸倩媒妁。而姨貧之。拒不允。生病奄奄。獨臥荒齋。餐飲都廢。

從兄某走瞰。怪之。問所繇。生直陳。乞代畫策。兄云某姨何其忍也。雖然亦當瞰。月瓜果屬意吾弟否。時有媒名張畫眉者。善辭令。故名。兄招之來。授意使往。張至姨家。姨迎謂曰。畫眉爲黎家郎來作說客邪。張笑曰。窮措大直得繲一世。誰耐煩與若糾纏。婆子來送花樣與月姑耳。視女睡未起。曰。姑孃忒嬌惰。日上三竿。尙壓繡衾邪。女頻蹙曰。日來小劌。慵未起牀。非孃也。張軟語移時。亦道黎病。女不語。張又言之。女曰。黎郎怨我邪。張極言黎相思之苦。女曰。渠曷不倩姥再來。張曰。慮姨曠耳。女默良久。拾枕畔一浣花箋。乞寄黎。張歸示生。讀之。詠月舊句也。云誰向銀灣浣絳紗。廣寒宮殿鎖瓊霞。常儀不是無情者。夜照人間並蒂花。生告從兄。兄以繩姨氏夫某。曰。世有才貌如黎哉。生而長貧賤者乎。某首肯。昏議始成。旋迎娶。定情之夕。恩戀百端。次年生以拔萃。朝考。銓授上元教諭。署鄰梵刹。一老尼焚修。普門大士成道日。女輿往拈香。老尼出苾芻款之。方舉

箸。佛婆入報曰。制臺夫人隨喜來此。老尼出迎。女避側謬。夫人禮佛。勅令僮從候外箱。一婢導入禪室。見几上兩匕箸。卻步欲出。老尼白曰。適東鄰黎教官室來此。留茶話小食。夫人來。未及收拾耳。曰。孺人何往。教諭妻有同寮之誼。曷邀之來。老尼拉之出。歛衽下拜。夫人挽之起。如一樹海棠。亭亭玉立。夫人攜其腕。端相久之。曰。是非外間所傳。養婦娥者邪。尼曰。然。曰。名下果無虛美。卽命並坐。女遜謝曰。夫人前禮合侍立。夫人笑曰。官場俗套。我輩閨閣。烏用是邪。堅命之坐。僮賞不已。問廣文年若干矣。曰。二十三。長奴三歲。曰。如此英才。奈何屈就冷宦。女唯唯。夫人太息曰。老身忝封一品。刳前二子二媳。尙不惡。少掌珠。當白氏金鑿。惜又委化。遺釵贖桂。覩之尙酸楚也。揮淚不已。尼曰。黎孺人少孤。夫人若不棄。曷收作螟蛉。夫人笑曰。老身何可當也。女已盈盈下拜呼孃。夫人大喜。擁之懷。褪臂上金條脫代束之。珍重而別。女歸署。生已醉眠。晨起。方欲語以

昨事。而江寧學官某折簡招游陶谷。女方理妝。闈報制臺夫人遣媼婢僉從來迎。媼入白夫人。昨語制軍晨起。命後堂然兩椽燭。遣奴來迓小姊。勿延。女更命服。攜婢登輿。詣節署。入後堂。制軍偕夫人被馘此佩。立中堂。女欲下拜。制軍止之曰。須壻來同行禮。遣材官四出覘黎教官。時生方與同人飲盃山餘霞閣。材官偵至。速之行。問何公事。曰不知。策馬隨之。詣署欲入官廳。方悟子身來。無僕并忘手版。闈傳語曰。請至後堂。闈復傳語曰。進。歷四重屏風洞開。制軍與夫人均公服立。趨趨不前。薨見女立於旁。益駭。女趨告所以。生迺攝衣登堂。中設兩座。制軍與夫人耦坐。生偕女下拜。夫人笑曰。好箇佳兒。佳壻。惜壻官太卑耳。制軍笑曰。徐之。好官。偈人來也。兩公子夫婦亦出相見。鼓樂雜奏。水陸燕衍。至夕始辭出。至學署。則中庭箱篋充物。幾無插足。問何來。曰夫人送來妝奩也。年餘以生才登啟事。擢知縣。旋遷安徽知府。瀕行。夫人贈千金。女以百金予尼。令建

大士閣爲夫人祝百歲。踰年。觀察浙東。江山船中。女校書曰儵娟者。女一見大愛之。出金脫其籍。解任寓杭州。娟入門。周視堂廡。一日白女曰。夫人視娟如女。娟無以報。宅有藏金。曷發之。拊之果大獲。娟故某大姓婢。親見多藏。髮逆陷杭。家人星散。娟爲人掠。粥九姓。斂舟。今來舊宅。故知之。浙中工倚聲者。爲譜金釧緣傳奇。未梓行。予未之見。爲別頭此。

七寶鞭本事

司徒詵字相人。小字如意。晉人。父勳。以乙科宰閩。卒官。宦橐蕭然。不能扶匱歸。權建邑之東山。謁上官及舊同僚。咸白眼眎之。年餘落魄。聞父有門下士傅萇。詩者。受植重且久。商呂宋爲富人。不得已。拊海船往謁之。至則投刺。三而不見。閤傳語云。主人已於前月罷肆歸廈門矣。偶步郊衢。見有華衣駿馬。攜美四人。並轡出遊。詢諸塗人。則云傅與女及三姬人也。怒氣填膺。遽諍其名而數之曰。

傳貧詩何負師恩若是。傳攬轡笑曰。若言大謬。予僅一面若翁。何恩之有。揚鞭去。詵回逆旅。慟不欲生。主人驚訊其姓氏。瞿然曰。恩官子耶。我縣民王甲也。曾爲竊。官杖我。改行業此。得逢公子。幸也。請爲東道主。詵曰。君猶記當日杖痕乎。傳且背義。君益當讎我矣。甲曰。未杖爲竊。杖卽爲民。德官不暇。敢讎公子耶。詵迺暫居其邸。而鬱鬱不樂。甲云。東郊沙壩。迺外國女子戲馬處。中有粲者。華地所無。公子曷往陶寫乎。翼日至其地。廣場數十畝。細莎布埒。芳草羅畦。千騎駢馳。萬花飛舞。四周觀者。華西半之。詵立儔人中。俊目流盼。雖布衣了鳥。而朗如玉山。幾若雞羣之鶴。忽一隊馳至。皆二八嬌嬈。擁一最豔者。蛾眉盛鬢。爲中華妝。插鏡雙翹。纖如蓮角。尤目所未睹。女於人叢中見公子。星眸凝注。控轡般旋。呼一婢下耳語。卽有鬘髮奴詣公子。作華言婉訊蹤蹟。公子略語之。奴趨近繡鞍。垂手鉤鞚。不知作何語。女子櫻唇微粲。與奴數言。整隊合圍而去。公子欲歸。

奴堅請隨喜。旋又一鬢來。以策授生。強使登騎。鞭以珊瑚爲柄。雜鍍火齊明珠。諸物蓋卽女所執者。少頃。達一處。畫樓三層。登其顛。帖地錦裯。繡幄。鏤壁。異香。裊鼎。鐘聲鏗牆。一美女坐榻上。諸婢環立。卽所見馬上最豔者也。年可十五六。見公子至。起立拉使並肩。一婢以五尺許大鏡至。俛而端相。熨帖萬狀。眞一雙璧人也。女笑命婢引生浴。至曲房。杼沃蘭湯。塗以香澤。起索舊衣。則別一婢。捧新衣棍與之。更著。非羅非縠。輕滑溫柔。且修短合度。一似稱體。剪裁者。導之別室。女盛妝出。與公子交拜成禮。然後張醺。促釵並坐。殺烝雜進。笙管迭陳。女每舉觴。必飲公子以半。而後自酌。每執匕。必噉公子以半。而後自啖。公子不勝栢酌。玉山頹然。女曰。人云中華多俊男。美如公子者。殆不可復覩。公子頰首枕女。鄰女顧婢云。郎君醉矣。曷寢乎。卽有三四嬌鬟。扶入內闈。女卸妝。解衣入幃。曲相燕婉。枕上各詢游蹤。公子具告之。女曰。循吏兒郎。宜有豔福。自言爲占城國。

相鄭女。父母皆華人。故幼習華語。讀華書。所以揚給游歷者。非我族類。不堪匹耦。來遠求無價寶耳。天幸。儂得美夫。郎得美婦。於願足矣。雞再唱。公子口渴。思茗。帳外婢以玉杯進。呷而甘之。微苦。蓋燙飲也。戲吐餘瀝。以飲女。女以鸚舌舐入口中。又乘之。質明與給奉殷勤。晨餐畢。攜手倚樓畔。瓊窗笑指沙壩曰。此卿試馬臺耶。女亦粲然。由是日坐香閨。賦詩飲酒爲樂。諸婢中最麗者二。曰宜春。曰宜喜。蹈隙與生狎。女聽其所爲。數月後。宜春潛告公子曰。孃子昨得國書。似有悲態。且頰怒。不知何事。郎可潛詢之。恐不自唱柳枝矣。公子聞。悲不自勝。果見女督婢屏當笥篋。終日不遑。公子詰其故。女泣下曰。與郎好合。耳鬢厮偎。不圖老父書來。國有獬寇。妾少通兵略。兼擅技擊。促令歸國。內外夾攻。庶殲敵而保國。事定當重晤也。公子亦泣下。春喜更涕不能仰。女抱公子於懷。以頰偎面。拭淚曰。郎勿過悲。自奉巾櫛。姪三月矣。宜春智勇。妾不能離。當留宜春侍郎。相

見不遠。何自苦也。公子聞言收涕。女袖出一象牙小圓奩授宜喜。曰：持此與郎同返廈門相待可也。旋見螻髮奴跪階下。曰：舟師已備。請卽褫牙。女更戎裝。與公子交拜。攜手出。駢騎達海壖。則戈船林立。旂旛如雲。不下數百艘。女攜公子登最巨者。四顧謂公子曰：託郎福。以此軍殺賊。庶早相見。郎請歸。千萬珍重。妾開帆西下矣。公子甫登岸。礮聲殷天。輪飛若翼。片時已遠。癡立凝視。繡旗下女猶回顧。以睨拭淚也。歸與宜喜仍返逆旅。甲大驚曰：公子何往。詢夏而秋。絜吾尋欲死。公子詳告之。甲大喜。次日。宜喜出牙。授公子。同至廈門一肆。司事者出問。喜曰：此司徒如意郎君。自占城來。旬當公事。出。示之。其人立呼同事五六十人。僮奴百餘。鵠立階下。擁公子與宜喜坐聽事。一一跪拜。獻簿籍尺餘。云：此肆成本合子金。凡一百六十餘萬。乞公子主裁。公子命一切如舊。蓋女家有三大肆。二在古城。一在廈門。女脂粉香奩也。月餘。啟父。歸葬於晉。行營高。

敵往反萬里。宜喜從之。如鷓比翼焉。歸肆。則甲以四麗人進。云傳貧詩爲海盜劫。舉家星散。其女與三姬人爲奸人略賣。以千金購之來。公子拒不納。曰子亦淺之乎。視吾矣。負心人女。可薦寢哉。宜喜固勸納之。俄聞至息入。白占城船返。公子大喜。與宜喜出迎。則女偕宜春含笑入。曰幸不辱命。歸與老父盛師夾擊。殺賊無算。無隻輪逸者。乳媪抱嬰兒。面目如畫。女指謂公子曰。寇平後數月。舉雙雛。父母珍之。留其一。約試晬來易。笑語間。傳女率三姬叩首。女詰知其故。曰是合侍郎君。妾與二宜并此。非七寶乎。前之贈策。迺佳讖也。公子自此讀書。以閩籍秋捷。明歲成進士。乞假歸。與女廝守。不復出。後與六姬人生子女十餘人。爲榕城巨戴焉。

珍珠厝本事

京師西山之隈。有桃花庵。爲元天魔禪院故址。住持女冠曰衛頤。字碩姝。本中

荆名校書。西賈某以千金醫得之。願工內媚。不一年。賈斃。席捲其產。歸觀察某。宦秦中數年。某耽採戰。不問官事。苞苴出納。皆願主之。私橐不下二十萬金。某又斃。願輦囊入都。論者謂添香紅袖。何殊操刃綠林。願懼。不敢以色身示人。偶遊西山。至院舊址。徘徊瞻眺。境絕人寰。以數百金購之。廣營樓閣。數月落成。劇後圃。得銅鑄歡喜佛十六。土花鏽澀。磨洗出之。刻畫秘戲。姿態如生。大喜。供奉繡闈。以重值購貧家女。掠髮裹足。傅粉熏香。教之詩琴歌舞。均極擅場。曰珠芬。曰霞娛。曰香腹者。色藝尤妙。願年雖三十。素習內視。裝飾類雛姬。望之猶二八姝也。願恃才貌。又金多。不屑學句。闌行徑。都人耳其豔。思一親薈澤者。斥不使近。欲得年少貴官事之。會三晉大無道。殪相望。聞之起曰。儂事濟矣。挾金往振。糜十萬金。有穉女鬻身者。視眉目端好。盡購以歸。數月後化媼爲妍。微步纖腰。環佩滿室。院宇繚曲。花木明瑟。入其中。雕奩繡幄。名畫法書。布置雅而豔。真慾

海之珠叢。藏嬌之膩極焉。時滇南鐵孝廉。弱冠計偕。聞其名。於廠肆得珍珠。一雙。鏤繡工絕。相傳籍沒。權要閨中物。并陰以一絕。云誰把明珠。煖玉纏。軟鈎香。博美人憐。鳳窩。妮夜真無價。不數潘家步步蓮。願覽詩。笑曰。句佳矣。未識貌如之否。相見則顧影少年。大喜。留飲。酒酣。跣而試鳥。無綵。黍差。益大喜。曰。真有用郎君也。定情好合。如獲璧人。卅月。諸弟子次第薦寢。榜發。登第。偕願挾賞。攜諸美歸。不復出焉。

蓮塘隱本事

鐙謎北方曰鐙虎。南曰社。卽古之隱。濫觴於中郎之題曹娥碑。前明有刻爲成書。曰謎社便覽。賀從善編者曰。千文虎。其敘云。東坡山谷少游介甫以謎字相倡和。刊集四冊曰文戲。金章宗好之。選蜀人楊圃祥爲首。編曰百斛珠。元至正間。省椽朱士凱編揆敘萬類。四明張小山太原喬元吉古瀾鍾繼先錢唐王日

華徐景祥編包羅天地。而其書皆不傳。若珠湖容之姊在廚房做鞦花。射俗語。鍋邊綉。十二年無能破者。其實庸劣。綉音透。集韻吳俗謂絲一斤爲綉。正字通。繡俗作綉。非。其字應作繡。集韻鐵生衣也。維揚田鳧侶葉猗春日上冢。歸經蓮塘。忽見一家門懸白紗燈。雛鬟手小紅箋。篆文曰蓮塘春社。藉遣閒情。射則鼓應。否則無聲。田夙嗜此。問婢曰誰製燈謎。有贈彩否。婢曰吾家郁氏大姑嬾華手筆。香囊紈扇。未嘗無持贈也。旋門內鶯聲曰翠玕來。婢慙慙箋入。燈光搖搖。滿素壁矣。田歸。邀同好樓觀軒許蓉生偕至。則門外環立數邨學究。瞑目負手構思。報者紛紛。田仰視樓西露臺。一美女子年十六七。著桃紅縣紗短襦。碧玉素羅裙。兩鬢簪杏花一枝。間以柳穗。裙露蓮瓣。銳如筍芽。坐斑竹几。列檠燭二。嬌婢侍左右。一卽貼箋者。一稍長。娟好相伯仲。左司鼓杖。右手紙條。燈上三。面箋滿。小楷簪花。曰和靖觀梅。客路逢君又送君。有人曾笑老聃來。夜來風雨。

聲。花落知多少。晉書似史漢。履霜。皆易一句。曰空屋二所。衣料兩件。髮光可鑑。鎖封。皆書一句。曰禁止呼盧。強盜搭賊船。皆詩一句。鳧侶曰。夜來二句。是否中心疑者其辭枝。女應聲稱是。靚軒曰。空屋衣料二句。是五服三就五宅三居。蓉生曰。強盜句是匪載匪來。婢應曰是。影贈皆文房佳玩。新刻詩詞。旋易一鐙。曰鴉背夕陽多。屑瓊糜以爲糗。緩帶格。曲有誤周郎顧。皆禮記一句。靚軒曰。此必日在翼服赤玉瑜不掩瑕也。鼓聲連擊。贈物雜飛。曰朕將全樹借汝樓。立雪格。春秋一句。牛一。國策一句。靚軒又曰。是許遷於葉生王之頭否。鼓方作。鳧侶曰。獨對春風轉厚顏。是狀有愧色。蓉生曰。此錢文敏句也。作者妙。猜者更妙。笑語間。人叢中有問者曰。髭彼兩髻。戲名一。是雙剪髮否。又一人曰。仲弓。左傳一。是次於伯牛否。蓉生曰。食於有喪者之側。是見靈輒餓。綠楊宜作兩家春。是公室之枝葉也。鳧侶曰。荷屋當是舍於夫渠。蓉生曰。四書其凶無比。當是暴

未有以對也。開門揖盜。當是今願竊有請也。臧侶又曰。過復亭前。餓鬼多。當是蓋自是臺無餽也。靚軒曰。此劉金門侍郎近事。何閨閣中已知之。問曰。失一次之。當是韻目十九效。乏當是史記反之。正。福晉當是爾雅夫王。尙書歸隱。當是詩品紅杏在林。蓉生問曰。樊遲未達。文選當是須富貴何時。齋必變食。當是不取諸辛。靚軒又曰。跋左人。當是燭之武。曾子果能默契其旨。故應之速而無疑也。洎人。當是魯達。攀攀左人。當是林楚。一甲一當是里析。一榜盡賜及第。當是胥甲。傍一人曰。並蒂蓮。無力薔薇。臥晚風。左人當是華耦華弱。婢皆應曰。是。臧侶問蓉生曰。向重華而陳辭。古人名當有舜字。許未及答。臧侶曰。或是絮舜否。女嬃首向田微。晒曰。是。又易一燈。靚軒甫覽。卽曰。斤斤是旣破我斧。又缺我斨。幾曾昏暮乞憐。是夜未央。左右修竹六才二句。是一個這壁。一個那壁。鬻毛詩一句。是鳥覆寒冰。蓉生鼓掌曰。猜燈謎亦須通說文。毋怪今之名士制藝滿。

篇寫小篆矣。靚軒曰：不知許事。且食蛤蜊。南元當是。又是一個文章魁首。獨且當是一個是士女班頭。傍一人曰：南元是薛福辰。靚軒大笑。蓉生曰：然則元且當卽是此二句矣。鳧侶笑曰：二君角勝。容弟猜一二乎。樓許略讓田前立。因問曰：且向百花頭上開。當是曾元。一舉登科日。雙親未老時。當是中有慶也。蓉生曰：可謂善頌善禱。君來年必射策第一矣。猜未及半。忽易其籤。紅箋一紙。大書曰：可妻也。古人名一。笑將紅袖遮銀燭。不放檀郎夜讀書。古人名二。翠方疑訝。而女郎及二婢已下露臺去。題下皆不注何彩。蓉生曰：是殆以隱語作憲修乎。靚軒與余已有室。此謎宜讓鳧侶。鳧侶曰：可妻也。當是許攸。無甚深義。元詞二句頗有意。古人二。殆息夫躬與沮誦乎。二人又鼓掌大笑曰：是矣是矣。樓上下鼓聲大作。門砰然開。燭炬千百。鼓樂簷相廝養數十人。擁一少年華衣冠。牽田臂。肅樓許至廳事。展問姓氏里居。曰：家姊待字閨中。自幼好隱。昨夢仙人授以

二謎。曰中者汝壻。萬不可錯過。故有此舉。不意君果中。是天予嘉耦也。敢屈二君爲蹇修。卽夕成禮。田大喜過望。樓許更懲。與之。遂贅其家。長婢名翠。曾金氏。玕其妹也。香閨倡和。兩媵附之。有集數卷。名曰蓮塘隱語。樓叙而許跋焉。

黑牡丹本事

中州孫樂字又陽。世家子也。至樂中落。囊筆四方。年二十餘。尙未室。館維揚。賈程氏。主賓極相得。一日有老婦乞食。邨中病卒。程予隙地。瘞之。生亦以束修。一縵助棺。竈婦遺一女。自云胡氏。年十八矣。眉目婉麗。敝衣百結。青鞵垢裂。雙趾甚纖。而肌髮黝黝。人皆憎之。瘞媪畢。向程與生泥首。曰兒孤且陋。異鄉人將焉歸。生憐之。謂程曰。君家何惜一盃閒粥飯。參此孤雛。程諾。卽令漱濯。更粗布衣。雜傭媪操作。炊爨提汲。頗勤。名之曰黑牡丹。生忽病痺。僵臥牀榻。飲食便溲。輾轉需人。程知生無家。曰君如不嫌。請以牡丹侍疾。貌寢姑恕之。生以爲可。曰

聊勝無也。程命移榻生旁。藥餌茶湯。安排尙妥。然性慙拙。夜索虎子。失手溺流。衾裯皆濡。生忍之。一夕奉生茶。又碎。生之定審。拂拭几案。復碎。生家傳香姜。視。女懼請罪。生不怒。反慰之曰。物之存殫。有數存焉。汝何穀觶。如是月餘。女忽對生曰。實告君。妾狐女也。母尸解去。命留報德。前者無狀。陽試君耳。感君包容。敢再相稟。君試回顧。生略轉首。則一絕代麗。含睇宜笑。拈帶侍側。玉立亭亭。生大驚。曰。書生窮骨頭。不足飽仙人腹。女笑曰。妾待母游戲人間。滿眼皆俗子。無長厚如郎者。前作無鹽。藉眯俗目。今呈真面。聊報大恩。生驚且喜。曰。媼化爲妍。東人駭異。室中牡丹。如門外雌黃。何曰。妾有障眼術。他人見之。仍媼母耳。入夜自解羅襦。輕舒弱腕。爲生按摩。纖指所抵。病骨頓蘇。復以鞵尖抵穀道者。再曰。暖氣達丹田否。生云。奇暖。已由湧泉至少腹矣。腰以上仍痠疼。掣曳曰。是非華池水洗伐不可。乃以櫻願接生口。吐鸚舌入之。攪而十數過。腹內忽奇癢。臂

攀如失。躍起跪謝。曰：卿真起甦神技也。女笑問以何物。壽盧扁。生狎抱同衾。燕好不拒。晨起。則破磚碎硯。完好如初。問女不語。程見生疾起。曰：沈痾甫瘳。調護須人。即日爲女上頭。館之別室。生本嗜讀。夜好合而晝伊吾。先正傳稿。羅列案頭。高聲朗誦。女似厭之。閱生文。曠蹙曰：郎有厚德而乏靈心。負俊宇而少綺思。以此應試。方鑿員柄。蔑以內矣。生曰：僕身病。卿能療之。文病可奈何。曰：是非君苗。焚筆硯不可。乃購諸樂器。夜闌罷課。女彈箏。擗箏。射覆藏壚。隱語圍碁。投瓊鬥葉。女且戲且教。絕不道帖括。月餘。生漸通諸藝。女曰：可矣。夜抱生臥。顛倒驚。齋吐茹真陰。呼吸靈氣。生喉際格格有聲。唾一痰塊。大於拳。女曰：病根去矣。晨起。閱舊作。汗涔涔下。悉火之。走筆作二藝。女讀之。擊節曰：此可以掇春秋高第矣。辭程北上。厚贖之。聯捷入詞館。女玉光竟體。王次回詩所謂晝視常疑月下看。非復李家墨池孀子矣。乞假南旋。過邗江。謁程。程答之。見後艸麗人。靚妝端。

坐艷婢滿前。問新鬢誰氏。生笑曰。君以窮措太終身不發迹。捧黃臉婆兒。自稱
國風之好邪。誼屬通家。不妨出拜。侍婢軸簾。擁麗人繡繡蟒衣。盈盈出拜。謝瘞
母寄食恩者。黑牡丹也。錯愕不知措語。款諸別業。女亦詣其家。若歸寧。盤桓數
月。始反中州。生後官卿貳。淡於宦情。未四十卽歸田。年踰八十。女猶媚好。如二
十許人。相傳伉儷皆成地仙云。

雙珠記本事

秦中溫生如璧。字瑜潤。弱冠美姿製。薄游金陵。於友寓晤秦淮名妓江之嬌。字
無雙。玉貌脂膚。雪蘭同色。裙下纖趾。如出水蓮芽。品竹彈絲。賦詩作繪。無不精
妙。齒與生埒。生讀其詩。愛之。和韻書齊紈以贈。江更傾注。自繡香囊報生。由是
往來。無間昕夕。江欲委身。私出囊中五百金。曰。郎攜此去。儻膏火。妾當閉門謝
客。以待生。曰。秬卿賞不義。富貴我所自有。第遲速不可知耳。卿曷以此贖身。質

河房共棲止。室有芙蓉遠山。何愁壁立。江然其計。而搗少之時。有旗籍公子。省父來南。訪翠眠香。揮金如土。見江大昵。曰。江無雙。真無雙也。擁之專房。一月不去。生計無所出。浪游雨花臺。登高縱目。憂從中來。不覺大慟。忽有撫其肩者。曰。何悲之深也。生驚顧。則一俊字少年。收涕申謝。客曰。子之心事。僕已盡知。既愛之。何不劫之去。生曰。噫。世無古押衙久矣。奈沙叱利何。客仰天大笑。曰。井鼃不可與測海。卽有其人。子亦失之交臂。卽如僕也。俠比黃衫。義同許俊。子何輕量天下士邪。生聞言。知非常人。泥首乞姓名。客不答。第曰。某夜漏三下。可悄至玉人門外。無違。言已辭去。翼日。流言四起。云都門某宦女。爲宵人掠賣。入句闌。某公子湛溺煙花。均入臺。臣彈章。不日星使南來查辦。巷議街談。半日而徧。一夕。江與公子開宴。張鎧。淺斟低唱。忽褐衣赤幘者奔入。大聲曰。星使至矣。公子驚竄匿榻下。而鹵簿。僮從數十人。傳呼擁星使入。踞胡牀南面坐。階下手銀鑪。輒

弭者林立。星使厲聲拘搗至。拍案曰。何物淫搗。敢誘良家子爲倡邪。答之。左右按搗笞數千。血肉飛濺。又召女至。曰。汝合發官賣。江叩首自陳。與溫生有割臂盟。曰。速喚溫來。時生正了長板橋畔。聞呼卽入。星使略審視。笑曰。果嘉耦也。飭繳身價銀十五金。叱搗具領。諭生攜女速去。皆稽首謝。星使叱搗等出。封其室遽去。生攜女反寓。束裝資夜買權渡江。止眞州。艸艸賃寓。有賀客款門。出迓。卽雨花臺撫肩少年也。邀之入內。女豔妝出拜。少年笑曰。昨夜唐突。得毋怖乎。生曰。子本俊人。昨何蚪髻鐵色。且虞侯伍伯皆何來。少年大笑曰。此幻術也。非此不足以撮合。重又禮拜。女咄嗟具飲。少年略啜卽起辭。生留之。不可。曰。君願遂矣。第資斧將安在。囊出明珠如菽者二。以一授生。曰。此記事珠也。臨文注視。思若泉流。以一授女。曰。此瑟瑟珠也。刺繡時目之。隨意瑩綫。妙若夜來。有此兩絕技。不憂貧矣。言訖。數聲珍重。躍屋清嘯。不知所往。生如言。署門曰。賣文鬻繡。

速而且工。賜顧論價。勿誤秋風。不兩月獲金數千。並轡入都。再戰而捷。夏日夫婦坐蓮池畔。淪新茗。爲銷夏聯句。忽空際墜一人。啞然曰。君貴矣。嘉耦安樂。不憶冰人邪。生與女再拜。曰。君蹤蹟飄忽。天外飛來。乞示姓名里居。容夫婦熟香供奉。朝夕頂禮。應報大恩。曰。實告君。我通天狐也。苦行千年。已登仙籍。無雙前身爲吾妹。以誤折閩苑瓊花一枝。謫降塵世。合爲君配。以此少效緜力。今復原班。故來別。生與女聞言。洟瀾笑曰。六十年美滿良緣。爲歡正長。勿過悲涕。屆時當來接引也。言訖不見。

羅浮夢本事

南海林復來字幼逋。少補諸生。家世嗜梅。至生尤甚。屋後園地畝許。徧植之。疏影暗香。一望彌目。林終日婆娑其下。不勸。風雨之朝。對花焦慮。甚至啜泣。晴始止。人咸癡之。呼爲梅癡。林聞大喜。以爲別號。園有異種。二絳者曰玉支春。白曰

瑤臺月。尤寶之。呂豪某聞。請購之。不許。乞分其本。亦不與。豪知不可。斲。令人夜竊。剛之去。林起。失花。懊喪幾絕。知爲豪竊。訟之官。勿爲理。恨填胸臆。一慟而絕。恍惚見二女子語之曰。此魔也。天下事不至極難。必不能易。人不至極苦。必不能甘。妾姊妹蒙君愛。誼不爲豪辱。今去矣。異日羅浮山下。君來。當終身相守也。寤後。陰念花神來別。將治裝赴之。而豪家得花。一夕萎。遷怒林。欲以危禍中之。林聞。急棄家遠遊。寓羅浮白鶴峰。酥醪觀。臘蠶春迴。無聊閒步。至一邨。清谿數曲。流水一灣。引人入勝。約數里。見矮籬亞竹。蔓以藤蘿。籬畔斜出梅花一枝。林觸所好。憇石盪玩之。旋聞釧聲琤琕。矚之。卽又無人。少頃。聲又作。仰視一美女。摘花樹上。方欲問訊。女已折枝下樹。含笑而去。問之不答。惘然欲反。則折花者。偕一衣綠者至。叱曰。何處郎君。闖人閨閣。意欲何爲。言訖。以袂掩口而笑。林揖之曰。失路至此。見宅上梅花。不覺貪看。未知引避。小生罪也。蒙如見赦。不敢忘。

恩。二女笑曰。此亦常事。何恩何報。汝言不忘。欲不忘誰耶。復有數女出。紅裳翠
襲。異嫋同妍。曰。姑姑喚速去。奚喋喋爲。僉曰。姑捉渠去。待姑姑欲如何便如何
也。羣擁之入。至樓下。始釋手。堂設湘簾。爐煙清裊。諸婢擁一麗人出。縞衣素褶。
豔絕人寰。蓮步珊珊。翩然登座。詢生嗜梅。亦知有梅癡乎。生局脊曰。不敢。卽生
是也。女驚喜曰。君卽梅癡邪。妾家世好也。妾梅氏。小字冰癯。早失怙恃。止一姊
絳萼。數日前南海禮佛去。君來良善。紙帳有人伴矣。挽生入室。芬郁瓊麗。如入
洞天。生曰。卿雅人。享此清福。不知幾生修得到也。女耳語曰。與郎同享何如。林
曰。卿言大佳。第書生薄福。不堪消受耳。女命婢置酒。笑醺極歡。問婢名。折花者
浣綃。衣綠者夢華也。是夕。生與合香。數日。浣夢亦侍寢。自入花叢。不復歸觀矣。
一夕。談正濃。婢白姊歸。女林與起逆之。絳萼曰。別妹數日。知自擇婿。金玉條脫。
壓羊家郎腕扁矣。女曰。蘇君舊人。非妹自薦。虛左待姊久矣。絳笑而不言。卽夕

成婚。姊妹皆酷嗜梅。與林同癖。尤善種植。縱劣者。一經纖手。罔弗佳。林請其術。曰無他。但以愛美人之心愛花。則體帖微不至。自然順性。花性既順。而後從心所欲。無施不可耳。年餘林反故鄉。豪先以事敗。林愛羅浮峰壑之勝。移家從二女居。又數年。絳冰綃華。各生子女數人。

香國夢本事

鴻山莊氏族繁。分東西二眷。系代簪纓不絕。西莊夢蟻生。名景周。以生時父夢漆園吏至其家故也。十四補諸生。連捷賢書。入都應試。同邑某公有廢圃。在市胡同。傳有狐祟。人不敢居。生素豪邁。愛其幽僻。攜僕下榻焉。一日讀勸花枝正午。閒步階除。忽二彩蝶躡躑低舞而來。觸庭角蛛網陷焉。蛛自檐下將攫之。蟻窘不能擺脫。生憐焉。取竹竿破網出之。蝶翔集花陰。半晌始去。次日僕出聞廊外響屨聲。出視之。一絕色麗妹。衣杏子衫。御粉紅裳。分花擘柳。徙倚闌干。生

吐曰。妖魅敢來此邪。女笑曰。書生少見多怪。世有妖魅白晝詣人者耶。生以其嬌冶。不覺傾倒。曰。卿非妖。遽集於此。女曰。然則君何以在此耶。生曰。吾僻居讀書耳。女哂曰。君能居之。僕豈不可一游。生復詰居族。女曰。儂翟氏。小字春妍。居園外。僅隔短牆。家止一妹。名春煙。聞君雅士。思一聞寫。不意見疑。請從此逝。言訖。反身欲去。生見其柔情吐屬。挽止之。柔荑一握。滑澤如脂。不覺心動。直前擁之。女亦不拒。約明日僞爲訪翟氏姑者。儂當納君。翼日至其家。命僕人告。女出相見。佯爲問訊。知與生中表。謂生曰。寒門清貫。弱息僅存。燕蹴鶯捎。不無相偏。得兄來良幸。意欲扳附。薦蘿自此。不致折花驚夢矣。生允之。問煙妹何以不見。曰。午睡正濃。粉衣方曬。於是相與登樓。至榻前。見煙擁枕方酣。女推之曰。客來矣。香夢驚迴。麻茶星眼。嬌媚更勝於姊。生揖之。煙挽坐曰。儂姊妹荷君再生。正思圖報。奉匱沃盥。所不敢辭。綺旒深談。始知卽曩者所救之二螿。榜發登第。散

館授職。攜二女歸。一生花裏活。不知所終。

碧玉蟾本事

豫章楊生逸。幼時。父爲訂婚西鄰丁氏。女名仙姝。國色也。少與生同學。兩小無猜。生私以碧玉蟾贈女。女以水精如意連環答之。父碎。不戒於火。室廬蕩然。母亦旋逝。丁以生貧。頗侮。招生至。以聘金反之。曰。子頽唐至此。齒長矣。莫誤我。女將此去謀生計。勿以頭巾老也。生聞之。錯愕。旣而大怒曰。先人口血未乾。不嫁我易耳。大丈夫甯以賣婦錢作生活邪。拂衣而出。翼日。丁女隻身來。生驚問。卿胡至此。雪涕言曰。妾父背盟。妾覓死不得。今乘隙來一訣耳。生聞言失聲。女亦慟哭去。投厓死。生聞。披髮入山。一日至鄂南。冥行入亂山中。日暮。失足墜絕壁下。自問無生理。而衣爲藤蔓所絙。得不墮。憩坐磐石。隱約壁間露一穴。入之。未數武。有光一星自洞出。生遂光而去。入漸深。光漸大。數十步外。有石阻路。略

推之。應手仆。石扉摩谿。大喜入之。則宮宇互霄。樓臺金碧。門榜大書補恨天三字。疑不知是何世界。入一門。左右列玉肆。一老媪持籌其中。則己之玉蟾蜍在焉。大訝之。問市易否。媪曰。此補恨宮中主人物。云初有耦。今失之。命老婢攜置肆中。冀延津劍合耳。生急解衿示之。曰。此堪作配否。媪曰。主命有玉來者。持進請示。君姑待我。恩恩去。無何媪來。曰。主問獻佩者誰。命引入見。生從媪至一第。巍煥類王居。導歷數殿。始達後宮。侍女數十。左右列侍。珠簾高捲。一麗人華妝。端坐繡榻。年二十許。視之。則仙妹也。生不暇置詞。直前哽咽。曰。卿死良苦。那得在此。夢邪。真邪。女曰。非夢也。此補恨天。漢蘭芝夫人掌之。今升秩去。妾以死徇君。故得代。耶亦太苦矣。設醺款生。是夕與生合。數日。女曉妝對鏡。生偃坐其旁。拈脂弄粉。見鏡。籛咩巨册。取讀之。標題大千世界補恨册字。作鳥篆。不甚可辨。內一行。云荀奉倩白頭偕老。踰數策。云馮小青易妾爲妻。如是者數十行。生

喜曰。卿真快人。然已往恨事何能補。女曰。令來生如意美滿耳。末一行曰。林頻頻反魂嫁寶玉。生笑曰。卿亦太好事。此曹雪芹寓言耳。女曰。雖無其人。讀石頭記者。人人有此意。妾司補恨。願有情人都成了眷屬。遑問子虛烏有哉。又一冊。則有甫婚而孀者。未老而鰥者。始離終合者。離不再合者。生掩卷不忍視。偵女乍睡。潛取筆改易。緣淺者益之。緣斷者續之。缺陷因緣。無不填補。女醒。見册色變。曰。敗矣。此月下老人所定稿。何可擅更。生曰。我儂兩箇。死而復生。離而得合。願舉斯心。加諸世人。苟有譴。我自承之。弗索卿也。女曰。妾一念牽纏。爲郎憔悴。今若此。不免再謫塵世一行耳。遂與生歸里。丁巳物故。生旋登第得官。遇以悔婚訟者。必多方勸之。牌合。有女憎婿貧。託言父命者。必重懲之。不稍貸云。

同心蘭本事

平江溫琪字玉其。年二十。公車北上。過洞庭。同行一巨艦。云湘陰羅太守官嫗。

赴任鄂渚者。玻璃窗啟。一女郎臨鏡曉妝。容貌若仙。曠世無儷。目注之。女迴首一瞥。卽避去。溫念中饋尙虛。得此麗華。不羨執金吾矣。日莫權停。聞鄰舟鉦鈿聲。推篷則女舟先泊。喜極同榻。然未由問訊也。次日抵漢皋。賃車遂發。一路鈴聲鐸語。如寫相思。春官榜發。連捷探花。朝官爭禱之。皆辭不就。意不忘舟中人也。次年督學湖北。未任事。微服私訪。過一巷。臨街樓上。少女倚窗。見溫卽掩窗入。遺繡靶一方。隨風飄蕩。而女不知也。溫似曾相識。細揣容儀。果舟中所見人。喜極。納靶囊中。詢之。遂人知爲前權鄂守羅公館。回舟。戲易女妝。僞爲賣花者。經樓下喚賣。女聞之。令婢喚入。市花數種。溫以同心蘭一剪贈之。談次。云新學使將至。翩翩少年。聞其夫人亦湘南羅姓。不知是小姊一家否。他日當爲賣花婆說項也。女笑曰。學使未第時。儂在漢皋一見。少年美秀。玉堂人物也。其夫人不知是何處閨秀。非吾族也。佳耦豔福。信幾生修到。第稍嫌輕薄耳。溫無言退。

數日題一詩於所拾帕上。裹食物中。託母命以鄉誼饋羅守。女見帕驚異。展帕讀詩。云仙舟一面託眞眞。宦轍萍逢有夙因。何事鴛鴦猶待闕。探花人是賣花人。女私白母。語太守。浼中丞爲塞修。卽日以學使鹵簿迎娶。佳話徧鄂北楚南。有演爲樂府者。

油壁車本事

泗上諸生劉昭。游學臨淄。偶之野。見女郎乘油壁車。一婢跨衛從之。霧鬢風鬟。姿容絕代。注目久之。徑至車前問道。婢前遮曰。我家小姑。從不與外人通言。何處狂郎。強來絮聒。生以失路對。婢嫣然曰。觀子行徑。斷非迷道者。欲給誰鄂。生無以置詞。女在車小語曰。玉莊箇郎君若眞問路。可令施從西南去。婢以帕掩口。曰聞之否。可去矣。車遂東發。生知其給已。欲博女歡。故嚮西南行。聞車中女聲粲然。婢亦吃吃不止。俄而車杳。始反舊塗。歸齋冥想。徧問鄰人。無知女者。邑

鄭翁巨戴也。延生課子館之西園。園東偏紅樓三楹。鄭媵居焉。生偶過其下。忽樓上飄墜一箋。上書小詞。云一桁棗花簾。斜挂雕檐。風來敲動玉鉤尖。到得深宵涼似水。月影纖纖。窗外落紅黏。窗內愁添。銀屏倦倚態慳慳。一縷柔魂銷不得。強把針拈。調寄賣花聲。書仿簪花。知爲閨人手筆。裏歸珍如拱璧。微詢其徒。知其姊名延娛。嫺翰墨。年十八。待字閨中。生悟爲娛作。愛其才而未睹其貌。愈念車中人不置。會鄭出小影索題。生書一詩於上。鄭持去。次日有婢持白桃花册來。云我家娼姑佩君佳作。以此求題。言訖。以目視生。生見婢似曾相識。諦審之。卽前策蹇隨輿者。大喜。迺曰。卿主婢太惡作劇。爾日僕誤走岐塗。山石攀籬。至露宿林皋。至今猶悸。婢笑促之。生捉筆立成一絕。予之。云春風吹盡舊脂痕。滿眼繁華何足論。留得美人眞面目。偶然相對也銷魂。淡極無言不受塵。分明倩女喚眞眞。何時得傍仙源住。好與劉郎一問津。婢攜去。生以得知車中人才

與貌稱。爲喜。情冰致意。而鄭以生客游貧甚。卻之。生大失望。辭館。歸而遂病。母洪止生一子。詰得其故。遣弟至齊。委禽。則女已字大腹賈王氏子矣。歸告姊。甚憂之。冀生病癒。令弟給生。謂議已成。生始瘳。促母親迎。日往聒舅氏。舅言支吾。生疑前議爲僞。再如齊訪之。知西施已爲越客網得。嗒然若喪。歸而復病。母慰之曰。天下多美女子。何必鄭。生曰。母爲兒婚。必得鄭。他佳麗非所望也。母曰。表妹何如。生不答。良久曰。可則可。特未知姑意如何。蓋生姑適同邑李氏。亦大姓。女字香穠。美而豔。母以生意已移。竟媒定焉。婚有日矣。三省教匪蠢動。烽火達於齊魯。生奉母奔匿。賊平始反。則姑家不知何往。母爲生別娶。生無如之何。任母所爲。遂訂婚郡中陳氏。卻扇視之。則延娛也。初。娛聞父卻生聘。鬱鬱不樂。繼知生歸而病。益感其情。比父字王氏子。白於母。以死自誓。母袒女。恨鄭無識。薄逢掖而重齷齪。反目而鬩。聞諸外。王聞女意屬劉。梗父命。大怒曰。癡婢無福。欲

從窮措大餓斃邪。索聘絕之。寇至。盡室南遷。渡黃河。恐終不免。躍入水。父母號泣。拚之。不得其屍。陳適舟過中河。撈之。而蘇。撫爲女。亂定。故以之嫁生也。生大喜。侍母北歸。渡齊河。聞女子哭甚哀。使嫗引之至舟。則香穠也。大驚。問故。云匪至。家星散。爲人掠賣。伺隙逃。將歸而無資。擬自盡耳。母曰。兒苦矣。然兒已有婦。可若何。娛急進曰。耶與李家姊訂婚時。兒猶路人。豈知有今日邪。姊先兒後。母不可以見之。呼李爲婦。李亦以妹呼之。母大喜。同歸。卽日合鬻。事母皆孝。衣履互著。無閒言。半載後。李鄭父母咸歸。室家無恙。喜二女得所。咸以謂天幸。次年生舉於鄉。鄭以玉莊爲媵。後各生二子。生官至藩參。乞養母歸。年未強仕也。

鏡中緣本事

平陽韋玘成。少有才名。而癡情特甚。聞人家伉儷相得。輒豔羨稱道之。女子失所。則痛哭若身罹其苦者。嘗謂紅顏大半薄命。宜曲意體帖。如養花之百般護

惜。方可耐看多時。若膜視。致風雨摧殘。俗人攀折。孽矣。娶文氏。美而賢。未數載。遽隕。痛不欲生。曰。某自謂非薄倖流。彩雲易散。殆薄福書生。不堪消受耳。矢不復娶。閉戶讀道書。以自遣。一日有黃冠求見。延入與語。大說之。曰。君情根未剷。非吾道中人也。韋曰。僕以嘉耦中斷。佳人難再得。情之一字。剷除久矣。曰。好姻緣。本非如意珠。豈能終身廝守。然有志竟成。苦心人。天不負。以情感情。復相糾結。懺除二字。談何容易。有鏡一方。請試照之。方知老道士言不謬也。贈鏡卽去。韋取視。小僅如鑿。螭文滿背。中鑄四小篆。曰。風月無邊。凝視閒。覺身輕目眩。已入鏡中。遙望一山。青綠巒頭。如北苑畫。循山東折。則舍宇連綿。張以步障。隱聞鼓樂聲。朱衣數輩。若有所伺。見韋至。一翁冠服出。曰。君韋玉成耶。韋大驚。曰。小生便是。丈何以知之。翁喜曰。老朽鹿氏。新除月下老人殿中執柯郎。將遠去。小女與君夙緣。知君來此。祇候久矣。遂令人爲韋易冠服。華輿一乘。強韋入之。儼

從鹵簿擁之去。俄入一第。結彩於門。張鐙於室。扶韋出輿。滿座嘩曰。新郎君至矣。屏後粉黛十數輩。曰。韋有切切私語者。有掩半面窺者。鼓吹交作。釵佩之聲滿堂。雙鬟扶女郎出。交拜成禮。導入青廬。女濃妝豔服。並坐繡牀。錦帳流蘇。茵褥華奕。合卺飲後。鬟代女卸妝先睡。韋亦就寢。枕上細詢。知女名珥觚。少失恃。父將遠宦。故贅生。天曉甫起。卽有嬌女四人入房。與女調笑。語頗褻狎。去後。韋私詢女。曰。皆中表姊妹行。長琴觚馬姓。與儂同年十九。貌冠羣嫗。次東姝琴妹也。次爲麗笙。最幼者琴娛。則從姊妹也。皆無父母待字。父以天下有情郎難得。欲盡以歸君。君願之乎。韋未有言。而琴東姊妹又來。笑曰。姊妹纔作一夕新孃子。便與姊夫喋喋不休。女笑曰。笙兒利口。看汝明日不與姊夫昵昵私語邪。娛曰。姊妹相習慣。一見便惡作劇。不怕姊夫齒冷邪。女目生曰。嚮所言。可否不妨直對儂言。韋笑曰。卿以爲可則可耳。笙拍掌曰。何如。一夜歡娛。野鶻鶻已喚熟。

琴姊莫怪我輩惡作劇也。賦皆粲然。女命婢張飲。六人傳杯弄棗。諧笑甚歡。琴類以目賤生。生亦逆而送之。女曰琴妹意有所屬。得無欲作女英否。琴曰同嫁姊夫。固亦無妨。姊姊非醋娘子。不至潑翻杏花酸也。笙曰阿妹口快。屢戒不悛。不知身是女兒邪。飲散。女以生言白父。諷吉次第成婚。生偃倚花叢。溫存體卹。一切女孩兒心性。無不體帖入微。閨房之內。眞事有甚於畫眉者。忘其身。在鏡中。不復出焉。

麗人潭本事

秀水王秋石。幼穎敏。讀書萬卷。十八領鄉薦。名噪浙西。居前明朱相國舊園。月夕花昕。名士麀至。吟詩角韻。尙論古人。暇習武事。技擊跳盪。不啻百人敵也。時中饋尙虛。邑大姓有女者。爭相嚮致。秋石殊眇當意。每曰國色絕藝。必若秦儷卿者。吾偶之。蓋邑中秦京卿一女。名儷卿。工翰墨。嫺騎射。及笄未字。人會上已。

士女集麗人潭。修禊潭。距城里許。桃花春水。楊柳樓臺。張飲水嬉。畫船萬楫。擅
鴛湖之勝。生至時已薄暮。游人漸散。見一女郎。紺襲絳裳。跨小駟。麗若天仙。從
婢三四人。皆要弧矢。自隄外過。秋石斜睨良久。女亦數目送之。一婢縱轡。向女
低言。攬轡馳去。生登亭子四眺。壁上有新柳一律。情韻雙絕。末署麗卿漫作。波
磔妍秀。墨瀋未乾。始知嚮所見。卽其人。企想愈殷。歸白父母。僣倩媒妁。父以秦
擇壻甚苛。難之。女是日見生。婢緣娥者。素識生。私以語女。女意頗屬。緣娥潛白
夫人。夫人久耳生才。而未見其人。猶豫未決。會捻逆蕩平。京卿與大帥同年。將
馳書賀捷。記室三易藁。秦猶未懌。夫人曰。聞王秋石下筆萬言。盍延之。捉刀儻
貌與才稱。此快壻不可失也。秦笑從之。以書幣招生。生大喜。盛服往。秦見神采
雋朗。吐屬不凡。不覺心折。卽請屬草。援筆立成。濤湧鵬集。詞義均踰。記室讀數
歎賞不置。越日屬人示意。生立倩冰人。消言成禮。以緣娥媵。女旋許爲生。寔室。

媚呼之。而綠娥執侍。姬禮不衰。生父故蜚遜士。謂生曰。吾家向非富貴。薄田數頃。可供耕讀。不願汝求進取。離却下也。生女倡和閨中。綠娥閒亦步韻。有鸞鷲同聲集行世。

昔人評樊榭詩。用冷典。下生字。寫幽景。一生長技。作者小品文亦如之。

補園隱本事

吳門女校書楊姍遲。色藝無雙。好吟詠。工績事。閩中蔡几。筆墨外無他物。性狷累。不慕榮利。好與名士往還。富商貴介。贊厚者。留一茗共一弈而已。鵠強之。不奪。重簾不捲。嘿坐寡言。暇則以詩畫遣日。有簪花閣詩詞集四卷。傳誦一時。武林梅韵冰。景蘇。葛儻。風流。時客閩門。聞姍名。往訪。意其名噪。情涼。落落難合。及至。一見傾心。款接歡洽。向晚留宿。生曰。得接芳姿。已鑿渴想。不敢望枕席歡也。姍笑曰。郎以儂爲迷香洞邪。生出望外。繼繼甚至。夜中語生曰。儂墮風塵。殊

乖本志。欲得知心者。事之闕人多矣。無踰耶者。儻得添香佐讀。長侍衾裯。儂願慰矣。生曰。得人如卿。又何求。媻大喜。詰生家世。生曰。貧郭十頃。聊飲耕讀。媻曰。人生得衣食足矣。儂歸後。郎但讀。無問家事。暇則壺觴拈韻。萬戶侯何是易哉。晨起生別。訂市月爲期。生歸杭。病瘡數月始癒。復如吳。趨訪媻。則門巷桃花。猶是。而人面迥非。詢之。云。鶻以媻倍客。門前冷落。車馬日稀。怒逐之。不知何往。生惘惘反權。過塘樓。臨流茅屋三椽。柴扉半掩。一女子紡其中。怪似媻。泊舟。上視之。果媻也。執手汎瀾。疑爲噩夢。初媻爲鶻逐。垢衣敝履。不名一錢。彳亍道中。舊時姊妹無一顧問者。見之亦僞爲不識。憶有從母徒杭。行乞赴之。至塘樓。纖步委頓。不得前。劉媪者。故嫠也。見而愍之。詢得顛末。俾暫居共紡。俟有便舟。送之杭。不虞生之邂逅也。生聞。悲喜交集。以金謝媪。載媻歸。別業在西子湖畔。春秋佳日。生攜女鼓柁煙波。窮三竺六橋之勝。選韻留題。有補園偕隱集行世。斷句

如詠菊。云正色自應貞晚節。冷香斷不寄人籬。他如酒力因寒減。鄉心託夢圓。
草香迷舞蝶。花影聚游魚。多可誦云。

畫中緣本事

楚士呂鳳梧游吳門。於舟中見一女子。美而豔。來橈去櫂。翩若驚鴻。目送與之俱遠。是夕就枕。夢有人語之曰。舟中美人。汝妻也。呂固未娶。醒而異之。益致冥想。然無由蹤蹟。亦姑置之。明年以貢入成均。如京師。偶於瑠瓊廠肆。見畫幀。一女子拈花微笑。酷似姑蘇舟中人。上有絕句。云新妝宜面出簾來。共數庭花幾朶開。我比敬君差解事。不曾輕去畫齊臺。呂不知敬君事。莫測所指。問值甚廉。以交乎一貫得之。是歲。以知縣需次江西。與同官吳人沈君往還甚相得。一日至呂齋。見畫大驚。曰此亡婦小影。僕所手繪。并題句。往寓都門。亡一篋。遂失此積。君得毋於廠肆市之乎。呂曰。然則僕曾見君夫人。因告以昨歲閨門舟中相

觀事。沈曰否否。吾婦前年已物故。呂曰若然。天下甯有相似甚若是者乎。沈曰。此必吾姨也。外舅生二女。面貌身材。無一不同。雖家人莫能辨之。長爲亡婦。君所遇者妹也。呂并以夢中人語告。沈曰。姨尙待字閨中。當爲君作蹇修。呂卽以畫歸沈。沈作書至吳。竟平章媒合之。章門稱爲美談。按羣書拾補說苑逸篇。齊王起九重之臺。募國中有能畫者。賜之錢。有敬君居常飢寒。其妻妙色。敬君工畫。貪賜畫臺。去家日久。日懷其妻。遂畫其像。向之熹笑。旁人瞻見之。以白王。王召問之。遂對曰。有妻如此。去家日久。心常念之。竊畫其像。以慰離心。不悟上聞。王卽設酒。與敬君相樂。謂敬君曰。國中獻女。無好者。以錢百萬請妻。可乎。不者殺汝。敬君偉惶聽計。注太平廣記二百十。畫一亦引之。而甚略。前人圖詠古美人。罕有及之者。說苑不詳後事。度必如青陵臺之自殺。羅敷自有夫。必不爲使君奪也。沈詩殊佳。而人甚穠樸。小姑獨處。何不爲拱辰之請。而千絲越網。

輕以贈人。何億惶也。豈是時已鬻膠別續。抑義不再娶。不忍對新人。益思故劍邪。呂修到幾生。獲此美眷。否則仙侶移舟。眞眞喚殺。正誤天下人不少也。

棗糕緣本事

光緒丙子丁丑間。畿備大飢。異裁有兄嫂二人。挈其妹。閒關天津求食。行至紫竹林。日將暮矣。有小車鬻棗糕者。適駐道周。嫂飢欲食。兄出錢十數枚買糕。夫婦共食。而不與其妹。妹旁坐啜泣。鬻糕者見之心愍。乃推車就女。曰。吾糕垂罄矣。所存無多。以乞汝。不責女直也。妹食畢。兄嫂招之起行。妹曰。前路茫茫。行將安往。往而乏食。亦無以生。吾受此人一飽之恩。不如從彼去。免爲兄嫂累也。鬻糕者大喜。曰。吾固無室。得此女爲妻。何幸如之。轉求之兄嫂。兄曰。旣彼此皆願。吾何問焉。鬻糕者乃以車載女。招兄嫂同至其家。家幸小康。翼日成禮。壻旁舍居兄嫂。有贏二頭。以其一予兄。使賃於人而食其值焉。庸謂此女頗有識。不當


爲溝中瘠。鬻糶者亦長厚。薪水申得諧。仇儻不怨糶糶。且傳獲虜。豈尋常流冗所有哉。烏虜。長民者漿酒霍肉。而瘡氓至求一糶不可得。三晉災後。沿及豫畿。千百哀鴻中。類此者不可悉數。鬻糶者何其少也。鼠壤餘蔬而棄妹者。更不足責矣。

評語

雲麓漫鈔（卷二）唐之舉人。先藉當世顯人。以姓名達之主司。然後以所業投獻。踰數日又投。謂之溫卷。如幽怪錄傳奇等皆是也。蓋此等文備眾體。可以見史才詩筆議論。作者不傳姓名。豈亦將以此投獻顯人耶。然史才議論。文體畢備。觀裴硯傳奇。有過之無不及也。（飽餐蛾綠軒主人）

蜺斗薊樂府本事終

中華民國十三年出版



樂府本事全一冊

定價大洋七角

編輯者 山陰平步青


發行者 紹興四有書局

印刷者 紹興四有印刷局

總發行所 紹興四有書局

分發行所 上海大東書局

分售處 各埠大書坊



$$104 = 25$$